

儀禮正義

儀禮正義卷二

鄭氏注

績溪胡培翬學

若不醴則醢用酒

若不醴謂國有舊俗可行聖人用焉不改者也曲禮曰君子行禮不求變俗祭

祀之禮居巷之服哭泣之位皆如其國之故謹修其法而審行之是酌而無酬酢曰醢醢亦當為禮

**疏**

正義曰自

此至卒醢取簋脯以降如初言不醢而醢之事○案醢為太古造法酒為後世造法醢濁酒清醢質而酒文也據行

禮之本意則質為重故冠禮以醢為正而醢亦並行焉張氏爾岐云醢醢二法其異者醢側尊在房醢兩尊于房戶

之間醢用解醢用酌醢從尊在房醢從洗在庭醢待三加畢乃一舉醢每一加即一醢醢薦用脯醢醢每醢皆

用脯醢至三醢又有乾肉折俎醢贊冠者酌授賓賓不親酌醢則賓自降取爵升酌酒醢者每加入房易服出房立

待賓命醢則每醢訖立筵而待賓命醢者每加冠必祝醢時又有醢辭醢者加冠時不祝至醢時有醢辭其餘儀節

並不異也○注不改者也集釋者作舊嚴本及各本俱作者校勘記以作者為是而審行之是也毛本有也字嚴徐

集釋俱無云若不醴謂國有舊俗可行聖人用焉不改  
者也者聖人謂周公言周公制禮體子以醴而復有用酒  
蓋因其國有舊俗可行用焉不改故並著之於經朱子謂  
此以下爲禮之變是也引曲禮者卽以證不改舊俗之義  
案曲禮曰君子行禮不求變俗鄭注求猶務也不務變其  
故俗重本也謂去先祖之國居他國孔疏此云不變俗謂  
大夫出在他國不變己本國之俗案鄭荅趙商以爲衛武  
公居殷墟故用殷禮卽引此云君子行禮不求變俗如鄭  
之意不變所往之國舊時風俗與此注不同然則不求變  
俗鄭有兩解此注所引蓋謂不變他國舊俗王制曰修其  
教不易其俗齊其政不易其立是也孔疏又云祭祀之禮  
者卽夏立尸殷坐尸周旅酬六尸及先求陰陽犧牲騂黑  
之屬也居喪之服者殷雖尊貴猶服禭親周則以尊降服  
哭泣之位者殷不重適以班高處上周世貴正嗣孫居其  
首皆如其國之故者謂故俗也今案鄭引曲禮至謹修其  
法而審行之卽云是者謂曲禮所云是不改舊俗也孔疏  
據夏殷立論蓋謂夏殷之子孫不變夏殷之舊俗與此注  
所引義殊賈疏乃謂此經醴用酒爲夏殷冠子之法朱子  
云不醴而醢乃當時國俗不同有如此者如魯衛之幕有  
繆布祔有離合皆周禮自不同未必夏殷法也其說誠是

劉氏倣以醺用酒專為庶子冠法盛氏云如以此節為醺  
庶子經當云若庶子則醺用酒而下文亦不應別見庶子  
冠法矣朱子謂庶子一醺以酒安得有若此及殺牲之盛  
禮哉然則劉說亦非矣蓋制禮惟醴而已其或舊俗有用  
醺者聖人以其無大害理故亦錄於禮經以聽民之擇用  
也又盛氏謂自此以下皆為記文詳後記下云酌而無醺  
酢曰醺者或謂醺與醕通曲禮長者舉未醕鄭注盡酌曰  
醕荀子禮論篇利藹之不醺也楊注醺盡也是也然說文  
以醺為冠娶禮與醕異義此云無醕酢者吳氏紱云醴無  
醕醺冠禮醴子昏禮醴賓醴女醴婦聘禮醴賓皆是也亦  
有有醕醺者冠禮醴賓鄭氏以為清醴是也若醺則皆無  
醕醺此經及昏父醺子命之迎使人醺庶婦是也云醴亦  
當為禮者醴與酒對上云醴此云酒是也醴亦與醺對用  
醴謂之醴用酒謂之醺是也此經醴字不必改禮說已詳

前

尊于房戶之間兩甌有禁玄酒在面加勺南枋

房戶間者房面

室戶東也禁承尊之器也名之為禁者因為酒疏正義曰

此設尊

戒也玄酒新水也雖今不用猶設之不忘古也亦當在陳服之後與醴子同敖氏云兩甌一酒一玄酒也  
玄酒在面尊而上也加勺加於二尊之上而覆之也玄酒

亦加勺者不以無用待之也南枋爲酌者北面覆手執之

便也注云房戶閒房而室戶東也者凡言戶者皆室戶

以經云之閒明在東房與室戶之閒故知房而室戶東也

云禁承尊之器也者禁以承尊經云有禁明兩甒俱有也

云名之爲禁者因爲酒戒也者詳特牲記又豐亦承尊器

詳燕禮云玄酒新水也雖今不用猶設之不忘古也者李

氏云古未有醴酪以水當酒之用後世以其色玄故謂之

玄酒又云凡醴無幕醴亦不用幕從醴質蔡氏云醴一甒

無禁無玄酒有勺在篚不加於尊醴則兩甒有禁有玄酒

加勺尊上此其異也禮經釋例云凡設尊賓主人敵者於

房戶之閒君臣則於東楹之西竝兩甒有玄酒有禁案士

冠禮醴用酒尊于房戶之閒云云鄉飲酒禮尊兩甒于房

戶閒斯禁有玄酒在面特牲禮尊于戶東玄酒在面注戶

東室戶東少牢禮司宮尊兩甒于房戶之閒注房戶之閒

房而室戶東也飲酒與祭皆尊於房戶之閒者既祭獻賓

及酢酬旅酬無算爵皆具賓主如飲酒之禮也鄉射禮尊

于賓席之東兩甒斯禁左玄酒皆加勺鄉射不云房戶之

閒者蓋鄉射於序序有堂無室無室則無房戶故但云尊

于賓席之東鄉射上經云乃席賓南面東上注不言於戶

隔之閒者此射於序是也鄉飲酒疏云設酒之尊皆於顯

處見其文是以此及醯子與鄉射特牲少牢有司徹皆在  
房戶之間敖氏繼公曰不言戶牖間者可知也記云出自  
東房有東房而房則中有室而席賓於戶牖之間也明矣  
皆與注異有司徹饒祭賓尸之禮因少牢正祭之酒但攝  
之而已不更設尊故疏亦以爲在房戶之間也燕禮司宮  
尊于東楹之西兩方壺左玄酒南上公尊瓦大兩有豐注  
於東楹之西子君專此酒也玉藻曰唯君面尊玄酒在南  
順君之面也大射儀司宮尊于東楹之西兩方壺膳尊兩  
甌在南有豐膳尊卽燕禮公尊君之尊也兩方壺臣之尊  
也君臣不同尊尊君也皆有玄酒故君臣皆兩尊注云酒  
在北尊統於君南爲上也唯君面尊言專惠也燕禮大射  
皆臣與君行禮故尊於東楹之西也曲禮侍飲於長者孔  
穎達正義曰陳尊之所貴賤不同若諸侯燕禮大射設尊  
在東楹之西自北嚮南陳之酌者在尊東西嚮以酌者之  
左爲上尊尊面有鼻鼻向君示君專有此惠也若鄉飲酒  
及卿大夫燕則設尊陳于房戶之間東西列尊尊面嚮南  
酌者嚮北以西爲上尊時主人在阼西嚮賓在戶西牖前  
南嚮使賓主得夾尊示不敢專惠也尊于房戶之間但云  
鄉飲酒不云鄉射較賈氏爲精矣釋例又云案燕禮疏云  
少儀云尊壺者面其鼻鄭注鼻在面中言嚮人也據燕禮

向君而言少儀又云尊者以酌者之左爲上尊鄉飲酒云  
尊兩壺于房戶之間玄酒在面又鄉射云尊于賓席之東  
兩壺斯禁左玄酒鄭注設尊者北面而面曰左此皆據酌者  
北面而言若據設尊之人及尊面而言卽南面以右爲尊  
詳疏意以爲鄉飲鄉射設玄酒之位與燕禮若有異者考  
鄉飲鄉射尊面向南則以西爲上燕禮大射尊面向東則  
以南爲上經也洗有篚在西南順洗庭洗者以別於北堂之洗也  
例固不異也洗有篚在西南順洗庭洗者以別於北堂之洗也  
西南順北疏正義曰注云洗庭洗者以別於北堂之洗也  
爲上也醢不言設洗者敖氏云醢而設洗之節亦與  
醢同惟有篚爲異此見其異者耳今案醢之篚在房醢之  
篚在庭此其異也云當東榮南北以堂深者說已詳前云  
篚亦以盛勺解者王氏士讓云三醢皆用爵勺加在尊上  
篚中非解并無勺也注誤耳張氏惠言云房中之篚有勺  
者醢尊不加勺故也此尊既加勺則勺不在篚注連言之  
誤今案爵解通稱篚有勺者褚氏謂勺先實於篚後加於  
尊則注說亦可通云陳於洗面者據經有篚在面言之也  
云南順北爲上也者此篚蓋縱設之以北爲上特性記注  
謂南順統於堂也是也據此則篚似有刻識爲首始加醢  
尾矣此篚在庭爲下篚又在堂爲上篚詳鄉飲禮始加醢

用脯醢賓降取爵于筐辭降如初卒洗升酌

始加者言一加一醢也加

冠於東序醢之於戶西同耳始醢亦薦脯醢賓降者爵在庭酒在堂將自酌也辭降如初如將冠時降盥辭主人降

也凡薦出**[疏]**正義曰朱子云始加二字乃疊見前始加繼自東房**[疏]**布冠一章之禮醢用脯醢乃題下事其實賓

答拜後乃薦之也敖氏云卒洗亦當壹揖壹讓乃升今案此章於其儀文之與醢同者皆云如初則醢為正禮益可

見矣**[注]**云始加者言一加一醢也者注以經云始加即云醢明是一加一醢與醢行於三加之後乃薦脯醢者異

矣云加冠於東序醢之於戶西同耳者上冠子筵于東序醢子筵于戶西此經不言故注補之明一加一醢雖異而

其行禮處所則與用醢者同也醢之於戶西即所謂醢於客位者據此則鄭不專以醢為冠庶子法明矣云始醢亦

薦脯醢者明每醢皆有脯醢也云賓降者爵在庭酒在堂將自酌也者爵實于筐在洗面是在庭也酒尊于房戶之

閒是在堂也上醢子者醢在房贊者酌授賓賓無升降之節此醢則賓自酌故須降取爵于筐以洗洗畢乃升酌也

云辭降如初如將冠時降盥辭主人降也者謂上將冠時賓降盥主人降賓辭主人對也但前將冠時賓降止為盥



手此則兼爲洗爵雖有不同而其辭主人降之節亦如之也云凡薦出自東房者禮經釋例云凡脯醢謂之薦出自東房案士冠禮疏云醢尊在房脯醢出自東房酒尊在堂脯醢亦出自東房鄉飲鄉射特牲少牢薦者皆出東房故注云凡以該之考士冠禮陳服于房中又云脯醢南上房中卽東房也鄉飲酒記薦脯五挺出自左房鄉射記薦脯用簋醢以豆出白東房特牲禮豆簋鉶在東房少牢禮饌豆簋與簠于房中又陰厭主婦薦自東房此皆疏所已言者也公食禮設正饌宰夫自東房授醢醬又云宰夫自東房薦豆六有司徹主人獻尸主婦自東房薦非菹醢又云主婦興取簋于房又主婦獻尸興入于房取糗與服脩執以出又主婦致爵于主人設糗脩如尸禮又主人獻長賓宰夫自東房薦脯醢又不償尸之禮主婦亞獻反取簋于房中執東糗又云婦贊者執栗脯此皆疏所未言者也燕禮大射聘禮以及有司徹主人獻侑主人受尸酢主婦獻侑主婦受尸酢不償尸之禮主婦獻視主婦致爵于主人賓致爵于主婦所薦籩豆經雖無文則皆出自東房可知也薦亦有不在于東房者特牲記云賓與長兄弟之薦自東房其餘在東堂其餘謂眾賓兄弟之薦是也若士虞禮饌兩豆菹醢于西楹之東醢在西一鉶亞之從獻兩豆亞之

四簋亞之則是冠者拜受賓荅拜如初贊者筵於戶面賓

反吉非恆例矣冠者拜受賓授爵東面荅拜**疏**正義曰注云贊者

酌冠者南面拜受賓荅拜贊者則亦薦之筵於戶面至東面

如醴禮也於賓荅拜贊者則亦薦之文以明之見醴與醴同也云如醴禮也者釋經如初之文

也云於賓荅拜贊者則亦薦之者上醴禮云賓東面荅拜下即云薦脯醢明醴亦當於賓荅拜時薦之也張氏爾

辭云賓亦筵前北面拜受冠者升筵坐左執爵右祭脯醢

祭酒興筵末坐啐酒降筵拜賓荅拜冠者奠爵于薦東立

于筵面冠者立俟賓命賓揖**疏**正義曰朱子云此正醴禮

言如初者皆謂如此禮也李氏云不卒爵者從醴禮張氏

爾岐云降筵奠爵而後拜執爵興賓乃荅拜拜訖冠者乃

奠爵薦東其節亦與醴同今案上醴禮云冠者奠觶于薦

東降筵北面坐取脯此奠爵薦東云立于筵面唯此為異

耳注云冠者立俟賓命者沈氏彤云上一加入房易服

訖而出南面者立於房戶外之西待命也此立于筵面待

儀禮曰

命者以不但易服出房而又醺訖故筵而便也云賓揖之則就東序之筵者賓揖之即所謂賓命也就東序之筵謂

當更加皮弁也徹薦爵筵尊不徹徹薦與爵者辟後加也不徹筵尊三加可相因由便也  
**[疏]**

正義曰注云徹薦與爵者辟後加也者謂後加更須設薦爵故徹之也敖氏云徹之亦贊冠者也每醺禮畢必徹薦

爵者所以新後醺之禮若不相因然是也云不徹筵尊三加可相因由便也者吳氏章句云可相因者則不徹上祇

一醺故醺畢見母而盡微此三醺故其節不同加皮弁如初儀再醺攝酒其他皆

如初攝猶整也整酒謂**[疏]**正義曰朱子云此如初儀者如

再醺注云攝猶整也攝酒其他皆如初言惟攝酒異於始醺其他皆如之

也注云攝猶整也整酒謂撓之者胡氏承琪云說文攝

引持也引持亦整理之義故鄭君訓攝為整惠氏棟云漢

書匈奴傳單于以徑路刀金甌犁撓酒應劭曰撓和也鄭

以攝酒有攪撓之事故舉漢法以明之今案有司徹司宮

攝酒注云更撓益整頓之賈疏云因前正祭之酒更撓攪

添益整新之也然則此攝酒亦謂因始醺之酒撓益整頓

之示新也此經再醺言攝酒三醺不言攝下若殺章再醺

不言攝三醺言攝酒皆省文互見其實再醺三醺皆攝酒也云今文攝爲聶者胡氏云攝正字今文省作聶猶爾雅攝虎梟釋文云加爵弁如初儀三醺有乾肉折俎齊之其

他如初北面取脯見于母

乾肉牲體之脯也折其體以爲俎齊嘗之**疏**正義曰

初儀見上三醺唯攝酒及有乾肉折俎齊之爲異其他皆如始醺也北面取脯見於母敖氏云著此者見其與體同

也注云乾肉牲體之脯也者案周禮膾人掌乾肉凡田獸之脯膾臠胖之事鄭注大物解肆乾之謂之乾肉若今

涼州鳥翅矣薄析曰脯擿之而施薑桂曰脍脩膾小物全乾據此則乾肉與脯膾脍脩俱別此云牲體之脯謂以牲

體乾之如脯沈氏形云但取於脯之乾不取其薄析是也云折其體以爲俎者賈疏云或爲豚解而七體以乾之謂

之乾肉及用之將升於俎則節折爲二十一體與燕禮同故總名乾肉折俎也盛氏云俎用乾肉不殺故也今案豚

解之法陳氏祥道據士喪禮特豚四髣去蹠兩肱脊謂四髣者殊左右肩髀而爲四又兩肱一脊而爲七是也體解

之法朱子謂折脊爲三曰正脊曰脰脊曰橫脊兩肱各三曰代脅曰長脅曰短脅凡六兩肱各三曰肩曰臂曰臑凡

六兩股各三日髀曰肫曰胙凡六通爲二十一體是也陳  
氏去兩髀而以兩股足之非是辨見少牢禮佐食遷所俎  
于阼階面下又案宣十六年左傳曰王享有體薦宴有折  
俎杜注宴則體解節折升之於俎亦謂折爲二十一體也  
若骨折與節折異骨折則特牲記所言是也云齊嘗之者  
說文齊嘗也禮記禮記下鄭注齊啐皆嘗也齊至齒啐入  
口是也。若殺則特豚載合升離肺實于鼎設局鼎一豚  
以上醮。也凡牲皆用左胖煮於鑊曰亨在鼎曰升在俎曰載載合  
升者明亨與載皆合左右胖離割也割肺者使可祭也可  
齊也今文肩爲密疏正義曰殺殺牲也此又醮禮之盛者亦  
鉉古文鼎爲密疏因其舊俗而行之也醮用乾肉折俎盛  
於醴殺牲又盛於折俎而冠不以盛禮先之者聖人制禮  
欲其盡人可行故示以淳朴之意也注云特豚一豚也  
者以一訓特亦猶特牲饋會之爲一豕也說文豚小豕也  
沈氏彤云不用豕而用豚豚未成牲而將成牲於冠義類  
也云凡牲皆用左胖者禮經釋例云凡牲皆用右胖唯變  
禮反吉用左胖案鄉飲酒記賓俎主人俎介俎皆右體進  
腠鄉射記亦云皆右體也進腠注右體周所貴也此嘉禮  
用右胖也特牲記尸俎右肩臂肫肫胙少牢禮司馬升羊

右脾髀不升注上右脾周所貴也又司士升豕右脾又將  
祭載俎上利升羊載右脾下利升豕其載如羊有司徹司  
馬牝羊亦司馬載載右體又云司士北豕亦司士載亦右  
體此吉禮用右脾也是凡牲皆用右脾也既夕禮大遣奠  
陳鼎其實羊左脾豕亦如之注反吉祭也士虞記豚解升  
左肩臂臠肫胙脊脅又云升胙左胙是變禮反吉始用左  
脾也至於特牲記賓幣注幣左幣也賓用左體者下尸也  
有司徹侑俎羊左肫主婦用左肫豕左肩折侑俎用左體者亦下尸  
也主婦俎羊左肫主婦用左肫豕左肩折侑俎無體故下主人  
也此皆禮之殺者不用右脾其體者因昨俎無體故下主人  
凡牲皆用左脾當作右脾左字蓋傳寫之誤褚氏云諸吉  
禮皆升右脾而此注言凡則是解全經之通例何反背經  
而云左斯不然矣賈不悟其謬乃云據夏殷法曲說也盛  
氏世佐盧氏文弼張氏惠言亦皆以左爲右之誤云煮於  
鑊曰亨在鼎曰升在俎曰載者此因經言載合升而分別  
其義也凡牲煮於鑊上之鑊謂之亨由鑊而實於鼎謂之  
升由鼎而盛於俎謂之載李氏云牲體在俎亦得升名下  
云胙升折俎少牢云升羊載右脾是也云載合升者明亨  
與載皆合左右脾者加載於合升之上見不獨合升於鼎  
而亨與載亦皆合左右脾也敖氏以載爲衍文沈氏彤以

特豚載爲句謂俎爲載也豚合升不合載張氏惠言云若合升而不竝載則經當明之如昏禮盥饋合升側載也沈說非是敖去載字則升者將不載乎更非矣釋例云士昏禮初昏陳鼎其實特豚合升注合升合左右脾升於鼎也士喪禮大斂奠陳鼎豚合升注合升合左右體升於鼎冠禮人道之始昏禮男女之始大斂人道之終故皆合升左右脾異於他禮也陳氏祥道云豚則吉凶皆合升用成牲則升其脾而去脾吉升右而凶升左云離割也割肺者使可祭也可臠也者肺必割之而後可祭可臠但肺有二種一曰舉肺爲會而設割之使不絕中央少許又名離肺又名臠肺是也一曰祭肺爲祭而設割斷之使絕又名剝肺是也儀禮諸篇多舉肺祭肺並言此但言離肺不言剝肺蓋省文耳肺爲氣主周人尙之故與牲體同實於鼎也云今文肩爲鉉古文鼎爲密者此注但疊今古文而未解肩鼎之義案士昏禮注云肩所以扛鼎鼎覆之公食禮注肩鼎扛所以舉之者也凡鼎鼎蓋以茅爲之長則東本短則編其中央或謂此注有肩鼎扛所以舉之者也鼎覆之十二字考嚴本及各本皆無蓋移後篇之注於前耳未足據段氏儀禮漢讀考云肩篆作鼎以八野之八爲聲音古焚切鼎以一下坐之八爲聲音莫狄切說文鼎部

曰鼎以木橫貫鼎耳舉之从鼎八聲周禮廟門容大鼎七  
箇卽易玉鉉也又曰鼎鼎覆也从鼎一亦聲蓋許叔重  
原文如是二形相似轉寫遂但存其一又云說文金部鉉  
字下曰所以舉鼎也易謂之鉉禮謂之鼎則許氏所據古  
文禮作鼎甚明十七篇內本皆鼎鼎連文後人因兩字易  
混遂易鼎爲局王石臈先生云此臆說不可從說文鉉字  
注禮謂之鼎當作周禮謂之鼎與鼎字注引周禮正合鄭  
注明言今文局爲鉉則古文乃是局字非鼎字儀禮至今  
作鉉而許不引者已云易謂之鉉則不須更引儀禮至古  
文作局乃鼎之俗字例不當引故不引也左氏暄云扛鼎  
之具說文作鼎而鄭與許異者以儀禮古文已假僭用局  
字說經嫌於改字故從古文說文鼎字注云以木橫貫鼎  
耳則字不當從金又爻辭鼎王鉉玉亦非可以扛鼎也豈  
扛鼎之具飾以金飾以玉與惠氏棟云今文局爲鉉是局  
卽鉉也顏師古謂局貫於鉉則是以鉉爲鼎耳誤矣胡氏  
承琪云禮經今文作鼎者正字古文作密者假僭字鄭於  
貫鼎之扛皆從古文作局不從今文作鉉於覆鼎之蓋皆  
從今文作鼎不從古文作密此則其例之畫一者也今案  
鼎自一至十二數有多寡由禮有隆殺也此云實於鼎則  
一鼎也楊氏儀禮旁通圖一鼎特豚士冠醮子士昏婦盟



饋士喪小斂奠用之三鼎豚魚膾特牲祭昏禮其牢養禮  
大斂奠朔月奠遷祖奠用之五鼎羊豕魚膾膚少牢祭聘  
禮致餼眾介玉藻諸侯朔月用楊氏云少牢五鼎大夫之  
常事又有殺禮而用三鼎者如有司微乃升羊豕魚三鼎  
脂爲庶羞膚從豕陳于門外如初以其繹祭殺於正祭故  
用少牢而鼎三也又士禮特牲三鼎有以盛葬奠加一等  
用少牢者如既夕遣奠陳鼎五于門外是也又七鼎牛羊  
豕魚膾腸胃膚公食下大夫用之九鼎牛羊豕魚膾腸胃  
膚鮮魚鮮膾公食上大夫用之楊氏云上大夫九俎九俎  
九鼎也牛羊豕曰大牢凡七鼎九鼎皆大牢而以魚膾腸  
胃膚配之者爲七又加鮮魚鮮膾者爲九又十鼎正鼎七  
牛羊豕魚膾腸胃膚陪鼎三膾臘膳聘禮致餼上介用之  
十二鼎正鼎九牛羊豕魚膾陪鼎三膾臘膳聘禮致餼上  
膳膳聘禮宰夫設餼卿歸饗周禮膳夫王日一舉用之楊  
氏云凡十鼎十二鼎皆合正鼎陪鼎也郊特牲云鼎俎奇  
而簋豆偶以象陰陽若十鼎十二鼎正陪別數則爲奇也  
始醺如初亦薦脯醢微薦**疏**正義曰朱子云初謂前章之  
醴及醺言非注云亦薦脯醢微薦再醺兩豆葵  
不徹矣者是亦據前章之始醺言不兼醢也

菹羸醢兩簋栗脯

羸醢蟪蟪醢醢今文羸為蟪

**疏**正義曰朱子云再醢唯

如初者可知也今案葵菹羸醢周禮饋食之豆也栗脯周

禮加籩之實也前止一豆一籩此兩豆兩籩者敖氏云於

此加其豆籩以起三醢之禮示禮隆有漸也○注蟪蟪醢

釋文嚴徐集釋通解敖氏作蟪毛本誤作蟪校勘記云此

字从虫虎聲云羸醢蟪蟪醢醢者以羸為蟪蟪周禮醢人

注同卽爾雅釋魚曰蟪羸蟪蟪醢醢是也云今文羸為蟪蟪者段

氏云說文羸字下云一日羸蟪也蟪字下云羸也蟪字下

云羸蟪也然則蟪與羸同物而異名周禮作羸儀禮古文

同今文作蟪禮記從今文者也故內則作蟪醢徐仙民禮

記蟪音羸此據周禮及儀禮古文顏師古議其未達又云

蟪者羸類而非一失於考之不詳今案鄭以羸字近古故

壘今文不用也爾雅郭注謂蟪蟪卽蟪牛熊氏朋來以內

則之蟪乃古蟪字羸卽蟪亦作蟪韻書三醢攝酒如再醢

云蚌屬非蟪牛之蟪其說與郭異矣

加俎齊之皆如初齊肺

攝酒如再醢則再醢亦攝之矣加

如初如**疏**正義曰朱子云初謂上章之三醢也今案加俎

祭脯醢謂加豚俎三醢亦兩豆兩籩如再醢而又有豚

羹豎豆羹豎豎二冠二

傳永工字  
俎勇三加彌尊故三醺禮彌盛也齊肺卽離肺也殺牲而

後有肺則齊肺不在如初中故退在下也注云攝酒如

再醺則再醺亦攝之矣者此據經以明再醺之亦攝酒也

再醺不言者省文說已詳前云加俎齊之齊當爲祭字之

誤也者賈疏云經有二齊不破如初齊之齊唯破加俎齊

之字者以祭先之法祭乃齊之又不可有齊故破加俎齊

之齊爲祭也胡氏承琪云鄭讀經文加俎齊之皆如初爲

句齊肺爲句故旣破上齊爲祭卽云祭俎如初如祭肺醺

則疏當云不破齊肺之齊此乃云不破如初齊之齊轉似

以齊肺與上皆如初連文誤矣今案鄭破上齊爲祭卽云

祭俎如初如祭肺醺是爲祭俎言之其實經云皆如初所

包尙廣不止祭俎一事也上章三醺有乾肉折俎齊之其

他如初明折俎不在如初中故別云其他謂薦肺醺及降

洗升酌至祭酒諸儀也此經云皆如初亦兼薦肺醺及祭

肺醺祭酒等事加俎雖與初異而祭之之法亦與初祭肺

醺者同故統言皆以概之賈疏謂三醺用再醺之籩豆再

醺不徹薦唯徹爵而已乃臆說不可從後儒多辨之○又

案朱子不取鄭改字之說謂上章之俎無肺而此章有肺

故又特言所齊者肺而不嫌於複出則此齊字當從本文

爲是陸氏亦云齊讀如字齊肺釋上齊之爲齊肺也說與

鄭異今卒醺取籩脯以降如初疏正義曰如初謂見母也  
並存之籩脯者執以見母濡肉非所宜蔡氏德晉云籩脯籩中之  
脯取籩脯見母以別於薦脯也薦脯已嚼籩脯未嚼今案  
必取籩脯者恐其褻  
爾○以上殺牲而醺

### 右醺用酒之禮

若孤子則父兄戒宿

父兄諸疏正義曰自此至直東塾北

謂適子無父者也敖氏云孤子雖尊於家然未冠不可與  
成人爲禮於外故戒宿賓客則諸父若兄爲之惟言父兄  
戒宿則筮日筮賓爲期之事皆將冠者自主之可知注  
云父兄諸父諸兄者謂諸伯叔父及諸從兄之屬是也

冠之日主人紛而迎賓拜揖讓立于序端皆如冠主禮于

昨冠主冠者親父若宗兄也

疏正義曰此主人謂孤子將

古文紛爲結今文禮作醺冠者也上經云將冠者采  
衣紛此但言紛而不言采衣者曲禮曰孤子當室冠衣不  
純采是也然則亦不用錦束髮可知矣迎賓拜揖讓立于

序端謂前主人迎賓而面再拜賓答拜以至三揖至階三  
讓主人升立于序端諸儀此雖將冠者亦一一皆如爲子  
加冠之主人也敖氏云孤子未冠而於此乃行成人之禮  
者無父則得伸其尊也諸父若兄不主其事者家無二主  
也禮于阼楊氏云父在時冠于東序禮于戶而此則冠于  
東序禮于東序也今案禮不於戶而客位者以父沒不敢  
以賓客禮自居故冠在阼禮亦在阼也上經冠子筵于東  
序少北張氏惠言云此孤子冠當正在阼階不少北也敖  
氏謂禮爲賓與冠者行禮非是然則有父加冠則將冠者  
紛而俟于房孤子則紛而迎賓自爲主有父加冠則受醴  
於室戶而孤子則醴于阼此其異也注云冠主冠者親  
父若宗兄也者親父冠者之父宗兄則通兄也注意蓋謂  
庶子父不在而冠則通子可爲之主耳言宗者以其承大  
宗小宗而言是通也昏禮記曰支子則稱其宗弟稱其兄  
鄭義疑本此云古文紛爲結詳前云今文禮爲醴者或謂  
宜從古文作禮或謂宜從今文作醴諸說紛紛胡氏承琪  
云賈疏謂鄭不從今文者以其言醴則不兼於醢言禮則  
兼醢醢二法此說是也若昏禮賓入授如初禮謂如納采  
授鴈之禮聘禮賓拜禮于朝乃拜夫人之歸禮又禮王束  
帛乘皮乃報彼君之享禮皆與醴酒無涉故鄭皆從禮不

從醴也 凡拜北面于阼階上賓亦北面于西階上荅拜疏正義

曰阼階上面階上各專階也拜言凡者謂醴若醺時拜受  
啐拜及荅拜之類也此孤子冠賓主皆北面專階而拜異  
於父在時醴與醺之拜也故氏云此賓主相拜之正位也  
禮經釋例云凡門外之拜皆東西面堂上之拜皆北面案  
士冠禮宿賓賓如主人服出門左面再拜賓荅拜主人東面荅  
拜又賓至主人迎出門左面再拜賓荅拜亦東面拜士  
昏禮親迎主人玄端迎于門外面再拜賓東面荅拜特  
牲饋食禮宿尸尸如主人服出門左面主人辭皆東面  
北上主人再拜尸荅拜又宿賓賓出門左面再拜主人  
東面荅再拜又視濯視牲主人及子姓兄弟卽位于門東  
如初注初筮位也卽門外面之位又云賓及眾賓卽位  
于門西東面北上又云主人再拜賓荅再拜三拜眾賓眾  
賓荅再拜又祭日主人及賓兄弟羣執事卽位于門外如  
初主人拜賓如初此皆大門外之拜士昏記若不親迎主  
人出門左面注出內門墻入門東面注入大門奠摯再  
拜出此內門外之拜是門外之拜皆東西面也又士冠禮  
戒賓宿贊冠者士相見禮迎賓鄉飲酒鄉射禮戒賓速賓  
迎賓聘禮致館公食大夫禮戒賓亦皆門外之拜經不云

東面者文不具也又送賓及爲人使者不荅拜而主人  
門外之拜當亦面也又士冠禮孤子冠凡拜北面于阼階  
上賓亦北面于面階上荅拜士昏禮納采賓致命主人阼  
階上北面再拜又醴賓主人北面再拜賓面階上北面荅  
拜又親迎賓升北面奠鴈再拜稽首鄉飲酒禮拜至主人  
阼階上當楣北面再拜賓面階上當楣北面荅拜鄉射作  
荅再拜又主人獻賓賓面階上北面坐卒爵興坐奠爵遂  
拜又賓阼主人主人適阼階上北面坐卒爵興坐奠爵遂  
拜又云阼階上北面再拜崇酒鄉射無北面二字文不具  
也又主人酬賓阼階上北面坐奠鴈遂拜又云賓面階上  
荅拜鄉射作北面荅拜又主人獻介介面階上北面拜又  
云主人介右北面拜送爵又云介降席北面坐卒爵興坐  
奠爵遂拜鄉射禮旅酬主人阼階上北面拜又云賓主人  
之西北面拜送又二人舉觶面階上北面皆坐奠鴈拜鄉  
飲酒不云北面文不具也燕禮主人升自西階賓右北面  
至再拜又主人獻賓賓面階上北面坐卒爵興坐奠爵遂  
拜又賓酢主人主人北面拜受爵又主人酬賓賓降筵北  
面荅拜賓降筵三字大射作面階上聘禮賓致命公左旋  
北向賓者進公當楣再拜又賓觀升公北面再拜特牲饋  
食禮面階上獻賓賓北面拜受爵有司徹主人授尸几東

櫨東北面拜又云尸與侑皆北面答拜又尸西櫨西北面  
拜洗主人東櫨東北面奠爵答拜又主人酌獻尸尸北面  
拜受爵主人東櫨東北面卒爵拜主人北面于東櫨東答  
于東櫨東答拜又尸北面卒爵拜主人北面于東櫨東答  
拜又主人酌獻侑侑西櫨西北面拜受爵主人在其右北  
面答拜又侑北面于西櫨而答拜又主人北面于東櫨東  
洗尸北面于西櫨而答拜又主人北面于東櫨東北面拜  
西櫨西北面答拜又主人北面于東櫨東北面拜受爵尸  
皆北面于西櫨而主人北面于東櫨東再拜崇酒尸侑皆  
答再拜又上賓三獻而櫨西北面拜送爵又主人酬尸東  
櫨東北面拜尸西櫨西北面答拜又主人酌酢于長賓而  
在其右北面拜又主人酌酢于長賓而階上北面賓在  
左主人坐奠爵拜賓答拜又尸作三獻之爵三獻北面答  
拜又酌獻侑三獻北面答拜又酌致主人三獻東櫨東北  
面答拜又尸酢三獻而櫨西北面拜受爵又二人舉觶西  
櫨西北面東上坐奠爵拜主人答拜是堂上之拜皆北面  
人在右坐奠爵拜主人答拜是堂上之拜皆北面也又士  
冠禮賓醴冠者冠者筵面拜受觶賓東面答拜有司徹尸  
酢三獻尸升筵南面答拜此皆堂上拜而不北面者辟正  
主也又士昏禮婦見舅姑升進北面拜又贊醴婦婦東面



拜受贊西階上北面拜送有司徹主婦獻尸侑及受尸酢  
皆西面拜致爵于主人則北面拜此則婦人之禮雖堂上  
拜不皆北面異於男子也釋例又云凡賓主人禮盛者專  
階不盛者不專階案士冠禮孤子冠凡拜北面于阼階上  
賓亦北面于西階上答拜士昏禮納采賓升西面階當阿東  
面致命主人阼階上北面再拜禮畢醴賓揖讓如初升主  
人北面再拜亦于阼階上賓上賓面階上北面答拜鄉飲酒鄉  
射賓至主人升賓升主人獻賓拜洗受爵送爵告旨卒爵賓  
上當楣北面答拜主人獻賓拜洗受爵送爵告旨卒爵賓  
酢主人拜洗受爵送爵卒爵崇酒主人酬賓先卒觶及受  
觶送觶皆主人阼階上拜賓面階上拜聘禮公升二等賓  
升面楹西東面歸饗饋及問卿皆賓主專階有司徹迎尸  
迎侑主人先升自阼階尸侑升自西階西面北而東上  
主人東楹東北面拜至尸答拜主人又拜侑侑答拜主人  
獻尸送几受几拜洗受爵送爵告旨卒爵主人受尸酢拜  
洗受爵卒爵崇酒主人酬尸先卒觶受觶皆主人于東楹  
東拜尸于西楹西面拜東楹東卽阼階上也西楹西卽西階  
上也公食大夫拜至賓雖降階拜辭之始升成拜然亦各  
拜於其階是禮盛者則專階也鄉飲酒主人獻介受爵送  
爵卒爵介酢主人實爵卒爵崇酒皆介於西階上拜主人

于介右拜同拜于西階上鄉射禮主人獻大夫即遵者受  
爵送爵卒爵大夫酢主人實爵卒爵崇酒亦大夫於西階  
上拜主人于大夫右拜鄉飲酒鄉射主人獻眾賓于西階  
上眾賓之長升拜受者三人主人拜送注拜送爵於眾賓  
右是亦同在西階上也燕禮大射賓主人皆升自西階主  
人賓右至再拜賓荅再拜主人獻賓拜洗送爵受爵告旨  
卒爵賓酢主人拜洗受爵送爵卒爵主人酬賓先卒爵受  
爵送爵皆賓于西階上拜主人于賓右拜燕禮大射公席  
于阼階上不與賓行獻酢之禮別使宰夫為主人故不敢  
專階而與賓同行禮於西階上也若主人獻公則降自西  
階于阼階下拜獻卿獻大夫獻士亦同于西階上拜有司  
徹主人獻侑侑于西楹西拜主人于侑右拜是禮不盛者  
則不專階也又特牲饋食禮主人獻賓受爵送爵卒爵及  
酌酢賓皆于西階上拜主人于賓右拜祭畢飲酒殺於飲  
酒正禮故不專階也至於有司徹獻長賓略若殺則舉鼎  
同鄉飲酒獻眾賓之儀故亦同在西階上也

陳于門外直東塾北面

孤子得申禮盛之父

**疏**

正義曰殺

盛氏以此為孤子冠之變禮是也陳于門外廟門之外也  
當東塾謂鼎在東塾之南也考士昏禮期初昏陳三鼎于

寢門外東方北面北上特牲少牢亦云北面北上此但云北面不云北上則止一鼎爾賈疏以爲三鼎非也。○注孤子下敖本有尊字嚴本無校勘記云敖蓋以意加不可從云孤子得申禮盛之父在有鼎不陳於門外者鄭意以門外之禮盛上若殺則特豚節不云陳於門外是乃父在之禮故知孤子無父得申禮盛之也或謂冠而殺牲本爲其子故不陳於門外孤子自主冠則陳於門外示特殺以盡敬於賓而非爲己說亦可通賈疏乃謂陳鼎在賓客之禮在內者私家之禮案士昏禮陳三鼎于寢門外特牲禮陳鼎于門外少牢禮陳鼎于廟門之外此皆私家之禮而陳鼎在外則賈說不足據矣禮經釋例云公食大夫禮甸人陳鼎七當門南面面上此陳於門外而南面者也至於士喪禮小斂奠大斂奠朔月奠既夕禮陳鼎皆門外西面士虞禮陳三鼎于門外之右北面北上入設于西階前東面北上則又禮之變不可引以爲據也敖氏云大夫士陳鼎于門外皆北面惟喪奠西面國君陳鼎南面天子未聞此說得之。○李氏云大戴禮曰公冠自爲主迎賓揖升自阼立於席北既醴降自酢其餘自爲主者其降也自西階以異其餘皆與公同也曾子問曰父沒而冠則己冠掃地而祭於廟已祭而見伯父叔父而後饗冠者饗冠者

謂禮賓也今案大戴禮所云可證孤子自爲主之禮曾子問所云則直可補此經之闕也周氏學健云已祭而見伯父叔父則知伯叔父不得爲冠主明矣

### 右孤子冠

若庶子則冠于房外南面遂醮焉

房外謂尊東也不於阼階非代也不醮於客位

成而

疏正義曰上經所云通子無父者冠法也此經所云庶子父在者冠法也敖氏謂父沒則其禮同於通

恐非方氏苞云通兄在而庶弟冠於阼其義何居觀庶婦之不饋則知庶子不得與通同矣今案遂醮焉者謂冠於

房外醮亦於房外也敖氏云若不醮而醴其位亦如之此說甚是周公制禮以醴爲正醮則因其舊俗而行之經因

上醴醮並言故隨舉醮言之與言醮於客位者同互文耳非謂庶子冠但得用醮而不得用醴也賈疏牽涉夏殷謂

三代庶子皆同用醮非矣又謂周庶子一醮夏殷庶子三醮更屬支離敖氏云經惟言冠而遂醮略無異文則是三

加三醮皆與上文通子之禮同惟以冠醮在房外爲異案敖說是也褚氏云通子有當用醮者曾子問孔子曰天子

賜諸侯大夫冕弁服於大廟歸設奠服賜服於是乎有冠  
醮無冠醮鄭注服賜服酌用酒尊賜也不醮明不爲改冠  
改冠當醮之皇氏云諸侯大夫未冠總角從事當冠之年  
因朝天子而賜之服故歸遂不改冠然則適子用醮庶子  
用醮之說固不足信矣注云房外謂尊東也者上經云  
尊于房戶之間謂尊在房而室戶東此在房戶之外而南  
面故知在尊東也云不於阼非代也者下記曰適子冠于  
阼以著代也此庶子不於阼是非代故也云不醮於客位  
成而不尊者記曰醮于客位加有成也是適子於客位因  
其成人而尊之此因冠之處醮焉不於客位是成而不尊  
也

### 右庶子冠

冠者母不在則使人受脯于西階下

疏正義曰敖氏云言於此者見以上冠

者之禮同也張氏爾岐云母不在謂有他故非沒也使  
受脯當於後見之褚氏云母沒則無所謂使無所謂受  
被出而嫁則已絕於廟亦不得行此禮矣不在當依賈  
歸寧疾病之訓爲正今案不在謂不在闈門之外耳王氏

士讓謂母或有外戚之服未除不入廟預嘉事可備一說  
或以不枉爲母止誤甚母止則當與父沒同掃地而祭矣  
吳氏疑義云面階下蓋就取  
脯降處授之不至東壁也

### 右見母權法

戒賓曰某有子某將加布于其首願吾子之教之也

吾子相親

之辭吾我也子男子疏正義曰周公作經先載行禮節次  
之美稱古文某爲謀而以諸辭類載於後蓋欲其儀節  
易明也自此至某敢不宿興乃戒賓宿賓之辭又有祝辭  
醴辭醴辭字辭列後王氏士讓云辭與記異記乃讀經者  
所附辭則作經時著爲定式之文便於士大夫承用亦卽  
經也今案昏禮諸辭俱載記中與此篇異故氏嘗疑之沈  
氏彤云案冠禮諸辭卽經也昏禮經未及辭故於記補之  
冠禮經詳昏禮經略故記補其未備未可一例論也○某  
有子某賈疏云上某主人名下某子之名加布初加緇布  
冠也故氏云冠禮三加乃惟云布者取其始加而質者言  
之謙也今案教之謂教以加冠之禮也注云吾子相親  
之辭者經不直云子而云吾子是親之之辭也云吾我也

者爾雅釋詁文說文吾我自稱也云子男子之美稱者賈疏云古者稱師曰子又公羊傳云名不若字字不若子是也云古文某為謀者胡氏承琪云案以某代名金滕惟爾元孫某已然此本無正字皆假借為之說文某酸果也古書多借此為代名之字謀亦从某聲故古文又作賓對曰謀鄭以代名之字書傳相承作某故不從古文耳

某不敏恐不能其事以病吾子敢辭文病為秉古疏王義

事謂供給冠事敖氏云不能其事則冠禮不成故云病吾子注云病猶辱也古文病為秉者段氏云病不訓辱而可通於辱故曰猶辱秉則病之主人曰某猶願吾子之終假借字也丙聲秉聲古音同部

教之也賓對曰吾子重有命某敢不從敢不從疏正義曰

謂再有命也重訓再見史記索隱汪云敢不從許之辭者敢不從謂不敢不從是許之也李氏云此所謂一辭而許曰禮辭也宿曰某將加布于某之首吾子將莅之敢宿以上戒

賓對曰某敢不風興莅臨也今疏正義曰注云莅臨也者

文無對

莅亦作淴詩采芑方叔

泣止毛傳泣臨也云今文無對者胡氏承珙云案上文戒賓賓辭及賓許皆有對此宿賓亦當有對故不從今文○宿以上

### 右戒賓宿賓之辭

始加祝曰令月吉日始加元服

令吉皆善也元首也

**疏**

正義曰前始加冠時云進

容乃祝此令月吉日以下卽始加之祝辭也

言祝省文○注首也首通典作長云令吉皆善也者爾雅釋詁云令善也說文吉善也云元首也者左傳僖三十三年晉先軫入狄師舛焉狄人歸其元面如生孟子曰勇士不忌喪其元是元爲首也上經云某有子某將加布于其首故知加元服爲加首服也

爾成德壽考惟祺介爾景福

爾女也既冠爲成德祺祥也

介景皆大也因冠而戒且勸

之女如是則有壽考之祥大女之大福也

**疏**

正義曰壽考惟祺惟集釋作維○朱子云順古與慎通用張氏爾岐

云幼志幼年戲弄之志也棄禁絕之也順成德安養其成人之德也今案幼志卽左傳所謂童心棄謂除去也

注

三



云爾女也者女與汝通表記靖其爾位鄭注爾汝也云旣冠爲成德者旣冠責以爲人子爲人弟爲人臣爲人少者之禮皆成人之德也云祺祥也者爾雅釋言文云介景皆大也者介與景皆訓大見爾雅釋詁詩小明介爾景福毛傳介景皆大也云因冠而戒者棄爾幼志是戒也云且勸之女如是則有壽考之祥大女之大福也者祝以有是德卽有是福是勸之也李氏云家語成王冠頌曰令月吉日王始加元服去王幼志服袞職欽若昊天六合是式率爾祖考永永無極此周公之制也張氏云服蒲北反福筆勒反與德叶 再加曰吉月令辰乃

申爾服辰子丑也  
**疏**正義曰古謂吉月爲月朔此云吉月申辰謂月辰皆善耳與上令月吉日

互言以成文無異義也注云辰子丑也者左傳成九年浹辰之閒而楚克其三都孔疏從甲至癸爲十日從子至

亥爲十二辰故周禮縣治象浹日而斂之謂周甲癸十日此言浹辰謂周子亥十二辰然則自子至亥皆爲辰此注

云子丑者隨舉以示人也敬爾威儀淑慎爾德眉壽萬年云申重也者爾雅釋詁文敬爾威儀淑慎爾德眉壽萬年

永受胡福胡猶遐也遠也  
**疏**正義曰敖氏云淑善也眉無窮古文眉作麋壽豪眉也人年老必有豪

眉秀出者張氏爾岐云敬爾威儀正其外也淑慎爾德謹其內也內外夾持順成德者當如是注云胡猶遐也遠也遠無窮者惠氏棟云詩陽桑云心乎愛矣遐不謂矣禮記引此詩遐作瑕鄭注瑕之言胡也遐胡互訓古音通互詳少牢禮胡壽保建家室下云古文眉作麋者惠氏云大戴禮王言篇孔子愀然揚麋盧注麋一作麋荀子非相云伊尹之狀面無須麋楊注麋與眉同漢書皆以麋爲眉蓋古字簡少通用至漢猶然也今案眉正字麋借字故鄭從文  
**三加曰以歲之正以月之令咸加爾服**正猶善也咸皆  
服謂緇布冠疏正義曰注皆加女之三服加毛本誤作如皮弁鬻弁也疏云正猶善也者上注云令吉皆善也此正亦是善故云猶善士喪禮決用正王棟注云兄弟具在正善也是正有善義云咸皆也者爾雅釋詁文  
**兄弟具在**  
**以成厥德**厥疏正義曰此注嚴徐集釋通解俱有集釋其其疏下有也字他本脫○此云兄弟具在下醮  
辭云兄弟具來見觀瞻攸繫也敖氏云厥指兄弟能成兄弟之德則正身齊家之事也張氏爾岐云兄弟具在成此冠禮是成其德也今案成德當指冠  
**黃耆無疆受天之慶**者言張說是也注云厥其者詳前

黃黃髮也者凍黎疏正義曰慶賜也。○注嚴本作凍黎監也皆壽徵也疆竟疏本黎作黎盧氏文弼羣書拾補云凍作凍譌黎黎可通或作犁譌云黃黃髮也者凍黎也者詩行葦序云外尊事黃者鄭箋同云皆壽徵也者爾雅釋詁曰黃髮鬢齒背耆老壽也詩行葦疏引舍人曰黃髮老人髮白復黃也孫炎曰黃髮髮落更生者似舍人說是考說文云老人面凍黎若垢詩疏引孫炎曰耆面凍黎色如浮垢也是皆為壽徵也云疆竟者詩七月萬壽無疆毛傳疆竟也。○張氏爾岐云首三句為一聯服叶德慶叶疆音羌正令二句又自相叶

### 右加冠祝辭

醴辭曰甘醴惟厚嘉薦令芳

嘉善也善薦謂脯醢芳香也

疏

正義曰此醴辭謂冠

訖醴冠者之辭也敖氏云醴言厚見其未沛注云嘉善也者爾雅釋詁文

拜受祭之以定爾

祥承天之休壽考不忘

休美也不忘長有令名

疏

正義曰拜受祭之謂拜受觶祭脯醢

祭醴也此教其行禮下三句祝之也張氏爾岐云定祥承休與易凝命之旨相類天人之理徵見於此。○注休美也

三字今本脫嚴徐集釋通解敖氏俱有云休美也者釋  
詁文云不忘長有令名者敖氏云壽考不忘者謂至於壽  
考而人不能忘之也此蓋古  
人祝頌之常語詩亦多用之

### 右醴辭

醴辭曰旨酒既清嘉薦亶時

亶誠也古

**疏**

正義曰此不醴

醴每一加一醴故醴辭一而醴辭有三又醴有不殺及殺

之異而其辭則同也注云亶誠也者爾雅釋詁文云古

文亶爲癉者段氏云古

文用假借字癉勞病也始加元服兄弟具來孝友時格永

乃保之

善父母爲孝善兄弟爲友時是也格至也永長也

**疏**

正義曰注格至也集釋至作致嚴本及各本俱作至

云善父母爲孝善兄弟爲友者爾雅釋訓文云時是也

格至也永長也者皆釋詁文云保安也者詩南山有臺保

艾爾後毛傳保安也云行此乃能保之者張氏爾岐云孝

友時格孝友極其至也教以盡孝友之道乃可長保之也

云今文格爲嘏者胡氏承琪云格有至訓本爾雅嘏不訓

至故鄭不從今文少牢禮以嘏于主人注古文嘏爲格彼是福慶之辭字當作嘏故又不從古文作格耳經義述聞云格偕字也嘏正字也大福曰嘏孝友時嘏言唯孝友之人是福也其福久而不失故又曰永乃係之之字正指嘏言也下文字辭曰宐之于假永受係之注曰假大也案假亦與嘏通宐之于嘏猶言福祿宐之也永受係之之字亦指嘏言也敖繼公訓格爲感格尤誤謹案從今文作嘏則之字較有著落似勝鄭說云凡醺者不祝者李氏云醺者於醺乃有辭冠時不祝楊氏云三加三醺既有醺辭則不用祝辭也張氏云醺者不祝謂用酒以醺者每加冠畢但用醺辭其方加冠時不用祝辭也詳醺辭始加元服等句與祝辭相類兼用之則複矣賈以爲醺庶子不用祝辭踏會注意今案諸說是也敖氏謂醺者亦祝則豈始加元服等句既用於加冠時又用於醺乎必不然矣王氏士讓褚氏寅亮已辨之○李氏云來再醺曰旨酒既清嘉薦伊脯古音力之反案與時之叶

**再醺曰旨酒既清嘉薦伊脯**

滑清也疏正義曰敖氏云獨言脯者欲協音耳亦舉其所伊惟也疏上言之也凡一簋一豆則先脯後醢注云滑清也者說文滑蓄酒也詩鳧鷖爾酒既滑箋云滑酒之沛者也是滑不訓清但蓄之沛之則酒清故此注直云滑清

也云伊惟也者爾雅釋乃申爾服禮儀有序祭此嘉壽承

天之祐祐福也**疏**正義曰注云祐三醯曰旨酒令芳籩豆有

楚旨美也楚陳列之貌**疏**正義曰醯辭三章皆從旨酒說起明其不

列之貌者詩賓之初筵籩豆有楚毛傳楚列貌與此義同

案籩豆每醯皆更設之賈謂三醯用再醯之籩豆非也辨

見咸加爾服肴升折俎肴升折俎亦謂豚**疏**正義曰注云肴升折

肴謂乾肉若豚也今案上文不殺而醯有乾肉折俎殺而

醯云加俎齊之是二者皆有俎鄭恐人疑此肴升折俎專

指不殺者言之故云亦謂豚謂兼若殺在內蓋不殺與殺

均用此醯辭也或謂此醯辭與三百篇文句多相似乃後

人襲詩辭為之非周公作經之舊不知周公因舊俗而制

承天之慶受福無疆

**疏**正義曰王氏士讓云首章言孝

有文終之以受福無疆勉其以德獲福

也○慶音羌張氏爾岐云亦兩句叶

右醮辭

字辭曰禮儀既備令月吉日昭告爾字

昭明也

**疏**

正義曰此賓直而序

東面與冠者為字之辭也禮儀既備謂三加已畢也注云昭明也者說文昭日明也是昭有明義

**爰字孔**

**嘉髦士攸宜**

爰於也孔甚也髦俊也攸所也

**疏**

正義曰此孔嘉之字實髦士所宜也

注云爰於也

釋言文云孔甚也髦俊也攸所也皆爾雅釋言文○李氏云嘉古音姬與宜字叶

**宜之于假永受**

**係之曰伯某甫仲叔季唯其所當**

于猶為也假大也宜之是為大矣伯仲叔季長

幼之稱甫是丈夫之美稱孔子為尼甫周大夫有嘉甫宋大夫有孔甫是其類甫字或作父

**疏**

正義曰通典仲

上有伯字集釋唯作惟案自字辭曰至此經注分節悉依嚴本其徐本鍾本集釋楊氏竝與嚴同今本以字辭至孔嘉為一節髦士至于假為一節永受至所當為一節注亦隨經而分與古本異校勘記云案備與字為一韻嘉與宜為一韻假與甫為一韻此鄭氏分節之意也通解誤讀古韻割裂經注今本依之非矣注云于猶為也謂于與為

同義詳聘禮記賄在聘于賄下云假大也者爾雅釋詁文  
云宐之是爲大矣者鄭訓于爲爲訓假爲大故言宐之爲  
大矣朱子云假恐與嘏同福也注說非是經義述聞據藝  
文類聚禮部下通典禮十六竝引作宐之於嘏亦謂嘏大  
福也詳前醮辭孝友時格下云伯仲叔季長幼之稱者如  
論語周有八士以伯仲叔季分別長幼之次是也此仲叔  
季唯其所當七字非字辭乃作經者於辭外申言之謂辭  
稱伯某甫者特舉伯爲例其實伯仲叔季當隨長幼異稱  
李氏云唯其所當者當其次則稱之今案如次仲則稱仲  
某甫次叔則稱叔某甫次季則稱季某甫也檀弓曰幼名  
冠字五十以伯仲周道也賈疏謂二十爲字之時未呼伯  
仲至五十乃加而呼之朱子曰案檀弓孔疏云人年二十  
冠而加字如曰伯某甫者年至五十耆艾轉尊則又舍其  
某字而直以伯仲別之與此賈疏不同疑孔說是云甫是  
丈夫之美稱者說文甫男子美稱也鄭氏詩甫田箋云甫  
之言丈夫也是也云孔子爲尼甫者見左傳哀十六年云  
周大夫有嘉甫者嘉亦作家見左傳桓十五年云宋大夫  
有孔甫者見左傳桓二年云是其類者舉以證經某甫之  
稱也云甫字或作父者段氏云此古同音通用春秋經孔  
父家父檀弓尼父字皆作父是也胡氏承珙云鄭君注禮



凡不言占令文言或作或為者蓋當時又別有本存之所  
以通俗又下記章甫殷道也注甫或為父今文為斧士相  
見禮若父則游目注今文父為甫者段氏云斧與父甫同  
音故今文假斧為甫胡氏云此又假借中之假借也至士  
相見禮之父今文又借甫為之此雖於義易明然不如各  
仍其正字故皆疊而不用今案某甫鄭多釋為且字詳士  
莖禮哀子某為其父某甫筮宅下顧氏炎武云備與字  
一韻嘉與空一韻假與甫一韻古人文字錯綜不必二句  
一韻也案前引校勘記所云即本顧說臧氏庸謂字辭終  
於永受係之自曰伯某甫以下十一字皆為記者之言恐  
非

### 右字辭

履夏用葛玄端黑履青絢纁純純博寸

履者順裳色玄端黑履以玄裳為正

也絢之言拘也以為行戒狀如刀衣鼻在履頭纁縫中紉也純緣也三者皆青博廣也  
服之履也左氏暄云周禮履人注禪下曰履複下曰易古  
今注以木置履下乾脂不畏泥溼故曰易以是知履易履

之異名也但有禪下履下用木之異耳今案履與舄異而履爲通名說文云履足所依也又云履履也韻會云舄履也是履舄皆可稱履矣經不敘履於三服後者一以履賤空別言之一以履制繁若竝言之恐失輕重之義故退在篇末也經言夏用葛則冬用皮可知故下經又言冬皮履可也賈氏謂春則從冬張說較勝葛履見詩亦見周禮履人據鄭從夏寒則從冬張說較勝葛履見詩亦見周禮履人據鄭注履人謂天子諸侯吉事皆舄其餘惟服冕衣翟著舄耳然則士無舄亦無舄矣此玄端黑履初加緇布冠時所用之履也○注履者順裳色敖無者字嚴本及各本俱有云履者順裳色者謂履與裳同色猶之衣與冠同色也云玄端黑履以玄裳爲正也者玄端有玄裳黃裳襍裳之不玄端黑履以其黑與玄同色故云以玄裳爲正也同而用黑履者以其黑與玄同色故云以玄裳爲正也云云約之言拘也以爲行戒狀如刀衣鼻在履頭者士喪禮襲時乃履綦結于跗連約注云約履飾如刀衣鼻在履頭上周禮履人鄭注約謂之拘著舄履之頭以爲行戒然則約者履飾在履頭上其狀如漢時刀衣鼻有孔得穿繫於中其義則取於拘拘止足以爲行戒也若無約則謂之鞬屨見周禮鞬屨氏注云緼縫中紃也者履人注同案禮記襍記紃以五采注紃施諸縫中若今時條也是紃卽條謂

履牙底相接之縫中綴條以為飾也云純緣也者履人注亦同謂履口緣邊也云三者皆青者以經云青絢纁純明是絢纁純三者皆用青色也此及下白履皆以素積白履

以魁柎之緇絢纁純純博寸魁蜃蛤柎注者疏正義曰柎宋本釋

作者敖氏作之集釋及今本作也○此素積白履再加皮

弁時所用之履也素積素裳而白履亦順裳色也絢纁純

皆緇縞亦黑色也注云魁蜃蛤者周禮掌蜃曰祭祀共

蜃器之蜃鄭注飾祭器之屬也鄭司農云蜃可以白器令

色白又曰其白盛之蜃鄭注謂飾牆使白之蜃也今東萊

用蛤謂之又灰云考工記旒氏注鄭司農引此經亦云魁

蛤也段氏以爾雅釋魚魁陸解之案郭注引本草云魁狀

如海蛤則魁陸為此經的解萬氏斯大謂魁以木為之今

俗制履者之模範乃謬說也云柎注者段氏云周禮司市

其附于刑者歸于士注故書附為柎杜子春云當為附然

則此經柎之亦當為附之也古柎付附三字通用注爵弁

者周禮瘍醫注云注謂附著藥則此亦謂附著之也爵弁

纁履黑絢纁純純博寸

爵弁履以黑為飾爵疏正義曰此弁尊其履飾以績次疏爵弁纁履

三加爵弁時所用之屨也爵弁纁裳而纁屨亦順裳色也  
不言纁裳者賈氏謂嫌與六冕同玄衣纁裳故不以衣裳  
而以首服見屨是也注云爵弁屨以黑爲飾爵弁尊其  
屨飾以纁次者案考工記曰畫纁之事襍五色東方謂之  
青南方謂之赤西方謂之白北方謂之黑天謂之玄地謂之  
之黃青與白相次也赤與黑相次也玄與黃相次也鄭注  
此言畫纁六色所象及布采之第次纁以爲衣又曰青與  
赤謂之文赤與白謂之章白與黑謂之黼黑與青謂之黻  
五采備謂之繡鄭注此言刺繡采所用繡以爲裳又鄭注  
屨人云凡易之飾如纁之次凡屨之飾如繡次也賈疏謂  
對方爲纁次比方爲繡次案對方者謂青與白赤與黑玄  
與黃也比方者謂青與赤赤與白白與黑黑與青也上黑  
屨以青爲飾白屨以繡爲飾如繡次則纁屨當以白爲飾  
而乃以黑爲飾者尊爵弁故飾屨加纁次與易同也○朱  
子云三屨經不言所陳處注疏亦無明文疑亦在房中故  
旣加冠而通房改服卽得竝易屨而出也但不知的在何  
處疑服旣北上則或各在其裳之南也敖氏云此屨先卑  
而後尊以三加之次言之也三屨陳之蓋在其裳之面盛  
氏云朱子謂屨在裳南者據經服旣東領則裳與帶緹以次而  
面者據經服東領言也蓋服旣東領則裳與帶緹以次而

而屨當在其冬皮屨可也疏正義曰敖氏云皮屨不見其

末敖說近是詳不履總履總履不灰治日總疏正義曰敖氏云不履之屨

上謂不著矣注云總履也者李氏云裘服有總衰知

大功之喪則因喪服而冠除喪不改冠疏記曰以喪冠者

雖三年之喪可也大功之末可以取婦已雖小功既卒哭可

以冠取妻下鵠之小功則不可以今案據曾子問有因喪而

冠之禮因喪而冠可用喪履此經所云乃平常冠法則不

得用喪履也然考喪服總衰不用總履他亦無用總履者

則總履喪履之說似有難明惟敖氏云總乃布之疏者以

之為履則輕涼也言此者嫌夏時冠或得用之總非吉布

而冠則嘉禮之重者是以不立履此履也此說得之云縷

右屨

衰四升半不灰治可知  
餘詳喪服總衰傳下

記冠義疏

正義曰賈疏云凡言記者皆是記經不備兼記經外遠古之言熊氏朋來云十七篇惟士相見

大射少牢饋食有司徹四篇不言記其有記者十有三篇然冠禮之記有孔子曰其文與郊特牲所記冠義正同其餘諸篇惟既夕之記略見於喪大記之首章喪服之傳與大傳中數語相似餘記自與小戴冠昏等六義不同何二戴不以禮經所有之記文而傳之也十三篇之記必出孔子之後子夏之前蓋孔子定禮而門人記之故子夏為作喪服傳而並其記亦作傳焉張氏爾岐云此記已有孔子曰當在孔子後不知定誰所錄冠義又記中小目餘篇不復言某義者或欲舉一例餘也又戴記亦有冠義又後儒所為故與此異也盛氏云凡為記者有三有記經所未備者有記禮之變異者有各記所聞頗與經義相違者記經所未備者周公之徒為之與經並行者也記禮之變異則非周之盛時之書矣其在春秋之際乎至於各記所聞者則七十子後學所記也今案諸家發明記義各有所見故並錄之又盛氏謂此篇之經至歸賓俎而止矣自若不醴則醴用酒以下皆記也以昏禮較之此若不醴及下文若殺猶昏禮記若不親迎也若孤子若庶子及冠者毋不在猶昏禮記庶婦及宗子無父之類屢制一節亦似昏禮記

摯不用舄附必用鮮之類皆記經所未備至諸辭則皆禮俱屬記內尤為明證案此經古本相傳已久未可據易而其說則可始冠緇布之冠也大古冠布齊則緇之其綏也

孔子曰吾未之聞也冠而敝之可也大古唐虞以上綏綏飾未之聞大古質蓋

亦無節重古始冠冠其齊冠疏正義曰大古嚴本作大注

白布冠者今之喪冠是也太盧氏詳校從大注大古質蓋亦無飾毛本無蓋亦二字嚴徐集釋通解要義敖氏俱有白布冠者毛本冠下無者

字嚴徐俱有○此以下至末與郊特牲所引冠義悉同唯

字句小異耳彼文作始冠之緇布之冠也多一之字冠禮

三加先加緇布冠故以為始冠之冠也大古冠布齊則緇

之此釋緇布冠所由來也郊特牲疏云大古之時其冠唯

用白布常所冠也若其齊戒則染之為緇彼注云齊則緇

之鬼神尚幽闇也其綏也孔子曰吾未之聞也此引孔子

之言以明有綏之非也郊特牲疏云王藻緇布冠續綏則

緇布冠有綏者皇氏云此經所論謂大夫士故緇布冠無

綏諸侯則位尊盡飾故有綏也今案皇說蓋本玉藻注然

孔子云未聞是緇布冠古未有加綏之事玉藻所云論者

多以爲非古制則諸侯亦不得有綏矣冠而敝之可也此亦孔子之言緇布冠冠訖不復用故可敝棄之也聶氏云自士以上冠訖不復著然庶人猶常著之故詩云彼都人士臺笠緇撮案毛傳云緇撮緇布冠也郊特牲注云三代改制齊冠不復用也又玉藻曰始冠緇布冠自諸侯下達冠而敝之可也鄭注本太古耳非時王之法服也與郊特牲注義同自諸侯下達謂自諸侯至士皆用緇布冠也不言天子者以天子始冠用玄冠也江氏永云後世之玄冠用緇不用布故始冠之緇布冠旣冠可敝注疏未明言玄冠用緇則可敝之義不明當補注云大古唐虞以上者以下云三王其皮弁素積知大古在三王前故云唐虞以上郊特牲注亦云唐虞以上曰大古也云綏纓飾者陳氏奐云內則冠綏纓鄭注綏纓之飾也孔疏結纓纓領下以固冠結之餘者散而下坐謂之綏據此孔疏則纓纓一物張氏惠言儀禮圖云疑綏者別爲絲組結纓乃著於纓之兩端玉藻疏云惟續綏爲異其青組纓與士同是孔亦以綏纓爲二物矣又玄冠紫綏注云綏當用續諸侯玄冠丹組纓而綏當用續則鄭亦以纓綏爲二也云未之間大古質蓋亦無飾者襍記曰大白冠緇布之冠皆不褻褻與綏同鄭注不綏質無飾也是也云重古始冠冠其齊冠者緇



布冠古之齊冠重之故始冠不用玄冠而用緇布冠也云  
白布冠者今之褻冠是也者大古唯服白布冠後制毋追  
之等則以白布冠為褻冠也郊特牲注  
亦云大白即大古白布冠今褻冠也

### 右記用緇布冠之義

通子冠于阼以著代也醺于客位加有成也

醺夏殷之禮每加於阼則

醺之於客位所以尊敬之成其為人也

疏正義曰嚴徐集釋俱有此注在加

位十五字今本竝脫又注阼下則字集釋作階非○郊特

牲注云東序少北近主位也案阼是主位故冠於此以著

代敖氏云著明也明其代父也禮記冠義注云適子冠於

阼若不醺則醺用酒於客位敬而成之也戶而為客位庶

子冠於房戶外又因醺焉不代父也今案適子醺於客位

醺亦於客位記不言醺而言醺者欲見醺與醺雖妹而於

客位則同以別於庶子也此注極明析注云醺夏殷之

禮者此賈疏所本然朱子已辨之矣未可從蓋醺質而醺

文三代之禮每由質而趨於文未有由文而趨於質也云

每加於阼則醺之於客位者謂一加則一醺也此專主醺

禮言之不若禮記注之包括云所以尊敬之成其爲人也  
者郊特牲注云每加而有成人之道也成人則益尊醮於  
客位尊之也二注解有成義異亦禮記注爲長敖氏云加  
猶尙也尊也尊其有成成人之道故以客禮待之張氏爾岐  
云加有成加禮於有成德者也姜氏兆錫云加嘉同適子  
冠於阼醴於戶西醮用酒亦如之凡以嘉之也今案此數  
說不解加爲加冠甚是否則與下三加彌尊句複矣

### 右記重適子之義

三加彌尊諭其志也

彌猶益也冠服後加益尊諭其志者欲其德之進也

**疏**正義曰

釋俱有此注楊氏有諭其志者二句今本竝脫

○郊特牲論作喻義同注云彌猶益也者彌與益殊而義可通於

益故云猶益呂覽高注亦云彌猶益也云冠服後加益尊

者謂始加緇布冠次加皮弁皮弁尊於緇布冠三加爵弁

也者張氏爾岐云敦諭之使其志存修德每進而上也

冠而字之敬其名也益名者質所受於父母冠成人

**疏**正義曰

注故敬

之也今文無之下五字今本俱脫嚴徐集釋俱有云名者質所受於父母冠成人益文者子生三月父名之既冠賓字之字以代名是益文也云故敬之也者張氏爾岐云敬其名敬其所受於父母之名非君父之前不以呼也云今文無之者案郊特性作冠而字之有之字與古文合故鄭從古文○禮記冠義曰故冠於阼以著代也醮於客位三加彌尊加有成也已冠而字之成人之道也與此大同而文有詳略蓋記禮者傳聞之異耳

### 右記三加及冠字之義

委貌周道也章甫殷道也毋追夏后氏之道也

委猶安也言所以安

正容貌章明也殷質言以表明丈夫也甫或爲父今文爲斧毋發聲也追猶堆也夏后氏質以其形名之三冠皆所服以行道也其制  
**疏**正義曰毋追唐石經嚴本闕監宋本之異同未之間釋文俱作毋今本釋文徐陳俱作毋注同校勘記云案古人書毋毋不甚有別故釋文遇毋字必有音曲禮音義曰毋字與父母字不同俗本多亂讀者皆朱點毋字以作無音非也可見二字蒙混已久凡可以意會者今不盡校也注首或謂委貌爲玄冠嚴徐集釋俱

無此七字通解及今本有金氏曰追云此乃鄭注郊特牲  
文因通解參取兩注傳寫者不察而誤衍於此耳甫或爲  
父葛本爲作謂猶堆也陸氏云堆本或作埤同皆所常服  
嚴本無常字○江氏筠云委貌三句是據經緇布冠而推  
言之周弁殷舁夏收據爵弁而言退皮弁在下者以上二  
者三代異制異名皮弁則無異故也今案江說本郊特牲  
疏張氏爾岐謂此因冠畢易服玄冠故記之蓋重古始冠  
服緇布冠其後卽服玄冠二說皆通前筮日主人玄冠注  
玄冠委貌也玉藻注同續漢書輿服志注云石渠論玄冠  
朝服戴聖曰玄冠委貌也是鄭所本矣注云委猶安也  
言所以安正容貌者鄭訓委爲安而又申言安正容貌以  
明冠名委貌之義也委貌亦單言委襍記言委武玄緇左  
傳言晏平仲端委立于虎門是也云章明也殷質言以表  
明丈夫也者鄭注書堯典平章百姓亦訓章爲明詩甫田  
箋云甫之言丈夫故以表明大夫解冠名章甫之義也云  
甫或爲父今文作斧者詳前伯某甫下江氏永云公西華  
言端章甫猶云端委孔子言長居宋冠章甫之冠魯人歌  
哀衣章甫爰得我所似當時章甫與委貌亦通行可通稱  
也云毋發聲也者史記集解引漢書音義亦云毋發聲語  
助又釋名作牟追廣雅作無追毋牟無三字聲同云追猶

堆也者惠氏棟云案追古堆字枚乘七發曰踰岸出追李  
善曰追亦堆字今爲追古字假借說文云自小阜也徐鉉  
曰今俗作堆河東風陵堆戴延之謂之風堆案此與釋文  
堆本作埤合云夏后氏質以其形名之者以委貌章甫皆  
言其義此追與堆同是言其形也云三冠皆所服以行道  
也者郊特牲注云常所服以行道之冠也孔疏行道謂養  
老燕飲燕居之服敖氏訓道爲制恐非云其制之異同未  
之聞者謂其制或異或同未聞也鄭在漢時既未之聞則  
後世如三禮圖等書所云三冠制相似皆周弁殷冔夏收  
漆布殼以緇縫其上蓋有難於徵信者矣周弁殷冔夏收  
弁名出於槃槃大也言所以自光大也冔名出於撫撫覆  
也言所以自覆飾也收言所以收斂髮也其制之異亦未  
聞

**疏**正義曰白虎通云弁之爲言攀也所以攀持其髮也  
詩文王曰常服黼冔毛傳冔殷冠也五經文字云冔

字林作冔經典相承隸省作冔史記五帝紀云帝堯黃收  
純衣或謂收以持冔王制曰有虞氏皇而祭夏后氏收而  
祭殷人冔而祭周人冕而祭似冔收即冕矣然此記與弁  
連言冠禮三加冔弁不加冕則二者當與弁同也江氏筠  
云凡經專言冔者類皆指冔弁襍記大夫弁而祭於己士  
弁而祭於公下云士弁而親迎是也冔弁旣非冕制而與

尋收連言者蓋冕飾至周始備尋收二者周制以弁例之  
如殷士祿將服尋周士祭於公用弁其一也又殷人尋而  
葬周人弁而葬亦其一也今案說文弁冕屬也夏曰收殷  
曰尋周曰弁公羊傳宣元年何注云夏曰收殷曰尋周曰  
弁加旒曰冕此可證弁尋收同類矣。注齋所服而祭也  
嚴徐集釋俱無此六字通解及今本有盧氏文弼云郊特  
牲疏全引此兩節注文而無或謂委貌爲玄冠及齋所服  
而祭也兩句尤可證其制之異亦未聞嚴徐集釋俱有亦  
字今本無異葛本誤作畢異下敖氏有同亦二字盧氏云  
郊特牲疏引此注有亦字當補正今案王制疏引亦有亦  
字云弁名出於槃槃大也尋名出於幬幬覆也者古音  
弁與槃尋與幬相近故取聲近之字解之云收言所以收  
斂髮也者卽就字  
之本義解之也 三王其皮弁素積變質不  
前郊特牲注云所不易於先代孔疏以其質素故三王同  
服無所改易也亦據此注質不變申之說苑云皮弁素積  
百王  
不易

## 右記三代冠之同異

無大夫冠禮而有其昏禮古者五十而后爵何大夫冠禮

之有

據時有未冠而命爲大夫者周之初禮年未五十而有賢才者試以大夫之事猶服士服行士禮二十而

冠急成人也五十乃爵重官人

**疏**

正義曰自此至德之殺也大夫或時改取有昏禮是也

上達之故此節特言大夫無冠禮之由下云古者生無爵祿無諡注

云古謂殷此云古據注則謂周初時也○注或時改取毛

本取作娶嚴徐集釋通解敖氏俱作取

云據時有未冠

而命爲大夫者時謂周末作記之時未冠而命爲大夫其

冠亦從乎士而已大夫不宜有冠禮故非之云周之初禮

年未五十而有賢才者試以大夫之事猶服士服行士禮

者此正明古者必五十而后爵也云二十而冠急成人也

五十乃爵重官人也者周公制禮五十始命爲大夫服官

政此注正明冠必二十爵必五十之義也云大夫或時改

取有昏禮是也者三十而取五十而爲大夫則大夫不

宜有昏禮然或五十後改取則宜有之故注云是也

侯之有冠禮也夏之末造也

造作也自夏初以上諸侯雖父从子繼年未滿五十者亦

服士服行士禮五十乃命也至其衰末上下相亂簪殺所  
由生故作公侯冠禮以正君臣也坊記曰君不與同姓同  
車與異姓同車不同服示民不嫌也疏正義曰郊特牲云  
以此坊民民猶得同姓以殺其君也諸侯之有冠禮公  
作諸無也字張氏爾岐云此言不獨大夫無冠禮雖公侯  
冠禮亦夏末始作非古也據注訓造爲作則末字當一讀  
近徐師會解郊特牲云末造猶言末世則二字連讀盛氏  
云夏之末造也句法與檀弓魯禮之末失也相似當於末  
字一讀徐說非盛氏又云大夫以上本無冠禮而玉藻記  
天子諸侯始冠之冠家語記成王冠頌及公侯冠禮左傳  
載魯襄公冠事國語載趙文子冠事然則諸侯冠禮始於  
夏末天子冠禮始於周初大夫冠禮其始於周之季世乎  
郊特牲孔疏謂此記直云諸侯不云天子又下云天子之  
元子猶與士同則天子冠禮由來已久但無文以明之案  
此臆說也家語言天子冠禮而直以成王之事實之且曰  
此周公之制也足徵其所自起矣惟其先有諸侯冠禮而  
後有天子冠禮故大戴禮公冠篇云天子髡鬻今案天子  
諸侯之冠詳家語竝錄其文備考家語冠頌邾隱公旣卽  
位將冠使大夫因孟懿子問禮於孔子孔子曰雖天子之  
元子猶士也其禮無變天下無生而貴者故也行冠事必



於祖廟以禱享之禮將之以金石之樂節之所以自卑而  
尊先祖示不敢擅也懿子曰天子未冠卽位長亦冠乎孔  
子曰古者王世子雖幼其卽位則尊爲人君人君治成人  
之事者何冠之有懿子曰然則諸侯之冠異天子歟孔子  
曰君薨而世子主喪是亦冠也已人君無所殊也懿子曰  
今知君之冠非禮也孔子曰諸侯之有冠禮也夏之末造  
也有自來矣今無譏焉天子冠者武王崩成王年十有三  
而嗣立周公居冢宰攝政以治天下明年夏六月旣葬冠  
成王而朝於祖以見諸侯示有君也周公命祝雍作頌曰  
祝王辭達而勿多也祝雍辭曰使王近於民遠於年嗇於  
時惠於財親賢而任能其頌曰令月吉日王始加元服去  
王幼志服袞職欽若昊命六合是式率爾祖考永永無極  
此周公之制也懿子曰諸侯之冠其所以爲賓主何如孔  
子曰公冠則以卿爲賓公自爲主迎賓揖升自阼立於席  
北其醴也則如士饗之以三獻之禮旣醴降自阼階諸侯  
非公而自爲主者其所以異皆降自面階玄端與皮弁異  
朝服素韞公冠四加玄冕祭其酬幣於賓則束帛乘馬王  
太子庶子之冠擬焉皆天子自爲主其禮與士無變饗食  
賓也皆同。注五十乃命也五徐本作吾誤篡殺所由生  
釋文作殺云本又作弑亦作試嚴徐陳本通解亦俱作殺

下同以般其君也毛本也作者嚴徐集釋俱作也云造  
作也者謂作此禮也郊特牲注云言夏初以上諸侯雖有  
幼而卽位者猶以士禮冠之亦五十乃爵命也至其衰末  
未成人者多見纂弒乃更卽位則爵命之以正君臣而有  
諸侯之冠禮與此注略同晉書禮志云儀禮公侯之有冠  
禮夏之末造也王鄭皆以爲夏末上下相亂纂弒由生故  
作公侯冠禮是王亦與鄭同天子之元子猶士也天下無  
矣引坊記者證纂弒之事也天子之元子猶士也天下無  
生而貴者也元子世子也無生疏正義曰郊特牲無猶字  
天子之元子與士同故冠用士禮也褚氏云上旣言大夫  
與諸侯無自身之冠禮此又明冠子亦用士禮雖天子之  
元子尙然況等而下之乎注云元子世子也者元者長  
也鄭必解爲世子者明其有繼體之尊也云無生而貴皆  
由下升者郊特牲注云明人有賢行著德乃得貴也惠氏  
棟云此說與易合乾初爲元士彖傳曰時乘六龍以御天  
皆由下升也今案白虎通云王者太子亦稱士何舉從繼  
下升以爲人無生得貴者莫不由士起是注說所本矣繼  
世以立諸侯象賢也象法也爲子孫能法先疏正義曰此  
祖之賢故使之繼世也

覆解諸侯大夫所以無冠禮之意張氏爾岐云諸侯繼世而立疑其生而貴矣實以其象賢乃立之天子元子亦以象賢乃享天位均非生而貴者也故其冠皆用士禮也注云象法也者象與像同象賢二字亦見書微子之命篇以官爵人德之殺也殺猶衰也德大者爵以小官疏正義曰官

王制論定然後官之任官然後爵之是也張氏云凡以官位爵人皆以德爲等殺爵以待有德安得有生而貴者乎注云殺猶衰也者惠氏棟云衰猶差也荀子云相地而衰政注衰差也九章算術謂差分爲衰分然則殺謂德有等差故鄭又云德大者爵以大官德小者爵以小官也或解殺爲隆殺之殺謂後世擇人任官不及上世民各推其賢者奉之以此爲德之殺恐非盛氏云朱子解自繼世以立諸侯以下別爲一義以其爲鎔簡也竊疑此與郊特牲文同不應兩處皆屬鎔簡沈氏形云先儒疑爲鎔簡非也去此三節則義不明備今案盛沈之說似是

### 右記大夫以上冠皆用士禮之義

外而諡今也古者生無爵外無諡

今謂周衰記之時也古謂殷殷士生不爲爵外

不爲諡周制以士爲爵外猶不爲諡耳下大夫也疏正義  
今記之時士外則諡之非也諡之由魯莊公始也疏曰諡  
今本作諡唐石經嚴本俱作諡盧氏文弼云諡說文本作  
諡今並當作諡○沈氏彤云此因上冠而字之敬其名也  
而類及之今案沈說是也表記曰先王諡以尊名檀弓曰  
幼名冠字五十以伯仲外諡周道也是諡法至周始備然  
士外猶不爲諡其有諡則起於後世故記之以明今古之  
變耳注云今謂周衰記之時也者以記云今也明是作  
記者據其時而言故知今謂周衰作記之時也云古謂殷  
殷士生不爲爵外不爲諡者郊特牲注云古謂殷以前也  
大夫以上乃謂之爵外有諡也是士無爵無諡矣白虎通  
云公卿大夫者何謂也內爵稱也內爵稱公卿大夫何爵  
者盡也各量其職盡其才也又云何以知士非爵禮曰四  
十強而仕不言爵爲士至五十爵爲大夫故知士不爲爵  
也云周制以士爲爵外猶不爲諡耳下大夫也者周禮小  
宗伯曰賜卿大夫士爵則僎孟子言周室班爵祿而云上  
士一位中士一位下士一位則周固以士爲爵矣又大史  
曰小喪賜諡鄭注小喪卿大夫也言卿大夫而不及士又  
白虎通云卿大夫老歸外者有諡何諡者別尊卑彰有德  
也卿大夫歸無過猶有祿位故有諡也亦不言及士則士

外不爲諡明矣是下於大夫也云今記之時士外則諡之非也者言非禮也云諡之自魯莊公始也者禮記檀弓曰魯莊公及宋人戰於乘邱縣賁父御卜國爲右馬驚敗績公墜佐車授綬公曰末之卜也縣賁父曰他日不敗績而今敗績是無勇也遂外之圉人浴馬有流矢在白肉公曰非其罪也遂誅之士之有誅自魯莊公始也王氏士讓云鄭注引魯莊公誅縣賁父之事似未確蓋諡與誅有辨誅者不必皆諡故哀公誅孔子但稱尼父仍字之而不諡汪氏攀澐云周制下大夫士皆無諡是以孔子爲下大夫有誅無諡魯莊公誅縣賁父是誅也非諡也誅與諡不同鄭誤以誅爲諡今案周禮大祝注云誅謂積累生時德行以賜之命是與易名之典異也○此記所引冠義之文自始至末詞義高古實勝禮記冠義篇蓋不知誰人所作要必孔子之徒爲之是以傳習者多儀禮作記者錄其文以爲士冠之記而戴記又取以入郊特牲篇也不然何以二者無異辭乎

## 右記士爵諡今古之異

儀禮正義卷三

鄭氏注

受業江寧楊大埳補

士昏禮第二

鄭目錄云士娶妻之禮以昏為期因而名

為昏昏禮於五禮屬嘉禮疏正義曰昏嚴本作昏唐石  
大小戴及別錄此皆第二經作昏說文曰冥也从日  
氏氏者下也段氏玉裁注字从氏省為會意絕非从民  
聲為形聲也唐人作五經文字乃云緣廟諱偏旁準式  
省从氏凡泚昏之類皆从氏以昏類泚其亦慎矣今案  
據此當以作昏為正从民作昏非也或加女旁作婚亦  
俗體耳娶釋文作取陽上釋文有取其二字羣書拾補  
云三禮考注同今據增減目錄本陽上有取字昏禮昏  
下無禮字○鄭云士取妻之禮者鄭以此篇主言士禮  
士二十而冠冠而後娶故昏次於冠也敖氏曰此篇主  
言士之通子娶妻之禮儀禮釋官云案此篇主言士之  
昏禮亦兼已仕未仕者言大夫無冠禮而有昏禮鄭氏  
謂大夫或時改娶也其天子諸侯早娶亦有其禮今皆  
亡耳云以昏為期因而名焉者下經云期初昏陳三鼎

于寢門外又記云凡行事必用昏所注用所使者用昏  
婿也案昏禮有六十一曰納采二曰問名三曰納吉四曰  
納徵五曰請期六曰親迎自納采至請期五禮皆遣使  
者行之必用昕者賈疏謂昕即明之始君子舉事尚早  
是也壻之親迎則用昏故注云用昏壻也壻親迎用昏  
因名其禮為昏禮自天子以下禮之隆殺不同而其名  
昏則同故禮記哀公問言天子諸侯親迎之禮曰大昏  
周禮大司徒言聚萬民之政曰多昏是上下皆名昏也  
云必以昏者取其陽往而陰來者三禮札記云晝為陽  
夜為陰昏是陰陽交接之時故云取其陽往而陰來也  
白虎通云所以昏時行禮何示陽下陰也昏亦陰陽交  
時也云日入三商為昏者賈疏云商謂商量是漏刻之  
名故三光靈曜亦日入三刻為昏不盡為明案馬氏云  
日未出日歺後皆云二刻半前後共五刻今云三商者  
据整數而言其實二刻半也惠氏棟云三光靈曜當作  
考靈曜今案周禮司寤疏云日入三刻為昏不盡三刻  
為明則不盡下當有三刻二字禮經釋例云王氏應麟  
曰詩正義云尙書緯謂刻為商夏文莊蓮華漏銘五夜  
持宵三商定夕蓋取此蘇子美亦云三商而眠高春而  
起義與賈疏同皆作商量之商讀如式羊切阮侍郎元

云三商日入後計刻漏之數商算至三次也今籌算法  
有初商再商三商之制古法或與之同考士昏記凡行  
事必用昏昕昏昕者卽今之矇影限也以時憲術考之  
大陽未出之先已入之後距地平一十八度皆有光以  
一十八度爲矇影限然北極出地有高下大陽距赤道  
有南北故矇影刻分隨時隨地不同其隨時不同者二  
分之分刻分少二至之刻分多也隨地不同者愈北則刻  
分愈多愈南則刻分愈少也若北極出地五十度則夏  
至之夜半猶有光愈高則愈不夜矣南至赤道下則二  
分之分刻分極少而二至之刻分相等赤道以南則反是  
古人推步之術甚疎不論何地何時皆以二刻半爲昏  
昕之候其說今不可復用矣云昏禮於五禮屬嘉禮者  
詳士冠禮目錄下褚氏寅亮云杜佑謂康成主男必三  
十娶女必二十嫁王肅以爲男十六可娶女十四可嫁  
三十二言其極耳今案三十二而嫁娶者周官掌  
萬民之判眾庶之禮也喪服經有爲夫婦之長孀士大  
夫之禮也左傳十五而生子國君之禮也又鄭氏嫁娶  
必以仲春王肅以爲秋冬嫁娶之時孫卿曰霜降逆女  
冰泮殺止家語霜降而婦功成嫁娶者行焉冰泮而農  
桑起昏禮殺於此東哲云春秋二百四十年天王娶后



魯女出嫁夫人來歸大夫逆女自正月至十二月悉不以得時失時爲衰貶何限於仲春季秋以相非哉士昏禮請期辭曰惟是三族之不虞卜得吉日便相配合先賢以時月爲限恐非至當說似圖通然三十娶二十嫁之文不特見于周官卽曲禮內則諸文亦彰彰可據白虎通云男三十筋骨堅強任爲人父女二十肌膚充滿任爲人母合爲五十應大衍之數生萬物也是也自春秋時風俗嬗薄有不待年而卽恣欲者于是不得已乃遷就爲早昏之禮以杜其漁色之端禮之本義豈若是乎又嫁娶必以春者白虎通曰天地交通萬物始生陰陽交接之時故仲春之月令會男女其文見於周官二月綏多士女其文見於大戴禮夏小正士如歸妻迨冰未泮其文見於邶風今舍經不從而信苟卿王肅等言祇見其惑已又曰娶妻不先告廟者示不必安也蓋因昏禮篇無告廟之文耳然左傳楚公子圍娶于鄭之辭曰圍布几筵告于莊共之廟而來明言告廟矣陳氏禮書謂旣納采問名然後歸卜於廟旣卜然後納吉當在告廟之日遂引卜郊受命于祖廟作龜于廟宮注云受命退乃卜以爲卜昏之禮亦如之案隱八年左傳杜解云禮逆婦必先告祖廟而後行鄭忽先逆婦而後告廟

故曰先配而後祖正義引鄭司農以配爲同牢會也先  
會而後祭祖無敬神之心故曰誣其祖孔氏詆鄭而從  
杜其實告廟而後行與夫祭祖而後同牢禮皆無其文  
毛氏奇齡云昏義壻至主人几筵于廟而拜迎于門外  
婦家亦告廟且迎壻入廟行事則婦至可知矣又納采  
納吉問名納徵請期五禮婦家俱告廟行事歷載士禮  
而壻家未嘗一告廟則壻家行事皆不載矣而白虎通  
卽曰娶妻不先告廟何鹵莽邪賈氏以爲士大夫諸侯  
天子禮各不同恐亦周旋之說耳吳氏廷華云篇內器  
服之屬無一定之等如用鴈爲大夫之摯墨車爲大夫  
之車其餘如爵弁與禁又俱爲士禮注以墨車爲攝盛  
疏以女從鴈黼爲假盛愚謂若以攝盛言則車服等俱  
應從大夫禮胡又有攝不攝之分則攝盛特說經者不  
得已之辭耳又云器服等不過鎡舉士大夫禮以爲之  
準俾行禮者得六禮大節所枉率而行之餘則各引其  
分而爲之具聖人制禮之義大略如此方氏苞云親迎  
昏以爲期蓋必已成夫婦而後可見于舅姑若早至而  
不見所尊則嫌于慢故必近夜爲宜案納徵疏云大夫  
無冠禮而有昏禮若試爲大夫及幼爲大夫者依士禮  
若五十而壽改娶者大夫昏禮玄纁及鹿皮則同于士

餘有異者無文以言也記云無大夫冠禮而有其昏禮此篇是也疏以為試為大夫及幼為大夫者依士禮恐非周禮疏亦有改娶之說大抵皆因曲禮三十壯有室五十命為大夫服官政故作此周旋耳萬氏充宗云先王之制仕者世祿不世官官有尊卑祿即有厚薄因是以思卿之子孫即會卿之祿大夫之子孫即會大夫之祿既會卿大夫之祿即行卿大夫之禮固不必身為卿大夫也大夫之有昏禮曷足怪若以為備改娶聖人豈預為此不祥之目哉其說是也但萬氏尚未攷此篇之目即大夫昏禮耳

# 昏禮下達納采用鴈

達通達也將欲與彼合昏姻必先使媒氏下通其言女氏許之乃後使人

納其采擇之禮納采而用鴈為摯者取其順陰陽往來詩云取妻如之何匪媒不得昏必由媒交接設紹介皆所以養廉疏正義曰徐本通典集釋要義楊氏注無達字及納鴈而發言士庶皆得用鴈攝盛之意也如此則宜云納采用鴈下達文義與三年之喪自天子達同方順今無上事而啟口即云下達古人立言恐不若是仍當主使媒下通其言之說至用鴈之文注與六摯絕不相涉若云士許用

大夫之摯以攝盛則天子諸侯大昏合二姓之好以爲宗廟社稷之主何反降用大夫之所執乎又案白虎通云用鴈者取其隨時南北不失其節明不奪女子之時也又取飛成行止成列明嫁娶之禮長幼有序不相踰越也沈氏形曰下達下字當去聲讀如周易男下女之下蓋自請期以上皆壻父下女父之事故女在家壻父未有不爲之下者故使媒氏下達乃壻父自下之始也注云將欲與彼合昏姻必先使媒氏下通其言女氏許之乃後使人納其采擇之禮者周禮地官有媒氏職諸侯之國亦有媒氏傳通男女使成昏姻也云用鴈爲摯取其順陰陽往來者江氏筠讀儀禮私記云方氏苞獨指爲舒鴈夫鴈不再偶是以取之蓋郊特牲所謂一與之齊終身不改之義也舒鴈則無所取矣盛氏世佐云士摯當用雉而雉不可生致故舍雉而用鴈記云摯不用外是也引詩者證須媒氏下達之義也云昏必由媒交接設紹介者五禮自納采以下皆使往是交接設紹介也云皆所以養廉恥者孟子曰不待父母之命媒妁之言則父母國人皆賤之曲禮曰男女非有行媒不相知名坊記曰男女無媒不交說文云媒謀也謀合二姓也灼斟酌二姓之稱凡此皆主人筵于戶西所以備禮通情養成男女使保其廉恥也

面上右几

主人女父也筵為神布席也戶面者尊處將以

右設几神不統疏正義曰女家將受納采之禮先設神坐

於人席有首尾乃受之韋氏協夢云設筵者雖非主人在

而主人必親蒞之故以主人立文也褚氏寅亮云女父在

父為主人祖在祖為主人若父祖俱歿則有事於宗子之

廟而以宗子為主孔氏穎達謂女家每事告廟則男氏

將行六禮必告廟不徒上而已其說似女氏可不問卜

者然攷左傳懿氏卜妻敬仲其妻占之曰吉又晉獻公筮

嫁伯姬于秦遇歸妹之睽則上筮皆用矣壻家亦惟納吉

請期有卜他禮則否士用漆几是時主人及擯者立位與

冠禮同吳氏廷華云戶室戶也室南鄉牖在西戶在東戶

面即牖之東蓋堂之中也賓曰東上此曰西上陰陽之義

也注云右設几者几神所憑也人道東上而左几此神

道取地道尊右之義西右也云席有首尾者上其首也西

上神道也賈疏云公會大夫記蒲筵蓐席皆卷自末是也

使者玄端至

使者夫家之屬若羣吏使往來者玄端疏正義

曰玄端禮服使者以鴈來也注云使者夫家之屬若羣

吏使往來者玄端士莫夕之服者吳氏廷華云此使者當

是周禮媒氏男父使來納采故曰使至奉男父命至門外也其夕之說非已見士冠禮又冠禮止言贊者與贊冠而不言其爲何如人其以贊冠爲降主人一等者特注說耳此疏竟以彼注爲經謬矣至云主人是下士屬是不命之士尤謬據周禮典命公侯伯之士一命子男之士不命如賈說是大國中下士之外又有不命之士小國不命之士以上又有上中下士不顯與典命經文悖乎據下記士受皮疏云此不命府史之等與子男不命者別又以旣夕禮士受馬爲胥徒不知何據要之使者是媒氏不可以屬吏言也且下賓升疏以此爲賓主敵則又何屬之可言盛氏世佐云使者亦士也故玄端服士冠禮擯者及贊者皆服玄端是也云有司緇裳者賈疏云士惟有三等之裳玄裳黃裳襍裳此云**擯者出請事入告**猶問也禮不必事雖緇裳卽玄裳矣

**擯者出請事入告**

猶問也禮不必事雖

知猶問之

**疏**

正義曰敖氏云賓之將命者入告擯者告主

賓非主人之

**疏**

人乃出請事也其辭蓋曰某也使某請事凡

人告東面大

**疏**

夫士之禮也注云禮不必事雖知猶問之

重慎也者吳

**疏**

氏廷華云擯者當是私臣將命者前已有媒

氏通言今使

**疏**

者在門當知有昏事而猶問之故曰重慎也

主人如賓服迎于門外再拜賓不荅拜門外大門外不荅拜者奉使不敢當

其盛禮疏正義曰張氏爾岐云當亦如士冠禮主人迎賓主

賓主人敵者則迎于大門外士冠禮賓立于外門之外主

人迎出門左其賓注謂主人之僚友其主人注謂將冠者

之父兄士相見禮主人出迎于門外此賓主人皆士士昏

禮納采使者至主人迎于門外注門外大門外又親迎壻

至于門外注婦家大門之外又云主人玄端迎于門外此

主人注謂女父也此主人尊者而迎于大門外以賓客接

之故盛其禮也又士昏記不親迎壻見主人出門左而面

壻入門東面注出門出內門入大門出內門不出大

門者異於賓客也此又殺於親迎成主人之尊也注云

門外大門外者賈疏云大夫士惟有兩門寢門大門而已

廟在寢門外之東此下有至于廟門明此是大門外可知

也云不荅拜者奉使不敢當其盛禮者吳氏廷莘疑義云

主人再拜者亦而面拜辱使者為男氏納采不敢當賓禮

故不荅拜非卑之謂也賈疏謂士卑無君臣之禮故不荅

拜非揖入至于廟門揖入三揖至于階三讓入三揖者至

也

旣曲北面疏正義曰注云入三揖者至內雷者李氏如圭  
揖當碑揖疏云內雷門內雷也雷屋檐檐滴處云將曲揖旣  
曲北面揖當碑揖者賈疏云凡入門三揖以其入門賓主  
將欲相背故須揖賓主各至當塗北面相見故亦須揖至  
碑碑在堂下三分庭之一在北是庭中之節故亦須揖敖  
氏云與賓揖先入也揖入之後亦每曲揖不著之者此與  
上篇皆士禮其同可知吳氏廷華云碑在中庭當云二分  
庭一在北賈疏本下記言之不知彼原非中庭此注明言  
當碑不當

主人以賓升西面賓升西階當阿東面致命主

取以爲證

人阼階上北面再拜

阿棟也入堂淡示

疏

正義曰褚氏寅亮云賓降等者

主人先升固已卽敵者亦主人先升也聘禮賓僨卿賓升  
一等大夫升面卿大夫大夫升一等賓從之又曲禮主人  
與客讓登主人先登客從之皆賓主敵而主先升之證先  
升者道之也道之故曰以若賓尊于主則賓先升不必銜  
君命也燕禮大射禮宰夫爲主人以辟正主故賓先升考  
之禮無賓主俱升法賈疏似失之注云阿棟也者胡氏  
承琪云考工記門阿之制五雉注阿棟也鄉射記云制五  
架之屋正中曰棟次曰檐前曰殿鄭以棟訓阿者非謂棟



有阿名謂屋之中脊其當棟處名阿耳阿之訓義爲曲說  
文阿一曰曲阜也其在宮室則凡屋之中脊其上穹然而  
起其下必卷然而曲其曲處則謂之阿棟隨中脊之勢亦  
有卷然穹然之形故易於棟言隆禮卽以棟爲阿考工記  
般人四阿重屋注四阿若今四柱屋又王宮門阿之制五  
雉疏云謂門之屋兩下爲之其脊高五丈夫屋有四柱兩  
下必皆於中脊分之則阿爲中脊卷曲之處明矣中脊者  
棟之所承故鄭以當阿爲當棟也此經云賓當阿東面致  
命主人阼階上北面再拜程氏易田云主人在阼階上接  
賓賓乃獨入堂深而至於棟賓主不相對於授受行禮不  
便故知阿當在檐而不在棟按古人所稱東階上西階上  
者必非僅指階前數尺之地焦氏循謂兩楹在檐棟之間  
東楹之東面楹之西自階至房戶之前通可謂之階上引  
燕禮小臣設公席于阼階上面鄉而其下又云樂正由楹  
內東楹之東告于公以此爲自階至房戶前皆名階上之  
證其說甚確然則此納采之賓當阿東面主人阼階上北  
面本不甚懸絕況賓致命之後主人再拜之時賓必還辟  
不荅拜凌氏廷堪云凡爲人使者不荅拜士昏禮納采授  
鴈略用聘享授玉授璧之例拜時使者當亦三還負序然  
則此賓致命後退至楹間主人拜後亦從阼階上至楹間

故經云授于楹間南面無嫌於授受不順也今文阿爲廡者卽說文之𠂔字𠂔部𠂔仰也从人在𠂔上一曰屋𠂔也秦謂之檐楚謂之𠂔然則𠂔與檐一物廡卽𠂔亦屋檐之名謂之檐鄭禮公側襲受玉于中堂與東楹之閒注入堂深尊實事也及此經皆取入堂深爲義故不從今文歟按主人北面再拜者拜其授于楹間南面節同也南面竝授也納采之命許之也

**疏**

正義曰程氏易田云云楹閒著東西之節案公食大夫禮若不親會使大夫致之豆實實于簠陳于楹外簠實

實于簠陳于楹內兩楹閒兩楹閒者總謂簠簋蓋楹內楹外著南北之節楹閒著東西之節不知者乃謂楹內楹外楹閒是三處其故在誤解楹閒爲南北之節謂其處必正當兩楹案聘禮階上授受東西之節有四法一爲賓主敵體在兩楹閒賓面卿受幣于楹閒是也一爲賓主雖敵體而所趨者君命則在堂中西鄉歸饗餼于聘賓受幣堂中西賓問卿堂中面是也一爲賓臣主君則直趨君位當東楹賓覲進授幣當東楹公禮賓受幣當東楹是也一爲賓主雖君臣而所執者君之器則在中堂與東楹之閒聘賓致命公側襲受玉于中堂與東楹之閒是也以上四事若

以楹爲南北之節則必不能出而在楹南矣于楹閒堂東  
堂面三者非可言而於所謂堂東楹者亦謂其不在楹南  
乎此可決授受之節當楹閒也朱大韶云疏以經云南面  
不辨賓主故知南面竝授也聘禮歸饗餼節大夫東面致  
命賓降階再拜稽首大夫辭升成拜受幣堂中西北面賓  
饋大夫節賓奉幣西面大夫東面賓致幣大夫對北面當  
楹再拜稽首受幣于楹閒南面注賓北面授尊君之使又  
賓問卿節大夫受幣堂中西北面賓面卿節大夫受幣于  
楹閒南面注賓亦振幣進北面授經三云楹閒南面注於  
昏禮云竝授於聘禮則以爲訝受疏通之曰雖是敵者于  
兩楹之閒或有訝受者皆是相尊敬之法此大夫南面賓  
北面雖是敵體尊大夫故訝受案聘禮注是也曲禮記雖  
云卿與客竝然後受而禮經固無竝授受法惟聘禮宰執  
圭屈纁自公左授使者使者受圭同面坐纁以受命旣述  
命同面授上介聘畢歸使者執圭垂纁北面上介執璋屈  
纁立于其左宰自公左受玉此同面相授受也蓋於君前  
皆北而故授由其右受由其左其餘無同面者公食大夫  
禮公授宰夫受帛以侑賓受聘當東楹北面賓北面受則  
公南面授可知聘禮賓覲振幣進授當東楹北面賓北面  
受則公南面授可知歸饗餼與問卿皆奉其君之命而致

公幣也故受於堂中之西而北面與受於公所同償使者  
與面卿私幣也故受於兩楹之間而南面賓與卿體敵不  
南面授者禮固無竝授受法也此使者奉其主人之命來  
納采不南面授者嫌於君使於大夫同也言受者南面則  
授者北面可知授當爲受字之誤也文承主人再拜下自  
然言主人受不當言使者授聘禮諸條皆主受者言其例  
自明鄭不審授爲受之譌故以南面屬之使者解爲竝授  
與聘禮注異耳又案禮於授受之節或東面或西面或南  
賓主相對經竝不言訝惟聘禮醴賓公東南鄉外拂几三  
卒進西鄉賓進訝受几于筵前進猶前也訝迎也公前就  
賓故賓前迎受几也又賓執左馬以出上介受賓幣從者  
訝受馬公會大夫禮從者訝受皮蓋從者在上介之後賓  
出從者前迎受之故於上介言受獨於從者言訝受士嚔  
禮下篇若無器則梧受之蓋賓東面主人面而宰在主人  
之北由北而西南必稍前受之故亦言訝惟此四處言訝  
則訝受與對面相授受者義亦別但相傳以爲訝受耳  
注云南面竝授也者盛氏世佐云凡堂上授受摯幣之法  
主人尊則近東楹賓尊則近西楹於楹閒南面竝授敵者  
之禮也此使者卑於主人而用賓降出主人降授老鴈  
敵禮者以其奉壻父之命故也

賓降出主人降授老鴈

羣

傳前正事卷三  
吏之疏正義曰注云老羣吏之尊者者吳氏廷華云老卽尊者疏趙魏之老者蓋家臣之長注以老爲羣吏之尊者卽上文屬吏說似未確又士冠禮賓出主人送于席門外此亦當然也案投老鴈後不見有還鴈之儀疑主人旣授老鴈老卽以授賓將命者下文賓執鴈卽前所執之鴈也經不言還鴈文不具耳敖氏云授鴈於階下旣則進立於庭中

### 右納采

擯者出請

不必賓之事有無

疏

正義曰賓出未去有事可知故出請也

賓執鴈請問

名主人許賓入授如初禮

問名者將歸卜其吉凶古文禮爲醴

疏

正義曰褚氏寅亮云

記面面對注云對賓以女名則孔穎達以爲問母姓者然矣問名而以誰氏問不敢斥言也主人則直對以三月之名此亦與上得吉日而先請期於女氏之意同所謂小讓如僞吳氏廷華云據內則三月之名合男女言則女固有姓名何氏則父之氏耳但未有已納采而猶不知其氏者疏云婦人不以名行明本不問三月名其說較勝敖氏云

初禮三揖以下之儀也此雖俟於中庭亦有三揖與聘禮同

### 右問名

擯者出請賓告事畢入告出請醴賓

此醴亦當為禮禮賓者欲厚之**疏**正義

曰此下至送于門外主人禮賓之事又請者不敢必賓事之無敬之至賓告事畢則可以出矣不出者其擯者畱之歟蔡氏德晉云凡行重禮者事畢必醴之以致殷勤也敖氏云醴與醴子之醴同擯者請醴賓亦以其降等也若敵者則主人自請之注云此醴亦當為禮禮賓者欲厚之者賈疏云士冠禮賓為醴字彼已破從禮故云亦此以醴酒醴賓不從醴者以大行人上公再裸而酢侯伯一裸而酢子男一裸不酢及以酒禮之用齊禮之皆不依酒醴為名皆取相禮故知此醴亦為禮敬之禮不取用醴為醴之義也吳氏廷華云注因司儀王用鬯禮賓不言鬯而言禮是亦理之可通者若賈疏謂凡言禮者皆是上下之辭且與儉字別則卿大夫所謂以禮禮賓之又何說耶據士冠禮主人戒賓注以賓為主人之僚友冠畢則禮賓是敵者亦曰禮不得以上下為說至謂聘禮卿亦云無擯者案彼

經聘享之後賓朝服問卿受幣無償彼注以辟君為訓蓋

賓與卿名位相敵所謂無擯正敵者曰擯之謂也但彼經

問卿只言擯未嘗言禮則賈疏得賓禮辭許禮辭疏正義

有擯禮兩名之說又未可信矣注云禮辭一辭者蔡氏德晉

言擯入告可知賓亦就次注云禮辭一辭者蔡氏德晉

云一辭而許者禮賓之常法案賓禮辭許者亦謂其為使

而醴之與平時宴主人徹几改筵東上側尊甒醴于房中

饗之事不同也徹几改筵者鄉為神今為人側尊亦言無玄疏正義曰校

酒側尊於房中亦有簠有簋豆如冠禮之設疏勘記云陸

氏云鄉本又作曷案曷正字鄉今之向字注云鄉為神

今為人者於戶西禮神坐易他席而布之徹几亦易他几

於後授賓也張氏爾岐云改筵改西上而東上也為人設

則東上者統於主人也云側尊亦言無玄酒者醴象太古

質故士冠禮與士昏禮之等皆無玄酒也云亦有簠有簋

豆如冠禮之設者此下云贊者酌醴加角柶明有簠盛之

又云贊者薦脯醢則有簋豆可知但冠禮尊在服北南上

則此尊與簠亦南上故云如冠禮之設也韋氏協夢云徹

與改皆有司為之云主人主人迎賓于庭門外揖讓如初

升主人北面再拜賓面階上北面荅拜主人拂几授校拜

送賓以几辟北面設于坐左之西階上荅拜拂拭也拭几者尊賓新之

也校几足辟逸疏正義曰盧弼弓云校緣避明諱改作校

通古文校爲枝釋文通徐本集釋敖氏俱作巡通解楊

氏俱作遁張氏云鄭於儀禮用逡遁字十有一開寶釋文

獨於此作巡諸釋文本皆作遁枝徐本集釋俱作技通解

作枝○賈疏云如初升者如納采時三揖三讓也主人拂

几者案有司徹主人面左手執几縮之以右手推拂几

三二手橫執几進授于尸前几敵者拂几皆若此卑於尊

者則內拂之几授几之法卑者以兩手執几兩端尊者則

以兩手於几間執之授受皆然受時或受其足或受於手

皆橫受之及其設之皆旋几縱執乃設之於坐南北面陳

之位爲神則右之爲人則左之不坐設之者几輕故也敖

氏云復迎之禮更端也主人拜至賓荅拜爲己也几所以

安體賓雖不隱几主人猶進之崇優厚也几校未詳以有

司徹執几之法推之則校者其謂左廉歟云以几辟者嫌

辟時或釋几也凡自敵以下其於拜者皆辟經不盡見之

也左之在席上之東也設几於左便其右也授几於筵前



面而拜送亦於阼階上北面吳氏廷華云賈疏謂昏禮有  
相親之義案拜至特主人敬賓之意竝無相親義若云相  
親則聘禮何嘗不是親睦聘禮私覲拜至則體賓亦當拜  
至文省耳若云不相親故不拜則豈有不親於體而又獨  
親於覲之禮又此疏賓主不敵等說卽前節注意且旣以  
爲此賓不敵而其言拂几也則曰敵且尸尊主卑旣以有  
司徹爲外拂又據聘禮謂卑於尊者內拂前後矛盾經明  
言授校其爲兩手執之可知乃又轉一說曰昏禮異於餘  
禮豈不支離又云此言先授後拜則主人旣授而拜几方  
在客手不能答拜故必設几後乃答至受醴時主方執醴  
故賓先拜受賓受後主人始拜送情理不過如是賈疏忽  
創爲非己所得及己所當得等語謬矣至主拜賓拜俱有  
相辟之禮聘禮賓覲再拜公少退則不特卑始辟尊也況  
是經賓本不卑乎烏得傳會其說注云校几足古文校  
爲枝者胡氏承珙云校蓋散之借字說文散脰也與旣夕  
注校脰也訓同祭統夫人執校注校豆中央直者也豆有  
跗而無足故謂其中央直者爲校几則有足故士昏注以  
校爲几足也古文作枝者四體謂之四肢說文脰或作肢  
逸周書孟子又作枝釋名脰肢也似木之枝格也几之有  
足猶人之有四肢故校亦謂之枝歟鄭以肢兼手足散則

專於足歷故  
不從古文  
贊者酌醴加角柶面葉出于房贊佐也佐主

者亦洗酌加角柶覆之如冠禮矣出疏正義曰迎受釋文

房南面待主人迎受古文葉作揭作梧授从木張氏

引釋文从手各本注疏聘禮公食大夫禮从木既夕禮从

手未知孰是說文無梧字有梧字訓逆也既夕疏云梧還

也還逆二義相近疑梧卽梧之俗體而梧又其段俗通用

者也盧文弨曰陸梧授二字譌今案公食大夫禮及既夕

經既有梧受之言張氏引既夕乃作梧授又引玉篇梧受

也梧授謂授其所受也鄭於既夕注云謂對相授不委地

則經似當作授則張說不爲無據而此處釋文授字亦未  
必譌也○凌氏釋例云士冠者賓醴冠者贊者洗于房中  
側酌醴加柶覆之面葉又賓授醴于戶東加柶面枋冠者  
筵面拜受解士昏禮女父醴使者贊者酌醴加角面葉出  
于房主人受醴面枋筵前西北面賓拜受醴此皆酌者面  
葉以授醴者所以然者醴者尊不自酌必由酌醴者授之  
凡訝受皆對面相授受酌醴者面葉以授醴者則醴者始  
得面枋以授受醴者受醴者受之乃得前其葉以扱醴而  
祭也士昏禮舅姑醴婦贊者酌醴加柶面枋出房席前北  
面婦東面拜受此則酌者徑授受醴者所以然者舅姑益

尊不自酌併不自授徑由酌者授之故面枋以便受醴面  
葉而祭也注云酌加角枋覆之如冠禮矣者士冠禮贊  
者洗于房中側酌醴加枋覆之此與之同故知如冠禮  
吳氏廷華云贊者私臣之屬酌醴酌醴尊以實觶也主

人受醴面枋筵前西北面賓拜受醴復位主人阼階上拜

送主人西北面疑立待賓卽筵也賓復位於面  
階上北面明相尊敬此筵不主爲飲食起  
疏正義曰

西北面以賓在面階上不可背之也醴子醴婦皆北面者  
以其立於席面也賓拜亦於面階上復位俟旣薦乃升席  
於賓之拜也主人少退主人拜送賓亦如之張氏爾岐云  
主人執醴筵前西北面以待賓賓拜於面階上乃進筵前  
受醴受訖復而階北面之位主人乃於阼階拜送此醴古  
人受爵送爵相拜之法大率如此注云主人西北面疑  
立者吳氏廷華云疑立者無事而立此經主人方在受醴  
獻賓之時何暇疑立又鄉飲酒禮言賓面階上拜主人少  
退賓進受爵此賓拜主人亦當少退又易能疑立云此筵  
不主爲飲食起者賈疏云此筵爲行禮故拜及啐皆於面  
階不知凡筵皆爲行禮焉有素爲飲食而設者若以拜啐  
必於面階始爲行禮之筵則士冠禮醴子曰冠者筵末坐

啐醴降筵坐奠解拜是拜啐皆於筵前彼何嘗非行禮之筵而拜啐皆不在西階賈說尙可信哉要之拜啐於西階上皆是敬主之義啐於西贊者薦脯醢進疏正義曰此贊階蓋有不敢當此筵之義氏寅亮云凡祭於脯醢之豆間籩爲竹豆故脯雖籩實亦得名豆賓卽筵坐左執解祭脯

醢以柶祭醴三西階上北面坐啐醴建柶與坐奠解遂拜

主人荅拜卽就也左執解則祭以右手也凡祭於脯醢之豆間必所爲祭者謙敬示有所先也啐嘗也嘗

之者成主人意建猶**疏**正義曰李氏如圭云公食大夫豆扱也興起也奠停也**疏**多者祭於上豆之閒知凡祭皆於

籩豆之閒也張氏爾岐云賓卽筵坐而祭醴南面坐也啐醴則西階北面之位奠解遂拜亦於西階遂拜者因事曰

遂坐奠不起而遂拜也吳氏廷華云旣言興復言坐者坐如曲禮坐而遷之之坐賈疏所謂跪也興而跪跪而奠解

遂以拜也啐於西階不敢以賓禮自居也注云凡祭於脯醢之豆閒者賈疏謂祭脯醢置之皆於豆閒此及冠禮

鄉飲酒鄉射燕禮大射皆有脯醢則在籩豆之閒此注不言籩者文省耳云成主人意者主人設饌望賓美之今客

嘗之告旨是賓卽筵奠于薦左降筵北面坐取脯主人辭

薦左籩豆之東降下也自取脯者尊主

人之賜將歸執以反命辭者辭其親徹

北面禮貴相變也主人辭者蓋見賓珍己之物而取之則

以不腆辭之賈疏云此奠于薦左不言面位下贊體婦奠

于薦東注奠于薦東升席奠之此云奠于薦左明皆升席

南面奠之也又祭酒亦皆南面竝因奠酒之面奠之則冠

禮禮子亦南面奠之聘禮賓賓北面奠之也鄉飲酒鄉射

帛待賜己不敢稽留故由便疾北面奠之也燕禮大射重君

酬酒不祭不舉不得因祭而奠於薦東也

物君祭酬酒故亦北面奠注云執以反命者下記賓右

取脯左奉之乃歸賓降授人脯出主人送于門外再拜

執以反命是也

使者從者授於階

下而面然後出去

疏正義曰盛氏世佐云上云主人辭此

迎於門外是大門外此送亦大門外

面者以賓位在面授脯文在出上故知西階下西面

# 右醴使者

納吉用鴈如納采禮歸卜於廟得吉兆復使使  
疏正義曰  
作昏案昏嫁宜作昏婚姻宜作婚古或俱用昏字凡今本  
經注作婚者石經徐本俱作昏○郝氏云問名而後納吉  
者慎重不迫禮之序也乃昏姻之約自納采問名始上倘  
不故昏辭曰吾子有惠祝室請納采如必問名始上倘不  
吉可中廢乎故用禮通其義而已張氏爾岐云如納采禮  
其揖讓升階致命授鴈及主人醴賓取脯出門之節竝皆  
之如

### 右納吉

納徵玄纁束帛儷皮如納吉禮

徵成也使使者納幣以成

也束帛十端也周禮曰凡嫁子取妻入幣純帛無過五兩

儷兩也執束帛以致命兩皮為庭實皮鹿皮今文纁皆作

熏  
疏正義曰李氏如圭云五兩玄三纁二也象陽奇陰耦

也天子加以大璋諸侯加以穀圭庶人則用緇帛無  
纁用緇者婦人陰也納徵用幣故又謂之納幣何休云玄  
纁取其順天地鹿皮所以重古沈氏彤云鄭周禮注云五

兩十端也必言兩者欲得其配合之名襍記云納幣一束東五兩兩五尋然則每端二丈彼疏云古者二端相向卷之共爲一兩五兩故十端也又案鄭襍記注云十箇爲束貴成數兩兩者合其卷是謂五兩八尺曰尋五兩五尋則每卷二尺也合之則四十丈今謂之匹猶匹偶之云歟彼疏云一束謂十箇兩箇合爲一卷是束五兩也天之正色蒼而玄地之正色黃而纁聖人法天地以制衣裳而別其色故禮法之重者莫不上玄而下纁記云皮帛必可制納幣以玄纁重昏禮使制爲盛服也又鄭周禮媒氏注純實纁字古纁以才爲聲納幣以纁婦人陰也凡取禮必用其類士大夫乃以玄纁束帛此經注用玄纁象陰陽備也然則玄爲陽而纁爲陰矣又鄭注此經纁裳纁袍云纁緣者象陽氣下施是纁亦陽也案考工記畫綉之事襍五色東方謂之青南方謂之赤西方謂之白北方謂之黑天謂之玄地謂之黃凡五而有六者玄與黑同而異也五方之色單而天之色乃全乎五方之色玄入黑而爲纁則諸色潛藏獨見其方之色而已故說文但訓纁爲黑而康成以爲陰類也然所見者雖獨北方之色而天之色實含諸其中故禮服纁與玄恆互用而康成又以纁爲陽象不等諸專象北方之黑也蓋專象北方之黑不以青赤黃諸色爲裏

或曰凡昏禮無貴賤皆陰陽備鄭乃謂惟士大夫之幣象之豈庶民獨不當象之乎謂娶禮必用其類而以緇則士大夫何爲而不用其類乎形謂言非一端各有所當專用緇則取象幽陰兼用玄緇則取陰陽之備皆昏禮之義類庶人取其細而不取其大下土也然不用黑而用緇則以緇之中仍備陰陽之色耳又案士冠禮所陳三服玄端玄裳乃服之下者然在庶人爲上法昏禮攝盛則庶人與其妻皆可服玄而納幣以緇者緇又降於玄也昏禮幽陰故取象北方之色謂象婦人陰者非也蔡氏德晉曰納徵禮最重故特用皮帛而不用鴈

### 右納徵

請期用鴈主人辭賓許告期如納徵禮

主人辭者陽倡陰和期日宜由夫家

來也夫家必先卜之得吉日乃使使者往辭卽告之  
**疏**正義曰壻家而必請之者示聽命於女家尊之也案此遞言三禮同節皆如納采惟鴈與皮帛爲異耳

### 右請期



期初昏陳三鼎于寢門外東方北面北上其實特豚合升

去蹄舉肺脊二祭肺二魚十有四膾一肫脾不升皆飪設

肩胛期取妻之日鼎三者升豚魚膾也寢壻之室也北面鄉內也特猶一也合升合左右脾升於鼎也去蹄蹄

甲不用也舉肺脊者食時所先舉也肺者氣之主也周人

尚鬻脊者體之正也食時則祭之飯必舉之貴之也每皆

二者夫婦各一耳凡魚之正十五而鼎減一為十四者欲

其敵偶也脂兔脂也肫或作純純全也凡膾用全脾不升

者近竅賤也飪熟也肩所以扛鼎鼎覆之古疏正義曰注

文純為鈞辭為脾今文肩作鉉鼎皆作密通解徐本

俱作孰孰孰諸本錯出後不悉校徐本作扛釋文集釋通

解俱作扛依注例鼎上當有古文二字案儀禮局鼎屢見

恐經注俱有誤說文鼎注云以木橫貫鼎耳舉之則鼎即

局耳不得為兩字又金部鉉字注易謂之鉉禮謂之鼎是

鉉字惟易有之禮經安得有鉉今本儀禮覆尊則為鼎覆

鼎則為鼎釋文則多作鼎或強為分別曰鼎字从巾覆尊

以巾則稱鼎覆鼎以茅故不得稱鼎然則局字從戶何以

得施於鼎賈氏云鄭兼下絺綌總疊之故云皆可見覆鼎

覆尊皆作冪矣又士喪及既夕冪用疏布古文皆作密是  
古文無分尊鼎尤其明證也案局鼎二字古文當爲局密  
古文當爲冪幙鄭於上字從古下字從今當注云今文局  
爲鼎古文幙爲密鼎之從門乃諧聲非會意也古蓋音冥  
冥局聲相近故通作局又音冥冥鉉聲相近故別作鉉  
此又下盡合邕一節論夫家欲迎婦之時預陳同牢之饌  
也賈疏云東方北面是禮之正但數鼎故云北面上則  
此及少牢是也特牲陳鼎于門外北面上當門而不在此  
東方者辟大夫故也今此亦東方不辟大夫者重昏禮攝  
盛也鼎不言北上直云北面士冠所云是也凡鼎陳于外  
者北面爲正阼階下西面爲正士喪禮小斂陳一鼎于門  
外西面者喪禮少變在東方者未忍異於生時於大斂奠  
及朔月奠既夕陳鼎皆如小斂奠門外皆西面者亦是喪  
禮變也士虞陳三鼎于門外之右北面北上入設于西階  
前東面北上不言東者既葬鬼事變吉故也公食陳鼎七  
當門南面東上者以賓是外人向外統之集釋云肺有二  
其一舉肺離割之使食時可祭可啻又名離肺啻肺其一  
名祭肺刲切之以祭又名刲肺切肺祭時二肺俱有生人  
食惟有舉肺此具二肺者鬼神陰陽也郝氏云北面鼎面  
向北也北上自北陳而南豚鼎在北也全升全體解折孰

於鑊而升於鼎去蹄去四蹄甲舉猶會手舉會之也肺爲  
氣之主脊爲體之正食先舉之將食先祭之所會之肺脊  
與所祭之肺皆升之鼎者也全禽之乾者曰膾謂兔也肫  
當作純一純一雙也少牢云膾一純而鼎是也髀尾骨也  
內則云免去尻故不升於鼎褚氏寅亮云豚合升則豚解  
爲七體而左右胖皆升矣穀亦連於髀脊則分爲二令夫  
婦各二增脊之一而爲八去魚之一而爲十四合偶數也  
經明云膾一純而敖氏謂用一胖不惟失同牢之義且近  
凶禮矣吳氏廷華云下婦饋言合升側載者下兩俎分載  
之此一俎合載之也案肺當兼舉肺祭肺以舉肺亦祭故  
以祭概之兩者各二則四也豚只一肺此有四者析之父  
醯子當在此時合有胖升者夫婦各一也若祭則升右下  
文皆坐祭之薦黍稷肺卽此祭肺贊爾黍稷授肺脊卽此  
舉肺脊也牲一身前有肩臂膺後有肫脰脊中央有三脊  
正脰橫脊取中央正脊故曰體之正兔膾也者牛牢用麋  
脂士兔膾可知凡牲體用一胖膾則左右體脅相配共爲  
一體故得全名特牲少牢亦用全大斂士虞皆用左胖不  
全者喪禮略注肫作純純全也古文純爲鈞者胡氏承琪  
曰今文作肫本純之段僭當時蓋別有作純之本故云肫  
或作純純全也下卽就純字疊之云古文純爲鈞周禮司

几筵司農注純讀爲均服之均鄭於此不從古文作鈞者蓋以少牢之純爲正字鈞音與純稍遠惟肫音與純相近故但取純訓其字則仍從今文作肫耳

**設洗于阼階東南**

云肫爲脾者脾正字脾同音段借字

**疏**

正義曰設洗之節詳於前篇故此略之洗所以承盥洗之器棄水者

**疏** 吳氏廷華云設洗必兼水水在洗東文

省饌于房中醢醬二豆菹醢四豆兼巾之黍稷四敦皆蓋

醢醬者以醢和醬生人尙褻味兼巾之者六豆共

**疏** 正義

巾也巾爲禦塵蓋爲尙溫周禮曰食齊視春時

**疏** 曰盧

弔弓云石經菹各本同○聶氏崇義云舊圖云敦受一斗

二升漆赤中大夫飾口以白金案九嬪職云凡祭祀贊玉

齋注玉齋玉敦也受黍稷器然則天子八簋之外兼用敦

也又少牢禮曰主婦執一金敦黍有蓋凡設四敦皆南首

注敦有首者尊器飾也飾象龜形周之禮飾器各以其類

又明堂位曰有虞氏之兩敦夏后氏之四璉殷之六瑚周

之八簋注皆黍稷器制之異同未聞今依孝經說與簋簠

容受竝同上下內外皆圓爲異褚氏寅亮云饌亦兼夫婦

菹醢謂葵菹蜩醢以士用饋食之豆籩也聶氏云覆饌

巾士大夫以緇布頰裏二者夫婦各一四者夫婦各二

注云醢醬者以醢和醬者李氏如圭云醬以醢和之故名  
醢醬下經直言醬也惟公食大夫禮及此禮有醢醬吳氏  
廷華云醬合醢言是用醢醢成者膳夫醬合醢醢言醢人  
則曰齊醢苴醬醢人則曰醬齊苴是蓋有用醢而成者亦  
有不用醢而成者注所謂和即醢之大羹清在爨大羹清  
義蓋以二者相襍之謂也賈疏殊混大羹清在爨大羹清  
也大古之羹無鹽菜羹竈也周禮疏正義曰盧弼弓云竈  
曰羹齊視夏時今文清皆作汁也二字各本皆譌作  
火上今從宋本改正○敖氏云此上牲之肉汁也以其重  
於他羹故曰大復曰清者嫌羹當用肉也注云大古之  
羹無鹽菜者左傳桓二年傳大羹不致郊特性云大羹不  
和謂不致五味故知不和鹽菜唐虞以上曰大古三王以  
來更有餽羹則致以五味雖有餽羹猶存大羹不忘古也  
今文清皆作汁者五經文字云清從泣下肉大羹也清從  
泣下曰幽陰也今禮經相承多作下字段氏玉裁云儀禮  
音義引字林云清羹汁也玉篇廣韻同然則本無異字肉  
之津液如幽溼生水也羅氏有高云清之爲肉汁者古文  
段借字音入聲讀若液說文液汁也古文借爲液故清可  
訓汁今案此二說是也其汁字古人多段和叶字如周禮  
大史協事注杜子春云書亦或爲協或爲汁又大行人協

辭命注故書協爲汁鄉士汁日刑殺司農注  
汁合也和也故鄭於此仍依古文作湑耳  
尊于室中北

墉下有禁玄酒在面綌冪加勺皆南枋  
墉牆也禁所以庶  
無者玄酒不忘古

也綌粗葛今疏正義曰張淳云釋文冪作冪後徹尊冪鄉  
文枋作柄疏飲酒鄉射尊綌冪同案今本釋文仍作冪

作冪是也然賈氏於前節疏云鄭兼下綌冪總疊之則兩  
處之文同矣肅則皆冪冪則皆冪明無尊鼎之別集釋校

云周禮有冪人說文作帳云周禮有帳人是冪卽帳之變  
體粗集釋徐本通解楊敖俱作麤○敖氏云士虞禮云尊

于室中北牖下當戶此東西之節空如之尊不言其器如  
上篇可知案尊皆用酒此爲夫婦三醕而設下注所謂內

尊也玉藻士用禁玄酒在面不用也南枋便於酌也不言  
篚者爵在外篚此不重設也注云禁所以庶篚者玄酒

不忘古也者士冠禮云篚此亦士禮雖不言篚然尊亦篚  
也庶承於篚云禁者因爲酒戒也古謂黃帝以前以禮運

云汗尊而坏飲謂神農時雖有尊于房戶之東無玄酒篚  
黍稷未有酒醴以水爲玄酒也

在南實四爵合登無玄酒者略之也夫婦酌於內尊其餘  
酌於外尊合登破匏也四爵兩登凡六

儀禮王義卷之三

爲夫婦各三疏正義曰敖氏云無玄酒則惟一尊而已無  
醕一升曰爵疏玄酒用一尊且不尊於房戶之閒又不幕  
皆遠下尊者也疏實爵疏主醕夫婦也乃設於此者非常  
禮因有尊而爲之耳凡設此疏於堂者必在尊南鄉飲酒  
禮云設疏篚于禁南東肆吳氏廷華曰上二句言外尊蓋贊  
酌以自酢者初醕再醕自爵三醕合疏贊自酢亦用此爵  
案無玄酒者玄酒非當飲之酒特陳之以表不忘古耳故  
無庸再陳也疏卷半匏蓋分一匏爲二不用則仍合爲一也  
一再醕用爵夫婦各二故四三醕用爵疏不設疏篚於室者室  
隘不能容也此有醕子之禮盛氏世佐云此尊爲疏媵御設  
也古人房室皆在東南房戶之東則東序也不  
曰東序而曰房戶之東尊統於戶不統於牆也

### 右將親迎豫陳饌

主人爵弁纁裳緇袍從者畢玄端乘墨車從車二乘執燭

前馬

主人壻也壻爲婦主爵弁而纁裳玄冕之次大夫以

上親迎冕服冕服迎者鬼神之神之鬼神之者所以重之  
親之纁裳者衣纁衣不言衣與帶而言袍者空其文明其  
與袍俱用緇袍謂緣袍之言施以緇緣裳象陽氣下施從

者有司也乘貳車從行者也畢猶皆也墨車漆車士而  
乘墨車攝盛也執燭前馬使從役持炬火居前炤道  
正義曰二嚴本通解楊敖俱作貳士而乘墨車疏無而字  
從楊敖徐本作徒○自此至俟于門外論親迎之節集釋  
曰注言冕服迎者鬼神之神者言敬此夫婦之道如事鬼神  
也凡昏各用其上服五冕色俱玄故謂之玄冕爵弁則士  
之上服也襟記曰士弁而親迎盛氏世佐云士昏用上服  
以爵弁則天子以下皆用上服以五冕色俱玄故總稱玄  
冕也賈疏云五等諸侯亦不過玄冕始誤敖氏云此禮據  
壻家而言故以壻爲主人爵弁者以親迎當用上服也此  
言緇袍不言衣帶鞶與前篇互見也從者謂在車及執燭  
者也張氏爾岐云一命大夫冕而無旒士變冕爲爵弁故  
云冕之次大夫乘墨車士乘棧車今親迎乘大夫車故注  
云攝盛巾車注云棧車不革鞶而漆之則士之棧車亦漆  
但無革鞶爲異吳氏廷華云士冠禮爵弁服纁裳純衣緇  
帶鞶韠玄端玄裳黃裳襍裳緇帶鞶韠此但言緇袍者蓋  
彼此見義也注以言其文明與衣帶同色鑿矣又據士喪  
禮言貳車白狗攝服是士明有貳車也賈疏謂士無貳車  
誤案下經女從者畢紵玄注謂從者爲姪娣則此從者亦  
主人之娣若姪也賈疏謂爲僕隸之屬非是又墨車有革

疏



或取其膠固亦用鴈之婦車亦如之有祿等亦如之者車同

義注攝盛之說存參家共之大夫以上嫁女則自以車送之祿疏正義曰婦車

車裳幃周禮謂之容車有容則固有蓋之祿疏正義曰婦車

之車亦執燭前馬也祿禭通車衣也吳氏廷華云親迎為

六禮之一親迎者即鵲巢所謂百兩御之百兩迎之男有

夫家不共車而自乘其車之理此經婿車婦車並舉其為

夫家所共甚明注謂大夫以上自以其車送之非也賈疏

引左氏反馬據左傳有反馬說注謂禮送女畱其送馬三

月反馬此或是送女之人所乘如下所謂送者或載嫁女

服器之車俱未可知又鵲巢詩所謂迎御亦正夫家其車

之證賈乃以為自乘其車何其噴噴要之親迎之義謂夫

家自以其車迎之耳若自乘其車則往就矣烏得曰迎盛

氏世佐云如之者如其乘墨車而下之儀也嫁時之車王

后重翟上公夫人厭翟侯伯子男夫人翟車孤卿以下至

士皆與夫同惟有祿為異注祿車裳帷周禮謂之容車有

容則固有蓋者周禮謂之容詩謂之帷裳一名童容容者

以為車之容飾也帷裳者以其帷障車之旁如裳也其上

有蓋謂之童容四旁坐而下謂之祿其實一物也男子立

乘有蓋無祿婦人坐乘重自蔽故有蓋復有祿敖云以布

爲之想當然耳又云在上曰褻在下曰裳帷此惟有褻而  
已以褻與裳帷爲二非也鄭注褻記云褻謂鼈甲邊緣褻  
固在旁不在上沈氏彤云褻記其轉有褻緇布裳帷注褻  
謂鼈甲邊緣裳帷圍棺者則褻與裳帷明非一物詩疏云  
裳帷以帷障車之旁如裳上有蓋蓋有衣四旁坐而下謂  
之褻是也且昏禮以有褻爲盛爲褻非凡婦人車所有也  
衛風云漸車帷裳則帷裳乃凡婦人車有之其爲二物明  
矣旣夕記注又云褻於蓋弓坐之此得其實又容與蓋相  
配則容是在上之褻至于門外婦家大門之外疏正義曰賈疏云  
非在旁之裳帷也  
外者以下有揖入乃在廟廟在主人筵于戶西西上右几  
大門內故知此爲大門外也  
主人女父也疏正義曰顧氏炎武曰主人爵弁纁裳緇袍  
筵爲神布席注主人壻也壻爲婦主主人筵于戶西注  
主人女父也親迎之禮自夫家而行故壻稱主人至於婦  
家則女父又當爲主人故不嫌同辭也女父爲主人則壻  
當爲賓故曰賓東面答拜注賓壻也對女父之辭也至於  
賓出而婦從則變其文而直稱曰壻壻者對父之辭也曰  
主人曰賓曰壻一人而三異其稱  
女次純衣纁裙立于房  
可以見禮時爲大而義之由內也  
虞豐王虞金三昏

中南面

次首飾也今時髮也周禮追師掌爲副編次純衣

之言任也以纁緣其衣象陰氣上任也凡婦人不常施

衽之衣盛昏禮爲此服喪大記曰復衣不以衽明非常

正義曰徐本集釋則此衣亦玄矣無衣字通解有與疏合

○不言裳者以婦人之服不殊裳是以內司服皆不殊裳

彼注云婦人尙專一德無所兼連衣裳不異其色是也

注云周禮追師掌爲副編次者彼注云副之言覆所以覆

首爲之飾其遺象若今步搖矣編編列髮爲之其遺象若

今假紛矣次次第髮長短爲之所謂髮髻謂如少牢主婦

髮髻也又云外內命婦衣鞠衣褱衣者服編衣祿衣者服

次其副惟於三翟祭祀服之士服爵弁助祭之服以迎則

士之妻亦服祿衣助祭之服也玉藻有鞠衣褱衣祿衣注

諸侯之臣皆分爲三等其妻以次受此服公之臣孤爲上

卿大夫次之士次之侯伯子男之臣卿爲上大夫次之士

次之其三大夫以下內命婦則三夫人自闕翟而下九嬪

自鞠衣而下世婦自褱衣而下女御自祿衣而下嫁時以

服之諸侯之夫人無助天子祭亦得各申上服與祭服同

也云以纁緣其衣者褚氏寅亮云內司服注婦人連衣裳

不異其色豈於嫁時反異其色而衣緇裳纁邪吳草廬所

云裳下襪與集說同誤注以纁緣衣之解不可易云婦人不常施裙之衣盛昏禮為此服者此純衣卽祿衣是士妻助祭之服尋常不用纁爲裙今用之故云盛

**姆纁笄宵衣**

**在其右**

者姆婦人年五十無子出而不復嫁能以婦道教人

幅長六尺宵讀爲詩素衣朱綰之綰魯詩以綰爲綺屬也

姆亦玄衣

以綰爲領

因以爲名且相別耳姆在女右當詔

禮

**疏**

正義曰釋文綰本亦作支聶氏髮下有纁也二字

母或爲幼時撫育之人更有老而無夫老而無子無所歸

依而德行猶堪導人者可勝斯任注云姆婦人年五十

無子出不復嫁者夫無子被出非事所常有若專藉此爲

保母豈得盡人而有乎褚氏寅亮云此與下婦纁笄綰衣

以俟見及特牲主婦纁笄綰衣服竝同注謂姆以綰爲領

終未安綰衣本在六服下姆執禮事可以服之郝氏云纁

黑繪裏髮也笄加簪以綰髻也宵衣黑色衣女子宵衣猶

男子玄端宵小也列采爲夏全黑爲宵猶俗謂青衣爲小

衣也盛氏世佐云婦人祿衣因男子之玄端玄端一名祿

衣士喪禮陳襲事于房云爵弁服皮弁服祿衣是也男子

之服惟爵弁服用絲餘皆用布則婦人祿衣亦當用布宵  
衣次於祿衣其用布可知宵衣士妻之正服其上服祿衣  
純衣與祿衣制同而用絲乃嫁時盛服非常服也祿衣玄  
宵衣亦玄而謂之宵者以祿衣是后御於王之服三夫人  
以下御於王當衣宵衣詩云肅肅宵征以其宵時所衣故  
名宵衣歟其所以異於祿者少牢饋食禮主婦被錫衣侈  
袂說者謂侈袂大袖之衣然則宵衣之制其袖狹小爲異  
餘則同也考士服之玄端袂長二尺二寸袂尺二寸大夫  
以上侈之蓋半而益一其袂三尺三寸袂尺八寸宵衣與  
祿之異亦猶是矣云纓緇髮者此纓亦如士冠禮以緇爲  
之廣充幅長六尺以緇髮而紒之姆所以異於女者女有  
纓兼有次姆則有纓而無次也云宵讀爲詩素衣朱綃之  
綃者胡氏承琪云鄭於此易經文作綃而特性禮主婦纓  
笄宵衣注綃綺屬也此衣染之以黑其繪本名宵詩所謂  
素衣朱宵記有玄宵衣蓋以士昏禮說宵綃段借已明故  
於特性不妨依經作宵并引詩及記皆轉從禮經作宵以  
見宵借作綃爲經典通用之例特性

女從者畢衫玄纓笄

被纓黼在其次

女從者謂姪娣也詩云諸娣從之祁祁如雲衫同也同玄者上下皆玄纓禪也詩云

素衣朱襮爾雅云黼領謂之襮周禮曰白與黑謂之黼天子諸侯后夫人狄衣卿大夫之妻刺黼以爲領如今偃領矣士妻始嫁施禪黼於領上疏正義曰婦人之服未有以假盛飾耳言被明非常服疏黼爲衣者敖氏謂以黼爲禪衣而彼於玄衣之上亦猶婦之加景非也昏禮惟攝盛車服乃有異爾此固從者安得別製異服注黼領之說是也江氏筠曰注謂施黼於領上假大夫之盛飾據經上云女從者畢衫玄所謂衫者乃無上衣之謂玉藻衫絺綌不入公門是也如別有衣加之則不名爲衫矣然則經之言衫正以示別於加景而立文也案賈疏引郊特牲繡黼丹朱中衣謂天子諸侯中衣有黼領上衣則無之今此婦人事華飾故於上衣則有之中衣則無也此亦是言衫及言黼之義又案敖氏謂此女從者亦玄衣然據經上從者畢玄端之文知無不實著其名者今此乃異其文當是以被黼之故蓋古人謹於命名卽如一淡衣所純者殊則其名亦異今此以非常服故不別爲之名而但不使得蒙其上以示別也陳氏祥道曰衫設飾也說文褰褌也臬屬類與褰褌通衫玄設飾以玄也類黼以臬爲領而刺黼也盛氏世佐云女從者謂女之從者卽下經所謂婦人送者也詩云諸娣從之乃諸侯禮鄭引以證此誤類與褰通禪

也。黼謂領也。類黼者蓋爲無裏之領而刺黼於其上。也。詳被字則此領與凡領不同。凡領連於衣。此蓋別以絲爲之。而加於主人玄端。迎于門外面。再拜賓東面答拜。賓疏領上歟。正義曰。敖氏云。亦損者。出請入告。乃出迎之。此時賓爵弁服。而主人玄端。不嫌於服異者。主人不正與賓爲禮。特迎而道之入廟耳。按賓爵弁服。以攝盛。故也。主人不必攝盛。故祇服玄端。主人揖入賓。執鴈從。至于廟門。揖入三揖。至于階。三讓。主人升西面。賓升北面。奠鴈。再拜稽首。降出。婦從降。自西階。主人不降送。賓升奠。人不荅。明主爲授女耳。疏正義曰。奠鴈而拜。稽首。婿有子。主人不降送。禮不參。疏道也。案主人揖入之後。當有母曲揖之節。不言者。文略。主人不降送。父無送女之禮也。注云。禮不參者。據凡行禮者言也。此婿迎女。而女從之。是婿女二人爲禮矣。故主人不參之。沈氏形云。此時女立房中。南面俟婿。婿當楹北面。奠鴈拜。所謂執摯以相見也。婿婦之相見。同此始。婦不荅拜者。謙不敢當其盛禮也。蓋稍還避之。婦人從夫者也。無論夫下之。而不敢當。卽夫齊視之。

而亦不敢當故夫有親迎之禮而婦無見夫之儀夫執摯以拜而婦不荅拜也不還其摯者鴈取有常節隨陽義不可不受也婦雖不敢當夫之下之齊之而未嘗不隨者所以明婦順也主人面于阼階上女房外南面而賓北面真鴈是許之執摯相見矣許之執摯相見若父母親授之故曰壻親受之於父母也吳氏廷華云婦從者真鴈時已出堂矣變女言婦已受摯而從之也此有父母戒及送之節記言父面面戒之又言父送女命之此又言不降送者蓋戒在女出房時送則又申命之送當少違其位但不降耳母亦不降惟庶母降盛氏世佐云書云拜手稽首者始拜首至手而於其卒拜則首至地也稽首拜中最重臣拜君之拜乃於奠行之者昏義云蓋親受之於其父母也得其旨矣上言女對其父此言婦對其夫言也既從夫而出即謂之婦此禮經正名之義壻案經言主人不降送記言父送女命之蓋違其位少進耳又疏引何休壻御婦車授云周人逆於戶知當在房戶外當阿北面壻御婦車授綏姆辭不受壻御者親而下之綏所以引升車

**疏**

正義曰

釋楊敖俱無曲禮曰三字通解有據疏云曲禮文則注無可知○李氏如圭曰郊特牲曰壻親御授綏親之也親之



也者親之也沈氏彤曰此稱壻而不稱賓者女未授則賓之婦既從則壻之皆對主人而稱也此辨名定分之義敖氏曰曲禮云若僕者降等則受不然則否此壻為御故如僕人之禮然非降等故姆辭不受案婦不親辭者夫婦始接情有廉恥姆道其志也姆既辭則壻當舍綬姆執綬以授女矣

**御者代** 乘以几者尚安舒也景之制蓋如明衣加之以為行道禦塵令衣鮮明也景亦明也驅行也行車輪三周御者乃代疏正義曰景通典作憬非也古無憬字釋壻今文景作憬疏文作御集釋無車字注但云尚安舒而賈疏知謂登車時者記云從者二人坐持几相對坐即臨几卑故二人臨於地而對持之非登車而何馬前亦有燭褚氏寅亮云庶人妻用錦外加禪縠其名曰褻為文之太著也士妻縹衣縹裙不為文著故外加者為景轉取鮮明之義熊氏朋來欲改景為褻縹不必李氏如圭云碩人詩亦云衣錦褻衣庶人卑不嫌與國君夫人同士妻純衣加明衣非為其文太著為禦風塵耳云今文景作憬者胡氏承琪云上文被額繡注云額禪也士妻始嫁施禪繡於領上假盛飾耳此注云景之制蓋如明衣云案鄭於詩褻衣禮記尚綱及此經額繡皆訓禪蓋本玉藻禪為綱義惟

於此景訓明是意與裝綱類不同賈疏仍以禪穀釋景非鄭義彼裝為正字綱類為段借字此景為正字懔乃借字  
**壻乘其車先俟于門外**  
壻車在大門外乘之先者道之也男率女女從男夫婦剛柔之義自此始也俟待也門  
**疏**正義曰敖氏云待者既待止車以俟外壻家大門外  
**疏**壻乘其車先然後從之注云壻家大門外者案賈疏云命士以上父子異宮故解為壻家大門外若不命之士父子同宮吳氏廷華云喪服內則雖俱有異宮說然未聞父子各門之說以理論之父母見在壻豈得自立為家又此時門內及席皆有燭

## 右親迎

婦至主人揖婦以入及寢門揖入升自西階媵布席于奧

夫入于室卽席婦尊西南面媵御沃盥交

升自西階道婦入也媵送也謂

女從者也御當為訝訝迎也謂壻從者也媵沃壻盥於南洗御沃婦盥於北洗夫婦始接情有廉恥媵御交道其志

**疏**正義曰釋文媵席中無布字○自此至卒會明夫導婦入門升階及對席媵御沃盥卽席之儀李氏如圭云詩

云好人提提宛然左辟好人爲容好者左辟辟而左不敢  
當尊蓋壻揖婦入之時也壻爲主先卽席婦席未設也吳  
氏廷華云曰入闕而升自西階雖是導婦亦父在不由阼  
階之義第言夫卽席者婦俟饌具饌具乃卽席也案升自  
西階謂夫婦竝升西階也竝升之法夫升三等婦少右從  
之中等竝行夫在左旣立夫婦竝立於西階上俟布席乃  
入也下經云燭出則夫婦未入之前燭必先入矣不言者  
文略耳注云媵沃壻盟於南洗御沃媵盟於北洗者此  
當如先儒媵沃御盟御沃媵盟爲是蓋媵御佐禮當盟以  
致潔也鄭道志說殊謬且婦人不下堂今媵亦婦人乃下  
堂而沃壻盟於南洗乎褚氏寅亮云於卽席尊西之後而  
言媵御沃盟交則敖云於北洗者得之但交沃者媵御也  
盟者夫婦也如敖云媵沃御盟御沃媵盟之說是媵御盟  
而反遺夫婦矣則非也席東向西向以南方爲上正法也  
敖乃變爲北上蓋因執豆席相變故遷就以文其詞耳江  
氏筠云盟有不必就洗者特牲禮盤匱之設是也此經沃  
盟婦卽在尊西南面媵奉盤御執匱夫當於其拜受贊醕  
之處御奉盤媵執匱云御當爲訝者迎訝字周禮作訝他  
經皆作御鄭曲禮注亦云御當爲訝與此同壻案鄉  
飲酒禮云主人南面盥沃洗者西北面此當準之贊者

徹尊冪舉者盥出除冪舉鼎入陳于阼階南西面北上七

俎從設

執七者執俎者從鼎而入設之七所以別出牲體也俎所以載也

**疏**

正義曰鼎通解敖氏俱作

冪浦云鼎當作冪今作鼎後人更易也集釋校云牝各本作七下同張淳云釋文牝必履反土喪禮乃牝載又曰牝者特牲禮乃牝有司牝羊牝豕魚字皆从木少牢長牝古文作七鄭氏亦改為牝○土喪禮舉鼎右人以右手執七左人以左手執俎舉鼎人兼執七俎者喪禮略也公食執七俎之人入加七於鼎陳俎於鼎南其七與載皆舉鼎者爲之士虞右人載者喪祭少變故在西方長者左也今昏禮鬼神陰陽當與特牲禮同亦右人七左人載遂執俎而立以待設也盛氏世佐云贊者室老也下經云贊醴婦而舅姑既沒章云老醴婦于房中明是一人矣不云老而云贊者以事命之敖氏云盥北面盥於南洗也除冪者右人也既陳鼎則右人抽扃委於鼎北而西面於鼎東以俟

注云執七者執俎者從鼎而入設之者敖氏云執七俎者從鼎入而設於其鼎之西也既設俎則各加七於其鼎東枋遂退此三七三俎從設則有司三人各兼執一七一俎歟沈氏彤云上經所陳器饌醢醬二豆菹醢二豆黍稷

四敦及四齋合盥皆爲夫婦各用其半故兼陳之則此設  
七俎亦當有六七六俎矣郊特牲昏義竝云共牢者特謂  
不異牲若豚魚膾夫婦各食其半耳非謂止三俎而其之  
也又下經婦用特豚饋舅姑注云右胖載之舅俎左胖載  
之姑俎時舅姑共席猶各有俎豈夫婦異席而顧其俎乎  
且婦前無俎亦非敵偶之義吳氏廷華云上尊有冪徹之  
待酌也設七俎待載也亦徹豆巾儀禮大槪右人於鼎東  
西七左人於鼎西俎南南北面載士虞禮鼎在西階下故七  
者東面而載者則仍北面也賈疏以特牲右人鼎北南面  
左人鼎西俎南南北面何也據特牲加七注云左人北面疏  
亦以爲鼎西北面猶與此疏合也但彼注又云加七東柄  
疏亦云然夫東柄者以七者在鼎東西故東其柄以便其  
七耳若右人鼎北南面則當南柄不當東柄也埤案賈疏  
云右人於鼎北南面匕左人於鼎西俎南面載考特牲注  
則右人既鑄面面俟左人北面**北面載執而俟**執俎而立  
當是右人西面匕非南面也**北面載執而俟**俟豆先設  
**疏**正義曰敖氏云北面載左人也右人則西面匕此載以  
俎盛物之稱士禮禮載豚云載兩髀于兩端兩肩亞兩  
胎亞脊肺在於中皆進抵載魚左首進鬻三列膾進抵此  
魚十有四則二列也載膾如豚惟無肺耳俟俟時而升楮

氏寅亮云少牢禮云匕皆加于鼎東枋東枋者鼎西面匕者往東便也此鼎亦西面而則敖氏謂西面匕勝疏南面匕說匕者逆退復位于門東北面上

上便執匕者事畢逆退由也疏正義曰李氏如圭云逆退後入者先退也敖氏云匕

匕上鼎者在後也言復位見其初位在此門東北面上逆退者由便

私臣之位也特牲記曰私臣門東北面上逆退者由便也亦便其復位也案左人執俎而俟則退者為右人明矣

此亦舉鼎者謂之匕者以事命之且以別於載者也注以是為執匕者恐非又案逆退者西面匕畢乃贊者設醬于

轉南面而退也載者尚立俟故匕者先退

席前菹醢在其北俎入設于豆東魚次膾特于俎北

之疏正義曰醬與俎俱在豆知不在醬東者下文醬東有東黍稷故知在菹醢東也敖氏云菹醢在醬北南上也

別見魚膾則此俎云者指豚俎也當豚俎北端而云特者明不與豚俎為列亦橫設之几俎數奇故於其下者特設

之張氏爾岐云魚次者又在俎東也膾特設俎北若復東則饌不得方故也盛氏世佐云此設俎豆之次皆以南為

上者夫席東向便其右也設俎者即載牲體之左人也魚  
次次豚而東也俎北豚俎北也脂云特則豚魚之竝可見  
矣  
**贊設黍于醬東稷在其東設湑于醬南**  
方也  
**〔疏〕**正義曰

黍在豚南稷在魚南湑不言其器在豆可知少牢禮曰進  
二豆湑張氏爾岐云二豆竝列醬北二敦直列醬東此為  
夫設下對設二豆二敦則為婦三俎共之  
注云饌要方  
也者沈氏彤云特牲注云脂特饌要方也彼疏云豆在神  
坐前豕設於豆東魚次豕東若脂復在東則饌不得方故  
特也上經脂特于俎北義同此經設湑于醬南者以醬東  
黍黍東稷若稷東復湑則饌仍不得方故亦特設之於醬  
南兩注皆明特設之義蓋必有特設者而後饌乃得方也

**設對醬于東**

對醬婦醬也  
**〔疏〕**正義曰敖氏云下文云設黍

於特俎為東北也盛氏世佐云此為婦設也夫面婦東故  
云對凡饌皆對獨於醬言之者以其首設也設之於夫饌  
之東少北惟云東者舉其大判言之耳不言婦前者婦席  
未設也案以下言婦饌不言俎者同牢者亦同俎曰對者  
以壻饌為主也特俎即上所謂脂特于俎北者也沈氏形  
曰下經設黍于脂北之脂謂婦之脂即婦之特俎也敖誤

以夫婦共三俎乃誤以此脂爲卽上所特設者遂謂醬於特俎爲東北二豆當特俎之東無之而不誤矣且如其言則下經對席北去墻席各半夫婦菹醢在其南北上設黍徑不相直也何以稱敵偶之義邪

于脂北其西稷設潛于醬北御布對席贊啟會卻于敦南

對敦于北

啟發也今文啟作開古文卻爲給

疏正義曰注本啟發也有會合也謂敦蓋也七字○盛

氏世佐云醬二豆二對潛夫婦各者也三俎共者也夫婦在室之西南隅婦席在其東少北室中迫而饌又在其面偏則二饌蓋相連矣連故得共俎且成其方也又夫婦各有三俎尤經所未之見者經云設對醬于東注謂當特俎敖氏以下文設黍于脂北參之當在特俎之東北且經云設黍于脂北者脂卽上文脂特于俎北之脂非有二也乃謂婦饌別有三豚魚一脂而案其設黍之處又不在脂而在豚北直與經文相背矣褚氏寅亮云夫席之黍在醬東稷在黍東對席之黍宜設在醬西魚北其稷宜在黍西豚北無如設稷之地已有脂在故必設黍於稷北而稷乃設于黍西此經所以特著設黍于脂北之文也鄭注所以云對醬當特俎也敖氏以對席當設之稍北因有對醬于脂



俎爲東北及北卽醬面之說不知昏禮對席與簪者對席  
自別安可以彼例此設席一誤饌位無不誤矣李氏如圭  
謂對席亦有俎則是六俎而非三俎且失同牢之義亦非  
張氏惠言云據禮圖豆徑尺二寸登與豆同敦徑六寸八  
分俎廣尺二寸長二尺四寸橫設之一俎適當二豆之徑  
兩席共俎菹醢當席中必相對與豚魚之俎直膾特于其  
北則醬酒當之故鄭云對醬當特俎經文云設黍于酒北  
蓋當膾稍北略言之又疑北爲東字之誤疏云設婦酒於  
醬北當特俎東饌內是明以黍在膾東若經爲膾北不應  
無說也又肝俎經不言所在依祭禮當在內面塾章氏協  
夢云對席必稍北者壻席南上婦席雖與壻席相向而不  
敢竝示有尊卑之義也張氏爾岐曰會敦之蓋卻仰也開  
敦蓋各仰置敦右案敦南壻敦對敦婦敦又酒本佐食之  
具飫射等飲而不飯故無酒賈疏說非也少牢文不備是  
矣至有司徹雖有匕酒肉酒但祭祀之酒在登不祭不齊  
彼酒在俎齊而嘗之蓋賓尸在味與正祭在登者不可同  
日語也注今文啟作開者胡氏承珙云古人於啟閉字  
多作啟少作開故古文作啟者今文則作開左傳哀三年  
經城啟陽公羊作開陽此左氏古文公羊今文之別古文  
卻爲綌者卻正字綌俗字說文卻節欲也玉篇卻節卻也

玉篇爲是下所以節進退趙策云進退之謂節蓋進則以節召之退則以節卻之故云節卻說文欲字傳寫誤耳疏云卻仰也謂仰於地也案贊啟會卻于敦贊告具揖婦卽南者謂啟其蓋退於敦南卽卻爲却之義

**對筵皆坐皆祭祭薦黍稷肺**

贊者西面告饌具也壻揖婦使卽席薦菹醢

**疏**

正義

日張氏爾岐云其祭之序由近及遠肺指祭肺非舉肺也盛氏世佐云告具告於主人也揖婦不言主人可知也敖氏以爲贊者揖非也至是云皆坐則婦者夫之卽席猶立也注云贊者西面告者主人東面故西面告也云薦菹醢者敖氏云祭薦黍肺釋上所謂祭

**以湑醬皆祭舉食舉也**

爾移也移置席上便其食也皆食食黍也以用也用者謂用口啜湑

用指而醬古文黍作稷

**疏**

正義曰徐本集釋俱無用口用指四字與疏合盧云公食大夫疏引此注亦無此四

字○敖氏曰惟爾黍者夫婦各有二敦故但取其尊者而食之凡爾敦者皆右之於席上經特於少牢禮見之授肺脊兼舉而授之也皆受以右手惟飯時則右執之也贊授夫于饌南西面婦則于饌北東面皆訝受之皆食謂一飯

也以湑醬皆謂師之未食舉故用此安食耳舉謂肺脊以其先食舉之因名之曰舉祭謂振祭嘔之一飯乃祭舉異於饋食禮也食舉謂啗之再飯三飯則皆食舉不復以湑醬矣注云移置席上便其食也者吳氏廷華云俎不可移置席上故授肺脊而已爾黍注謂便其食則席上之右也飯食無不祭而先飯之理此經雖先言皆食後言祭舉食舉然玩也字義蓋謂其食黍者皆祭舉食舉而後食黍是錯綜之文非先後之序也賈疏謂三飯不須道食疎矣至特性少牢皆祭禮此合禘禮儀節自是不同不應據一節之異遂斷為尊卑之大別也云古文黍作稷者胡氏承琪云少牢禮上佐食爾上敦黍于筵上右之注爾近也或曰移也右之便尸食也疏云案特性云黍稷此及虞皆不云黍稷者此後黍稷連言明并黍稷食之不虛陳而不食不言爾之者文不具其實亦爾之也案此經云爾黍注皆食食黍也是鄭意此敦惟爾黍而不及稷下文三飯卒食注同牢示親不主為食起三飯而成禮也可知不必徧食黍稷矣且黍重於稷下文婦饋舅姑有黍無稷故此爾敦不及稷古文作稷鄭所不用

**三飯卒食**已卒

也同牢示親不主為疏正義曰同牢示親不主為食起者食起三飯而成禮也

少牢十一飯特性九飯而禮成此

獨三贊洗爵酌醕主人主人拜受贊戶內北面答拜醕婦

飯也亦如之皆祭

醕漱也醕之言演也安也漱所以

疏正義曰

釋潔俱作絜案凡絜字嚴徐鍾本竝作絜是正字○賈疏云絜拜當東面婦拜當南面少牢驂答拜注云在東面席

者東面拜在面席者南面拜故知婦南面拜若贊答婦拜亦於戶內北面也敖氏云洗爵洗於庭也醕之言繼也

其字从酉蓋既食之而復繼之以酒取其酒食相續之義也此拜受者皆在席戶內之西也祭謂祭酒凡醕皆坐受

爵案注漱以絜口蓋

贊以肝從皆振祭嘑肝皆實于菹豆

頤養之道應爾也

肝肝炙也飲酒疏正義曰張淳曰齊方計反齊嘑古通用

宜有肴以安之疏此从口者後人加之耳案今本釋文仍

作嘑○敖氏云以肝從謂以肝從於酒而進之二肝蓋共

俎而進本贊則縮執之振祭者執而振動之以爲祭也此

亦以肝擣於鹽乃振祭肝從之法少牢禮備之矣吳氏廷

義云擣鹽過多振而去之祭而嘑之後或言加或言實其

義一耳賈疏因士虞禮言加此言實遂以祭禮言加此不

言加爲異不知特性亦祭禮其舉獸幹及魚也則曰實魚

義禮正義

卷二

三

豆於俎卒爵皆拜贊荅拜受爵再醕如初無從三醕用香亦

如之亦無疏正義曰卒爵而拜拜其飯已之賜也爵出奠

荅一拜也亦於戶內北面贊荅拜不言婦又拜是不挾拜

矣不挾拜者以其禮輕故也褚氏寅亮云儀則同初醕無

從則同再醕每醕洗爵於庭皆有兩贊洗爵酌于戶外尊

番降案禮成乃用香重之不輕用也

入戶西北面奠爵拜皆荅拜坐祭卒爵拜皆荅拜興贊酌

酢疏正義曰戴氏震云據前尊于北墻下是為內尊尊于

也疏房戶之東是為外尊注止稱內尊外尊此處疏云乃

酌外尊亦無戶今則正○敖氏云三醕乃自酢變於常禮

也自酢之禮代人酢己耳洗爵者象其為己洗也奠爵拜

者象受也夫婦皆荅拜則象同酢之也興謂夫婦也案皆

者皆夫婦也始荅拜象拜送也大荅拜象荅卒爵拜也坐

贊者坐也祭祭酒也言坐祭則必興而後坐也不言興文

省興者夫婦及贊者皆興也洗亦在房入室戶西北面拜

兼拜兩

主人出婦復位

復尊西南

疏正義曰敖氏云主人

席也

婦但當說服於室故不出  
惟復其尊而南面之位  
乃徹于房中如設于室尊否

中之饌設於房中為媵御  
餽之徹尊不設有外尊也  
疏正義曰乃徹釋文作延○敖

室者謂其饌與席之位也亦  
皆東西相鄉案媵西御東  
主人說服于房媵受婦說服

于室御受姆授巾  
巾所以自絜清  
疏正義曰御授石經徐

作受作稅上徐本集釋俱有皆字○郝氏曰夫婦皆說禮  
服也巾帨也姆授授婦也案下記云母施衿結帨帨即巾

也至是與服俱說故姆還以授之使不忘父母之戒云爾  
吳氏廷華云說服當於隱處其房室之西南隅歟注云

今文說作稅者賈疏云疊今文為稅不從  
者稅是追服之言非脫去之義故不從也御衽于奧媵衽

良席在東皆有枕北止  
衽臥席也婦人稱夫曰良孟子曰  
將罔良人之所之止足也古文止

作疏正義曰罔徐本集釋敖氏俱作見與疏合釋文作罔  
趾云今本亦作見臧氏琳云賈本作將見故後人校釋

文云今本亦作見乃注疏本反作罔此文後人依釋文改  
也祭義見以蕭光見罔以俠鯁見及見閒皆為罔之誤此

儀禮注當從釋文作剛賈疏作見非也。○郝氏曰良良人至是始成夫婦焉稱良戚之也北止趾向北首向陽也張氏爾岐云設衽曰衽猶置尊曰尊布筵曰筵也上文媵受主人服御受婦服此御衽婦席媵衽夫席皆與媵御沃盥義同注云古文止作趾者胡氏承珙云說文止下基也象艸木出有趾故以止爲足段氏玉裁云此引申段借之法凡以韋爲皮韋以朋爲朋黨以來爲行來之來以面爲東西之面以子爲人之稱皆是也以止爲人足之稱正同許書無趾字止卽趾字許同鄭從今文故主人入親說婦不錄趾字如從今文名不錄古文銘也

**之纓**入者從房還入室也婦人十五許嫁笄而禮之**疏**正義正

因著纓明有繫也蓋以五采爲之其制未聞

日賈疏云纓有二曲禮云女子許嫁纓示有從人之端也卽此說纓之纓內則云男女未冠笄者總角笄纓此幼時纓也皆與男子冠纓異故注云其制未聞案主

人親說之者明此纓爲己而繫也亦示親之

**燭出**昏禮畢將

息**疏**正義曰出媵餽主人之餘御餽婦餘贊酌外尊醕之

外尊房戶**疏**正義曰經不言媵御餽位據上經云徹于房

外之東尊**疏**中如設于室則壻之餘仍在東婦之餘仍在

面媵位如婿御位如婦惟尊在房戶之外為異耳敖氏云  
不洗而酌略賤也此醕之儀惟拜受拜送而已不拜既爵  
媵侍于戶外呼則聞為尊者有所徵**疏**正義曰媵初至有  
御亦在舅經文省耳注云今文侍作待者胡氏承琪  
云侍待古同聲故二字互用禮記祿記注待或為侍

### 右婦至成禮

夙興婦沐浴纚笄宵衣以俟見

夙早也昏明日之晨興起也俟待也待見於舅姑寢

門之外古者命士以上

**疏**正義曰集釋本以作巳○敖氏云  
上年十五父子異宮

端也蓋事舅姑之常服也盛氏世佐云纚笄宵衣士妻之  
正服次純衣纁裙為始嫁而加盛飾焉耳事已則服其常

也郝氏云降如姆卸靡麗示執役也注云古者命士以  
上年十五父子異宮者案內則云由命士以上父子異宮

不云年限鄭知十五為限者以其十五成童是以鄭注喪  
禮亦云子幼謂年十五以下則不隨母嫁故知十五以後

乃異質明贊見婦于舅姑席于阼舅即席席于房外南面



姑卽席

質平也房外房戶外疏正義曰賈疏云鄭知房外

在阼阼當房戶之東若舅在房戶之東卽當舅之北南面

向之不便又下記云父醴女而俟迎者母南面于戶外女

出于母左以母在房戶西故得女出于母左是以知房外

亦房戶外之西也敖氏云見者通言於舅姑使得見也郝

氏云舅席在阼示爲主也姑席在東房戶外南面爲內婦

主也注云古文舅皆作咎者案舅是正字咎是借字

執筭棗栗自門入升自西階進拜奠于席

其筭竹器而衣者其形蓋如今之

筭筭簠矣進拜者進東面乃

疏正義曰筭簠徐本釋文集

拜奠之者舅尊不敢授也

釋敖氏俱作葦蘆嚴鍾通

解作簠簠案說文曰盧飯器或从竹去聲○敖氏曰筭棗

栗同一器也門舅姑寢門也始執筭用二手拜時則惟右

手執之凡婦人之拜以左掌據地故右手執物而可以拜

也內則曰凡女拜尚右手沈氏彤云詩傳曰方曰筐圓曰

筭說文筭筭也筭飯器又云筭盧飯器以桺爲之蓋飯器

而竹與桺爲之者宜於圓是以筭盧亦圓也鄭始兼二者

以況筭之圓歟禮器釋文云筭以葦若竹爲之衣以青繪

聶圖云筭如筭狀其口微弇而稍淺容一斗敖氏謂聘禮

卷幣實於筭謂筭之制隋方如篋非也實幣之筭蓋隋園  
郝氏云筭竹盤盛棗栗爲摯也升自西階不敢由阼也手  
奉摯進至舅席前東面立拜古婦人拜不著地故執摯拜  
而後奠於席賈疏云裸記云婦見舅姑兄弟姊妹皆立於  
堂下面首是見己注云婦來爲供養也其見主於尊者兄  
弟以下在位是爲己見不復特見又云見諸父各就其寢  
注旁尊也亦爲見時不來今此不言者文略耳注云筭  
竹器而衣者下記云筭緇被纁裏加于橋注被表也婦見  
舅姑以飾爲敬是有衣也云進東面乃拜者自西階上東  
面至阼席前而拜也云舅尊不敢授也者下舅直撫之而  
已姑則親舉之親舉者若親授舅坐撫之興答拜婦還又  
之然故於舅得云尊不敢授也舅坐撫之興答拜婦還又  
拜婦人與丈夫爲禮則俠拜疏棗栗筭也撫之者示受也  
江氏筠云婦人立拜故姑舉殿脩必興而後拜男子跪拜  
乃舅坐撫棗栗經亦云興答拜者日記云舅答拜宰徹筭  
可以明其故矣蓋筭須拜後乃徹則答拜時筭固在席也  
婦之奠筭於席必正當舅前舅之坐撫亦必與筭對則筭  
未徹之時其坐處之不可以拜明矣以筭之有妨於拜而  
稍違其坐處以答之此舅之所以興也又戴氏震云婦立

拜而舅乃手拜答之疑未必示與答拜者所以示舅之亦肅拜耳案還旋通婦還者盤旋以辟不敢當舅拜也注云先拜處者謂前東面拜處也云婦人與丈夫為禮則俠拜謂若士冠禮冠者見母母拜受子拜送母又拜母于子尚俠拜不徒此婦於舅姑而已禮經釋例曰婦奠摯舅撫之猶觀禮侯氏四享王撫玉也敖氏云撫之示受之其說也是降階受笄股脩升進北面拜奠于席姑坐舉以興拜授

人授有司姑執笄以起答婦拜疏正義曰股石經作股釋文作段段氏玉裁云本

又作股瞿氏中溶云石本原作段朱梁重刻譌作股陸氏

作段正與石本原刻同○褚氏寅亮云婦已見舅不必復

出矣故侍御者先執股脩以俟於下婦旋降階受之以見

姑竝非以門內門外別輕重之差案公羊傳莊二十四年

大夫宗婦覲用幣何注云禮婦人見舅以棗栗為敬見姑

以股脩為敬見夫人至尊兼而用之蓋據此經見舅執棗

栗見姑執股脩之文也集說謂於舅竝用棗栗見姑惟用

股脩則是以見夫人之禮見舅也而可乎盛氏世佐曰階

面階也受蓋受于婦氏人股脩肅也姑不撫之而舉以興婦於姑之拜也不還不又拜皆下於舅吳氏廷華云北面

向姑也人女從授女從令宰徹之曰舉以興則視撫有加  
禮矣注云舅則宰徹之者下記云舅答拜宰徹也禮經  
釋例曰姑舉摯授人猶聘禮公側授宰玉享公側授宰幣  
也皆略如臣見君之禮也不降階拜者婦人禮異於男子  
且辟君也

### 右婦見舅姑

**贊醴婦**

醴當爲禮贊禮婦者以疏正義曰敖氏云贊謂舅

者答其行禮於己也舅不自醴之者於其始至立示以尊  
卑之禮也是時舅姑皆立於席吳氏延荃云猶宰夫爲主  
人之義江氏筠云自來說贊皆用男子蔡敬齋本義則云  
以婦女之曉禮儀者爲之醴婦駁舊說云男女不親授受  
豈有使男子引新婦見舅姑且酌而醴之之禮然案禮惟  
婦人於丈夫乃有俠拜若同爲婦人雖婦之於姑亦不俠  
拜此何以受醴啐醴兩見婦又拜文蔡因爲之說曰贊代  
舅姑拜送故婦又拜蓋婦與舅行禮當俠拜故也然果如  
所說則下文婦餞而姑酌之醴雖止爲姑禮實亦兼達舅  
意又何以不俠拜筠謂贊雖代舅而旣爲婦人則畢竟婦

人之相與拜也婦與婦行禮而為俠拜禮未之有欲明男女之別而創禮所未有之拜未見其說之允也且經惟男子有奠爵之拜若婦人之拜皆執爵者此經於贊自酢云贊洗爵酌于戶外尊入戶西北面奠拜果婦人而然乎

席于戶牖閒

室戶西牖東南面位

**疏**

正義曰賈疏云禮子禮婦禮賓客皆於此尊之至也

側尊

無醴于房中婦疑立于席西

疑正立自定之貌

**疏**

正義曰疑疑通鄭讀為伋然從

于趙盾之伋疑立者不偏倚不搖動之意玉藻云立容德是也立於此者俟贊者酌醴而出也立時少久故特著其容孔氏廣森曰當讀如士相見篇不疑君之疑疑立者斜向舅姑立也於君以不敢斜向為敬獻酢則又必向所與行禮者為敬若鄉飲酒賓西階上疑立是向主人立也主人阼階東疑立是向賓立也周禮曰不正其主面亦不背客此疑立之道乎大抵足有定位而面無定囑隨其所敬轉向之是之謂疑立今人行禮時亦惟習於此節斯敬賓之意

達矣贊者酌醴加枌面枋出房席前北面婦東面拜受贊

面階上北面拜送婦又拜薦脯醢

婦東面拜贊北面答之變於丈夫始冠成人之

禮

**疏**

正義曰婦於贊乃俠拜者重其為舅姑醴已也婦又拜蓋執觶拜也其下二拜亦然注云變於丈夫始

冠成人之禮者賈疏云冠禮禮子與此禮婦俱在賓位彼禮子南面受醴此則東面不同彼南面者以向賓拜此東

面者以舅姑在東婦升席左執觶右祭脯醢以醢祭醴三亦東面拜之也

降席東面坐啐醴建柶興拜贊荅拜婦又拜奠于薦東北

面坐取脯降出授人于門外奠于薦東升席奠之取脯降出授人親徹且榮得禮人謂

婦氏疏正義曰張氏惠言曰婦升席皆當由序西席則當人如冠禮東上褚氏寅亮云上經注云婦人與丈夫

為禮則俠拜此婦拜之通例也敖氏何獨於此經云重其為舅姑醴已然則他禮不俠拜邪其有不俠拜者惟荅拜

為然少牢獻侑不俠拜者辟獻尸禮張氏爾岐云祭禮南面啐醴東面奠觶又南面取脯則北面韋氏協夢云醴子

奠觶拜賓荅拜冠者不又拜此婦又拜者贊者為舅姑醴婦婦拜贊者猶拜舅姑也故贊既荅拜婦又拜敬之至也

降降西階也出出寢門也凡受醴者必取脯以降榮見禮也案升席下當有坐字授婦氏人則歸示其父母矣

禮記集說卷三十三 昏三

右贊者醴婦

舅姑入于室婦盥饋

饋者婦道既成以孝養

**[疏]**

正義曰盛氏世佐云盥以致其潔饋以致

其養於既授脯即反而行是禮昏義曰明婦順是也案舅姑既醴婦婦即饋舅姑所以答舅姑之禮又以執爲婦之道

也特豚合升側載無魚膾無稷竝南上其他如取女禮側

者右胖載之舅俎左胖載之姑俎異尊卑竝南上者舅姑共席於奧其饌各以南爲上其他謂醬醢醢醢醢女謂婦也

如取婦禮同牢時

**[疏]**

正義曰竝上徐本集釋通解俱有今文竝當作併

行○盛氏世佐云側獨也合升側載者合左右胖升於鼎而載之俎則獨用右胖也特性少牢及鄉飲酒禮皆用右

胖此亦宜然然則舅姑亦其俎矣不合載者此婦供養之道非盛禮也注疏說恐非褚氏寅亮云升鼎則合載則左

右兩胖各載一俎異於同牢之合載也非無魚膾之謂士虞禮烹一胖故曰側烹此各載一胖故曰側載若因無魚

膾而言側則彼固有魚膾爨矣脊亦分爲二載諸兩俎士室約淡一丈八尺向東既接設兩席北墻下旁能更橫容

婦席邪當依注其席之說室以奧爲尊故舅居奧而姑居  
舅北敖氏謂舅北姑南非也賈疏云自側載以下南上以  
上與取女異彼有魚膳并稷此無魚膳無稷彼男東面女  
西面別席其醬菹醢夫則南上婦則北上今此舅姑共席  
東面俎及豆等皆南上是其義也雖不言酒既有饋明酒  
在其中程氏瑤田云凡禮設飯陳簋必黍稷竝進以稷五  
穀長設之爲敬也昏禮同牢皆食亦黍稷竝設今婦饋舅  
姑特見無稷明但設黍也黍美稷疏婦道成以孝養飯必  
精美不進疏食也注云竝當作併者胡氏承琪云當字  
疑衍竝併義略同鄭於竝雖皆訓併然多疊併字不用此  
注云竝南上者舅姑共席於奧其饌以南爲上是仍依古  
文作竝不應云竝當作併也段氏玉裁云說文竝併也併  
竝也互相訓竝讀如旁併讀如并竝併義有別許互訓者  
禮經注云古文竝今文作併是古二字同也承琪案鄭注  
此經竝皆訓併是二字義同正與許合然鄭意經字婦贊  
則一概從竝故有司徹注又疊古文作併者不用也婦贊

成祭卒食一醕無從

贊成祭者授處疏正義曰不言舅姑

無贊故婦贊之祭祭薦及黍也成者謂既授之又處置之  
使知當在豆間贊祭則其餘皆贊矣卒食亦三飯矣從者



從肝席也敖氏云婦洗於北堂酌於室中北墻席于北墻

下之尊西面酌戶西北面拜舅姑荅拜於其席

下墻也室疏正義曰徐本集釋通解俱有首三字今本

中北墻下疏脫○賈疏云此席將為婦餽之位褚氏寅

亮云席南向北向以西方為上有東上婦徹設席前如初

者統於主席也敖氏謂此席東上誤

西上婦餽舅辭易醬婦餽者即席將餽也疏正義曰釋文

○盛氏世佐云辭辭其餽也婦將餽姑之餽姑不辭而舅

辭者統於尊也易醬示從舅命也沈氏彤曰敖氏謂易醬

御為之非也此蒙上舅辭之文蓋舅親易之下經婦餽姑

之餽則姑酌之此舅辭婦之餽則為之易醬猶酌之義

禮必有報且姑之醬非舅不得輒易也自婦見婦餽姑之

舅姑至舅姑饗婦婿皆不與亦禮不參之義

饌御贊祭豆黍肺舉肺脊乃食卒姑酌之婦拜受姑拜送

坐祭卒爵姑受奠之奠之奠於篚疏正義曰徐本集釋通解敖

婦佐餽既食恆餽則舅食婦餽其常也此辭者未授使代

尚行賓禮也然婦則自率其常禮而已醬為饌本既經指

而不易則於尊者為褻故易之猶燕禮不敢褻君爵之義也舅尊而姑親則易矣故特言餽姑之饌以明之下祭及會則又合兩饌而言也賈疏謂不餽舅餘先儒又謂易醬為易姑之醬而餽其饌竝與內則之義不符盛氏世佐云餽餘亦祭敬尊者之餘也豆菹醢也上肺祭肺也祭者五詳著之見其無不祭也且與上婦贊成祭之文互備敖氏云婦拜於席南面姑亦拜於西墉下東面之位也卒爵而姑受亦不拜既爵矣餽禮輕篚在房戶之東南案脯醢皆祭言豆以概籩也

婦徹于房中媵御餽姑醕之雖無娣媵先

于是與始飯之鎔

古者嫁女必姪娣從謂之媵姪兄弟之娣女弟也娣尊姪卑若或無娣猶先

媵客之也始飯謂舅姑鎔者媵餽

**疏**正義曰徐本楊氏俱作容案作容與單疏

舅餘御餽姑餘也古文始為姑

**疏**正義曰徐本楊氏俱作容案作容與單疏

本文合○案此當媵御徹之曰婦者蓋姑親醕婦亦親徹

也其設之當略如同牢禮御亦得醕未必甚賤此醕亦酌

外尊盛氏世佐云婦人送者皆曰媵娣則妻之女弟從嫁

者也送者非一人其中容有娣姪從嫁者以士得有一妻

一妾故也士妻從嫁者或娣或姪科取其一經惟言娣者

舉尊以見卑耳無娣謂無從嫁者也北面之勢不足盡人

骨肉之親雖不以娣姪從可也先謂先於御蓋御主也娣姪客也褚氏寅亮云先是婦止餞姑餘不得言錯至是則媵餞舅餘御餞姑餘有交錯之義矣而必言始飯者見止餞餘而不食舉也何也姑所舉者婦已餞訖惟餘舅所舉者而已若媵食舅所舉而御無舉可食一食舉一不食舉非交錯之義故媵亦不餞舉經特著始飯二字以明交錯而餞止敦黍也古文作姑者胡氏承琪曰姑飯者媵御共餞姑之飯黍而不餞舅飯亦不敢褻之意

### 右婦饋舅姑

舅姑共饗婦以一獻之禮舅洗于南洗姑洗于北洗奠酬以酒食勞人曰饗南洗在庭北洗在北堂設兩洗者獻酬酢以潔清為敬奠酬者明正禮成不復舉凡酬酒皆奠於薦左不舉其燕疏正義曰更陳本誤作受○賈疏云共饗則更使人舉爵疏婦以一獻之禮者案下記云饗婦姑薦焉注云舅姑共饗婦舅獻爵姑薦脯醢但薦脯醢無盥洗之事今設北洗為婦人不下堂也云姑洗于北洗洗者洗爵則是舅獻姑酬共成一獻仍無妨姑薦脯醢也褚氏寅亮云舅姑席位當如見時注中其燕以下補經未備容饗

後亦燕朱子曰以鄉飲酒約之席在室戶外西舅酌酒獻婦於席面受飲畢更爵酢舅姑乃酌自飲畢更酌以酬婦婦受釶奠於薦左不舉正禮畢敖氏云舅洗爵以獻也姑洗洗解以酬也婦酢舅亦洗於北洗皆不辭洗不拜洗其獻酢則各於其席前舅拜於阼階上北面婦拜於席面東面姑酌婦則於主人之席北而奠解於婦之薦面奠酬者婦取姑之酬酒而奠解於薦東也不燕者尊卑之分嚴也張氏惠言云饗婦禮略以意言之舅降取爵於篚婦遜於房舅升酌筵前北面婦筵西東面拜受舅阼階東面拜送卽席姑薦脯醢贊者設俎婦祭脯醢祭肺祭酒降席東面卒爵拜舅答拜婦又拜更爵洗酌阼階上酢舅舅祭卒爵拜受婦復位東面拜送婦薦脯醢亦宜有折俎舅祭卒爵拜婦答拜姑洗於北洗酌筵前北面酬婦拜卒爵婦北面於姑面答拜姑洗酌婦北面拜受姑北面拜送姑復位婦奠爵於薦左復位堦案義疏云舅獻姑薦疏云舅獻姑酬其成一獻下記亦云姑薦又云婦酢舅更爵自薦則一饗而獻酢酬之節皆備也據鄉飲酒禮獻賓席前北面酬則席前北面賓酢主人則席前東南面薦脯醢此經第一言一獻至所謂酬者考之於禮主人酬賓則奠於薦右鄉飲酒禮主人奠解于薦西是也賓及主人拜送後賓乃奠於薦左

彼經所謂賓北面奠解于薦東是也此經奠酬當亦合姑與婦言姑奠在右婦奠在左酢則當有舅席如婦見時所設婦東南面送爵於舅姑酬則無酢故略之吳氏廷華云一日之閒行見舅姑禮又行醴婦禮又行饋舅姑禮其禮亦甚繁乃又以饗禮責其行不但過勞恐日亦不足是當異日爲之不必強爲之說也舅姑先降自西階婦降自阼階授之室使爲疏正義曰賈疏云曲禮曰阼階是主人尊者升降之處今舅姑降自西階婦降自阼階是授婦以室之事也授之室昏義文也案舅姑同降自西階亦舅先降三等姑乃從之歸婦俎于婦氏人言俎中等舅姑既降婦乃降自阼階歸婦俎于婦氏人則饗禮有性矣婦氏人丈夫送婦者使有司歸疏正義曰通解以婦俎當以反命於女之父母明所得禮疏作明得其禮要義作明所得禮案賈疏云三牲是賓所當得則作所字爲是鄉射注云遷設薦俎就之明己所得禮也亦是此意○盛氏世佐云歸者舅姑是有司授之俎蓋特豚也歸俎饗賓之禮也饗婦亦歸其俎者亦所以厚禮之

右舅姑饗婦

舅饗送者以一獻之禮酬以束錦送者女家有司也辭至

以相厚古文  
**[疏]**正義曰盛氏世佐云冠禮酬賓用束帛僊

錦皆作帛  
**[疏]**皮此不用帛用錦送者賤宜下賓也  
注

云女家有司者尊無送卑之法士無臣故知有司送之也

云古文錦皆作帛者胡氏承琪云敖氏云聘禮使介行禮

用錦不用帛辟主君之幣也此無所辟不當用錦宜從古

案昏禮用束帛此酬用束錦或亦辟昏禮之正歟小行人

合六幣錦次帛繡  
**姑饗婦人送者酬以束錦**  
婦人送者隸

次錦則差次可知

凡饗  
**[疏]**正義曰凡饗

速之  
**[疏]**皆就館速之  
**若異邦則贈丈夫送者以束錦**  
贈送

賓  
**[疏]**正義曰士卑不嫌外娶先儒俱有明說敖氏以此例

館  
**[疏]**大夫泥矣贈錦又枉酬錦外丈夫送者贈以束錦則

婦人亦贈可知不言婦人者文略  
注云就賓館者贈賄

之等皆就館故知此亦就館也李氏如圭云聘賓至郊而

贈故知此亦

就其館也

### 右饗送者

若舅姑既沒則婦入三月乃奠菜

沒終也奠菜者以篚祭菜也蓋用堇

**[疏]**

正義

曰奠菜祭菜殺於正祭此所謂廟見也婦人必舅姑授之室使代已而後主祭祀舅姑在則降阼階時已受之舅姑與祭可矣若舅姑沒則無所受矣故於時祭之先行廟見之禮以明其職之所有所自受然後可以助祭也必三月者時祭無過三月故以久者言之若昏期近於時祭則不必三月矣下記言三月祭行亦以廟見之後乃可以主祭也江氏筠云賈疏引曾子問三月廟見云云謂卽彼祭於禩一也曾子問孔疏則謂廟見奠菜祭禩是一事萬氏充宗云然則舅姑在者高曾祖禩之廟可以不見乎觀曾子問又曰女未廟見而外不遷於祖不祔於皇姑所以不遷不祔者以未廟見也曰祖曰皇姑則知廟見及高曾祖矣今案曾子問所云廟見是專指舅姑在者其所云祭禩卽此經之奠菜指舅姑沒者非謂舅姑沒者止行祭禩而別無廟見又非卽祭禩爲廟見如注疏家之說也或曰經旣著奠菜之禮矣何以不并著廟見之文曰經本詳初昏及夙興事初不及三月而後其言奠菜者特以見舅姑禮及之非主爲廟見致詳也褚氏寅亮云舅沒姑存則當時見姑亦三月廟見舅若姑沒舅存則婦人無廟可見斯不行

奠菜之禮矣賈疏極分明庾氏蔚之謂舅姑偏有沒者見其存者不須見見亡者豈禰廟可以不見乎崔氏靈恩謂盥饋於存者廟見於亡者當舅見在姑未有專廟又何由而見乎皆屬一偏之見疏謂婦人無廟以舅尙存則權附於皇祖姑之廟耳既入皇祖姑之廟矣乃竟專見姑乎事有難處故姑沒舅存斷以不見爲正三月祭行達禮也三月祭菜變禮也不可混而爲一孔穎達謂奠菜之禮通婦乃得行之庶婦則否矣

席于廟與東面右

几席于北方南面

北方考妣之廟

疏

正義曰賈疏云周禮司几筵云每敦一几鄭注

云周禮雖合葬及時同在殯皆異几體實不同祭於廟同几精氣合又祭統云設同几同几卽同席此卽祭於廟中而別席者此旣廟見若生時見舅姑舅姑別席異面是以今亦別席異面象生不與常祭同也敖氏云右几見席南上也凡設几例在席之上端舅席東面而南上姑席南面而面上與生人室中之席東面者北上南面者東上鬼神則變之生時見舅姑舅不用几此有之者異其神也姑席無几主於尊者也張氏爾岐云席於奧者舅席也席於北方者姑

祝盥婦盥于門外婦執笄菜祝帥婦以入祝告稱



婦之姓曰某氏來婦敢奠嘉菜于皇舅某子

帥道也入入室也某氏者

齊女則曰姜氏魯女則曰姬氏

**疏**正義曰盛氏世佐云祝

來婦言來為婦嘉美也皇君也

**疏**不言其處如常祭可

知也婦盥于門外著其異也蓋祝先入筵几於室中降盥

於阼階東南之洗乃出廟門帥婦以入也賈疏謂祝盥亦

於門外非也某子之解散說得之蓋謂父為大夫子為士

者也廟見祭類故以生者為斷若其舅亦士也當稱其字

曰伯某甫矣胡氏匡衷云祝接神之官論語祝鮀治宗廟

樂記宗祝辨乎宗廟之禮士得三廟則有祝明矣或曰此

祝贊婦廟見當為女奴婦拜扱地坐奠菜于几東席上還

曉事者如周禮之女祝婦拜扱地坐奠菜于几東席上還

又拜如初扱地猶男子稽首

**疏**正義曰吳氏廷華云坐

疑東字為誤蓋當言北

○盛氏世佐云婦人拜法見於經

傳者五曰肅拜少儀云婦人吉事雖君賜肅拜是也曰手

拜少儀注曰凶事乃手拜孔疏云婦人除為喪主其餘輕

喪凶事乃有手拜是也曰稽顙喪服小記云婦人為夫為

長子稽顙是也曰頓首左傳晉穆嬴抱太子以適趙氏頓

首于宣子是也曰扱地此奠菜禮是也唯肅拜為正餘皆

非吉禮。扱地之拜，蓋介乎吉凶之間，以致其哀敬之意。歟！以男子九拜例之，肅拜、軍中之拜、手拜，蓋與空首相似。其法先以手至地，而頭來至手也。稽顙，卽凶拜，頓首是男子平敵相與之拜，而穆肅施於其臣。疏家以爲私求法，非禮之正。然肅適襲公之喪，則亦凶拜也。始如吉拜，而後稽顙，爲殷之凶拜。歟！扱地於九拜無所似。賈疏謂以手至地而首不至手，又與空首不同。注云：婦人扱地，猶男子稽首。稽首，拜頭至地，臣拜君之拜。舉以相況者，明其爲拜中之最重。非謂拜法似之也。然則扱地與肅拜異。稽顙又與扱地異。手拜與扱地皆以手至地，而首或至手，或不至手，亦異。熊氏謂初嫁及爲夫爲長子主喪，則以手扱地。蓋考之未精矣。又案肅拜之法，周禮注云：肅拜，但俯下手。今時擗也。疏引鄉飲酒注：推手曰揖，引手曰擗，爲證。少儀注云：肅拜，拜低頭也。若然，女子拜，蓋不折腰屈膝矣。郝氏謂男子坐拜，婦人立拜，故婦見舅姑，手棗栗，殿脩拜而後奠。若坐奠，必先奠後拜。此說得之。敖氏云：凡婦人之拜，以左掌據地。故右手執物，而可以拜。始末講平肅拜之法，歟！特性禮主婦致爵訖，酌酢左執爵拜，則以左掌據地之說不辨自破矣。蓋扱地之拜，爲不逮事舅姑者設。將以生其哀慕之心。勇故與凶事手拜相似也。案婦拜象拜送也。奠菜于几

東席上象受也還又拜象答拜也此禮與生時舅姑相似  
張氏爾岐云此在奧之席凌氏廷堪禮經釋例曰士昏禮  
疏云婦人肅拜為正今云扱地則婦人之重拜也猶男子  
之稽首亦拜中之重故以相況也考少儀曰婦人吉事雖  
有君賜肅拜為尸坐則不手拜肅拜為喪主則不手拜鄭  
注肅拜拜低頭也手拜拜至地也婦以肅拜為正凶事乃  
手拜耳是拜扱地即手拜之類惟手拜用於凶事扱地  
拜用於吉事為異蓋婦人之拜皆立扱地始坐拜也婦  
降堂取筭菜入祝曰某氏來婦敢告于皇姑某氏奠菜于

席如初禮

降堂階上也室事交平戶今降堂

疏

正義曰敖氏云入而

北面也祝亦在左告之如初禮而奠於席上之右還又拜  
也盛氏世佐云姑之生也婦不俟拜今乃如見舅之禮者

接神之道宜然也張氏爾岐云此北方之席

婦出祝闔牖戶

凡席門無事則閉之疏曰正義

云席門無事則閉賈疏云神尚幽也先牖後戶闔之次第也故則先戶而後牖矣

老醴婦于房中

南面如舅姑醴婦之禮

因於廟見禮之

疏

正義曰敖氏云不於堂辟尊者任之處也張氏

爾岐云亦象舅姑生時因婦來見遂禮之也房中廟之房中盛氏世佐云上云贊醴婦贊卽老也以其助舅姑行禮故曰贊此無助故直指其人言之老家臣之長必有德而年高者爲之故使之醴婦所以代舅姑也特性少牢禮有主婦與尸祝佐食賓獻酢飲爵之事古人行禮不以爲嫌也又郝氏謂三月廟見以夫婦共爲祭主非以三月爲限也苟未三月而及祭期婦可以不與於祭乎與於祭可以不先見乎此皆臆說也婦入三月然後祭行未三月而及祭期婦固不與也

壻饗婦送者丈夫婦人如舅姑饗禮疏

正義曰盛氏世佐云春秋宣五年經高固及子叔姬來左傳云反馬也杜注禮送女畱其送馬謙不敢自安三月廟見遣使反馬此士禮雖無反馬之事然送女者則必俟其成婦而後歸亦猶謙不敢自安之意也舅姑存則以昏之明日見於舅姑舅姑醴之婦禮成矣送者可以歸矣故舅姑於饗婦之後卽饗送者不必三月也若舅姑旣沒則必待三月廟見而後成婦記云擇日而祭于廟成婦之義也又云女未廟見而後歸葬于女氏之黨示未成婦也成婦而後送者乃可以歸故經言壻饗送者於老醴婦之後著其行禮之節也敖氏云此禮宜行於始嫁之時非也且婦

未受禮而先饗送者亦失其先後尊卑之次矣

### 右舅姑沒婦廟見及饗婦饗送者之禮

記

士昏禮凡行事必用昏昕受諸禰庶辭無不腆無辱用昕

用昏壻也腆善也賓不稱

疏正義曰昕陽始也昏陰終也

幣不善主人不謝來辱

疏受讀如受命文考之受謂命

於禰廟然後行事也蓋據壻家言之此為適士二廟者言

注云賓不稱

其祖禰共廟雖受諸禰廟終不得云禰廟

注云賓不稱

幣不善主人不謝來辱者郝氏云腆厚也辱汗也以物贈

人自稱不腆謙言薄也賓至主人稱辱謙已汗也男女匹

合不得言薄言汗示誠信也顧氏曰婦妹人之終始也先

王於此有省文尚質之意焉故辭無不腆無辱告之以直

信曰先人之禮而已所以立生民之本而為嗣續之基

故以內心為主而不尚乎文辭也非徒以教婦德而已

不用舂皮帛必可制

摯鴈也皮帛也疏正義曰摯使者及壻

麗皮束帛也

疏所執以相見也舂謂



先儒之論二筭禮則異是賀氏揚謂許嫁者主婦爲之著  
筭女賓以醴禮之未許嫁而筭婦人禮之無女賓賈疏謂  
未許嫁而筭無主婦女賓使婦人而已又謂許嫁者用醴  
禮之未許嫁者當用酒醯之朱子謂許嫁而筭主婦當戒  
外姻爲女賓使之著筭而遂禮之未許嫁者則不戒女賓  
而自以家之諸婦行筭禮諸說皆用鄭義鄭注此節云使  
主婦女賓執其禮襍記云言婦人執其禮明非許嫁之筭  
蓋以禮之婦人執其禮七字爲指未許嫁者言而敖則通  
上許嫁者爲一義此其所以異也詳襍記文敖說亦不爲  
無理特其所謂未許嫁筭而不字者後許嫁將復筭而字  
之乎抑字而不復筭乎敖意似謂古女子皆二十筭而後  
許嫁許嫁復筭而字又與記文不合是則可疑矣或曰二  
筭禮同筭而字亦同惟有字而稱與不稱爲異耳韋氏協  
夢云筭女之禮與冠子略同冠子若不醴則醯用酒女子  
之筭亦可以醴與酒擇用之矣疏謂女子未許嫁而筭者  
始用酒意雖別之於已許嫁者而不知其說之非也蓋已  
許嫁與未許嫁皆以醴飲之以筭  
加之特有稱字不稱字之分耳  
祖庠未毀敦于公宮三

月若祖庠已毀則敦于宗室

祖庠女高祖爲君者之庠也  
以有總麻之親就尊者之宮

教以婦德婦言婦容疏正義曰敖氏云此據士族之貴者  
婦功宗室大宗之家疏言也祖女所自出之君也祖國君  
五廟太祖之廟不毀其餘先君若過高祖則毀其廟而遷  
之未毀者以其猶在今君四親廟之中也其與君共太祖  
者若太祖去今君五世廟雖不毀其禮亦與既毀者同祖  
廟未毀而教於公宮統於祖也祖廟毀而教於宗室統於  
宗也注云以有總麻之親者賈疏云共承高祖是四世  
總麻之親若三世共會祖者是小功之親共祖是大功之  
親共祖廟是齊衰之親則皆教於公宮今直言總麻者舉  
最疏而言云教以婦德婦言婦容婦功者皆義文鄭彼注  
婦德貞順也婦言辭令也婦容婉婉也婦功絲麻也云大  
宗之家者昏義孔疏云大宗小宗之家悉得教之與大宗  
近者於大宗與大宗遠者於小宗此說不若賈疏云不於  
小宗者小宗卑故也若謂與國君絕服者教於大宗之家  
大宗絕服者教於小宗之家設有繼高祖之宗而與大宗  
絕服者將於何教乎教於大宗則已遠教於己室是無統  
矣此則孔說所不通也褚氏寅亮  
云異姓亦有宗子之室於彼教之

## 右記笄女教女之事



問名主人受鴈還西面對賓受命乃降受鴈於兩楹間南面還於阼階上對賓以  
疏正義曰敖氏云問名之儀主人以賓升西面賓升女名疏自西階東面問名主人阼階上北面再拜進受於楹間還於阼階上西面賓亦還於西階東面主人對賓受命乃俱降也吳氏廷華云致命皆當阿此時當亦如之當阿亦階上地但入堂後耳

### 右記問名對賓之節

祭禮始扱一祭又扱再祭賓右取脯左奉之乃歸執以反命反命謂使者問名納吉疏正義曰凡祭禮之法皆如此納徵請期還報於壻父疏其記於此者以問名諸禮皆醴賓故也吳氏廷華云經醴賓以柶祭醴三此祭醴當指賓言況下明言賓取脯又言反命其爲賓之祭醴甚明賈疏以贊醴婦言之謬矣至所謂又扱再祭者據廣韻再仍也謂仍如始祭扱之以至於三也賈謂再祭分爲二祭非也

右記祭醴法

納徵執皮攝之內文兼執足左首隨入西上參分庭一在

南攝猶辟也兼執足者左手執前兩足右手執後兩足左首象生曲禮曰執禽者左首隨入爲門中阨狹西上中

庭位疏正義曰敖氏云先儒讀攝爲摺則訓疊也今人屈併物而疊之謂之摺執皮攝之者中屈其皮疊而執

之也內文兼執足攝之之法也文獸毛之文也內文者事未至也左首爲面上也云隨入者以其拉設嫌亦竝行也

面上統於賓也參分庭一在南者參分庭淡而所立之處當其參分之一故二分在北一分在南也此設皮之位亦

當在西方注云左首象生者褚氏寅亮云注是也非以面上故也故聘禮則右首矣盛氏世佐云攝皮之位說見

聘禮敖云在西方非是云隨入爲門中阨狹者賈疏云皮皆橫執之近人云廟門容大局七個注大局牛鼎之局長

三尺每局爲一個七個二丈一尺彼天子廟門此賓致命士之廟門降殺甚小故云門中阨狹隨入得竝也

釋外足見文主人受幣士受皮者自東出于後自左受遂

坐攝皮逆還通東壁

賓致命主人受幣庭實所用為節士

長也自

**疏**

正義曰敖氏云釋外足見文所謂張皮也見文

由也者事已至也皮以文為美故當授受之節宜示之他時則否士謂主人之私臣非指有爵者言也自東自門東而來也士之私臣其位在門東北面後與左皆據執皮者言也受者居客之左便其先執前乃執後也聘禮曰賓出當之坐攝之逆還往東者先還由便也此記與聘禮互見當參考注云賓致命主人受幣庭實所用為節者賓堂上致命時執皮者庭中釋皮外足見文主人堂上受命時主人屬吏受皮者自東方出執皮者之後至其左北面受之也云若中士下士不命者以主人為官長者韋氏協夢云士謂主人之私臣及府史胥徒之屬注以中士下士當之固非而敖氏專指私臣言亦未備

### 右記納徵庭實之節

父醴女而俟迎者母南面于房外

女醴次純衣父醴之於房中南面蓋母薦焉重

昏禮也女奠爵於薦東立於位而俟壻壻至父出使壻者請事母出南面房外示親授壻且當戒女也

**疏**

正義

曰注云蓋母薦舅者賈疏云舅姑共饗婦姑薦脯醢故知  
父母醢女亦母薦脯醢云奠爵於薦東者士冠禮子與醢  
子及此篇醢賓禮婦皆奠爵女出于母左父西面戒之必  
於薦東明此亦奠爵薦東也

**有正焉若衣若笄母戒諸西階上不降**  
必有正焉者以疏託戒使不怠

**正義曰**不敖氏集釋作勿。賈疏云母出房戶西南面女  
出房面行故云出于母左父在阼階上西面故因而戒之  
母戒諸西階上者母初立房西面女出房母行至西階上乃  
戒之也注云必有正焉者盛氏世佐云以物爲憑曰正  
母施衿結帨庶母施鞶皆謂以物與之則此  
衣若笄亦父戒時子女使服之識而弗忘也

### 右記父母授女

**婦乘以几從者二人坐持几相對**

持几者重慎之

**疏**

正義曰賈疏云王后則履

石大夫諸侯亦應有物履之但無文今人猶用臺盛氏世  
佐云從者二人蓋夫家之從者跪而持之者几卑故也相  
對各持其几  
之一端也

右記婦升車法

婦入寢門贊者徹尊冪酌玄酒三屬于尊棄餘水于堂下

階間加勺

屬注也玄酒澆水貴新昏禮又貴

**疏**

正義曰敖氏曰云酌

則以勺也棄餘水者不欲人褻用之也徹冪加勺兼指二尊而言吳氏廷華云周禮酒正疏云若五齊加明水三酒加玄酒爲十六尊蓋以五齊各有一明水之尊三酒各有一玄酒之尊也司尊彝疏云雞彝盛明水鳥彝盛鬱鬯五齊三酒并配尊則尊有十八是以酒正疏十六尊又增出玄酒鬱鬯二尊爲十八尊也十八尊中正尊與配尊各九卽此疏配尊等說也案郊特牲只有齊加明水無三酒加玄酒之文澆所謂加明水不過如禮運所謂玄酒在堂醴醑在戶蓋於五齊之外別加一明水之尊非謂五齊各有一明水之尊也又據彼文云明水澆之似五齊各有一明水以澆之不知五齊雖有異同而明水則一何必分而爲五且據司尊彝疏鬱鬯用五齊五齊用三酒三酒用水此蓋爲澆清澆醴言之如其說亦止三酒用水與鬱鬯五齊何涉此賈疏復舉以爲說謬矣

右記注玄酒之節

筭緇被纁裏加于橋舅荅拜宰徹筭

被表也筭有衣者婦見舅姑以飾為敬橋

所以殿筭其制未

疏正義曰盛氏世佐云橋制漢時已不聞今文橋為鎬

橋舉之橋以木為之

似今之步案高五尺下附午貫舉筭

處亦午為之此則漢法也郝氏曰橋筭蓋曲起如橋以被

覆其上奉以進曲禮奉席如橋衡聘禮勞以二竹簋方玄

被纁裏有蓋其實棗栗與此同二說不同請以經文折之

經云加于橋則所以殿筭也當從注云筭蓋者非也字从

木則以木為之當從圖命名之義或取其狀相似則如橋

之說亦未可盡廢特其所稱橋衡之義亦與鄭異鄭注曲

禮云橋井上榑棹注云今文橋為鎬者胡氏承琪云說文

橋水梁也橋之本義為橋梁古者井上榑棹亦名橋曲禮

奉席如橋衡是也此橋所以殿筭鄭雖云其制未聞然作

橋於義為近若鎬為盟器

與此無涉故不從古文

右記筭飾及受筭之節

婦席薦饌于房

醴婦饗婦之席薦也疏正義曰賈疏云醴婦時惟席

薦竝有俎俎則不饌於房從鼎升於俎入設於席前今據

醴婦時同有席與薦饌於房中者言也盛氏世佐曰經但

云席于戶牖閒而不見席未設時所陳處但云側尊無醴

于房中而不見薦所陳處故記之薦謂脯醢也冠禮筵在

南尊在北簋豆次尊南上此宜亦如之未設時先饌于房

及其設之則席在舅姑寢堂上客位脯醢設於席前饗婦

之位同注饗婦姑薦舅舅姑共饗婦舅疏正義曰賈疏云

說是也饗婦姑薦舅獻爵姑薦脯醢疏經直云舅姑共

饗婦以一獻之禮婦洗在北堂直室東隅篚在東北面盥

不言姑薦故記之婦洗在北堂直室東隅篚在東北面盥

洗在北堂所謂北洗北堂房中半以北疏正義曰賈疏云

洗南北直室東隅東面直房戶與隅間房與室相連為

之房無北壁故得北堂之名知房無北戶者見上文尊于

房戶之東房有南戶矣燕禮大射皆云羞膳者升自北階

立于房中不言入房是無北壁而無戶是以得設洗直室

東隅也敖氏云室之東隅有二云在北堂故無嫌於南篚

盛爵解為婦酢姑酬也庭中設洗水在北堂故無嫌於南篚

篚在洗東則水在洗西矣盥為將洗爵以酬舅也無嫌於

不洗故惟以盥見之此洗內洗也亦曰北洗凡其設之與  
盥者之位皆如此記主為婦禮發之故惟云婦洗盛氏世  
佐曰古宮廟之制楊氏儀禮秀通圖最分明惟北堂之說  
略焉今以禮家言推大夫士屋皆兩下五架正中曰棟棟  
南兩架為楹為殿皆堂也棟北兩架西為室東為房室與  
房之南皆有壁有戶有牖室北有牆謂之北墉房北無牆  
故名其半以北曰北堂婦洗設於此云直室東隅者明其  
在房之西偏也謂天子諸侯有左右房大夫士惟有東房  
西室者此鄭義也陳氏祥道謂大夫婦酢舅更爵自薦更  
士之房室與天子諸侯相同非也 婦酢舅更爵自薦更  
男女不疏正義曰更爵者不敢用舅獻己之爵為己飲而  
相因也疏變也自薦者為姑親薦己故不敢使人薦舅行  
禮欲其不敢辭洗舅降則辟于房不敢拜洗者為禮疏  
稱也 正義曰此謂舅將獻婦之時也舅降謂降洗也婦辟于房  
者既不從降又不敢安於堂上故立辟也張氏爾岐云辭  
洗拜洗賓主敵者之 凡婦人相饗無降姑饗婦人送者於  
禮婦於舅則不敢也 房無降者以北洗  
上疏正義曰敖氏云此謂姑饗婦人送者與舅沒而姑  
存饗婦者也故以凡言之言婦人相饗無降明男



女相饗則有降者如  
上記所謂舅降是也

### 右記醴婦饗婦饌具儀節

婦入三月然後祭行

於祭乃行謂助祭也

**疏**

正義曰程氏

自兼通婦庶婦言賈疏惟指通婦未備若三月廟見則惟  
通婦以廟見與祭象盥饋庶婦不饋則亦不奠茶也韋氏  
協夢云祭謂四時常祭祭行謂至是遇有祭祀婦乃行也  
若然則三月之前雖有祭事婦亦不行不行者未成婦也  
盛氏世佐云特性少牢禮婦人助祭者內賓宗婦皆與此  
不專指通婦若謂助夫祭為主婦必舅姑既沒或老而傳  
者乃得爲之舅在無姑仍不得爲主婦也敖氏知  
此禮該舅姑之存沒而不兼庶婦言亦未爲備

### 右記婦助祭之期

庶婦則使人醺之婦不饋

庶婦庶子之婦也使人醺之不  
饗也酒不酬酢曰醺亦有脯醢

通婦酌之以醴尊之庶婦酌之以酒卑  
之其儀則同不饋者共養統於通也

**疏**

正義曰褚氏寅  
亮云醴通婦與

醴適子同則醴庶婦與醴庶子位在房外南面矣敖氏疑此席亦在戶間非也張氏爾岐云亦昏之明日婦見舅姑時因使人醴之於房外之西如醴婦之儀婦不饋則舅姑亦不饗也盛氏世佐云或疑醴禮亦行於見舅姑之日斯時房外之位姑實在舅豈庶婦見舅姑其位亦異於適歟曰非也上文贊醴婦時舅姑尚在阼與房外之位醴畢乃入室若親醴之然所以尊適也此云使人醴之則舅姑早入於室矣無妨席於房外也人亦室老也舅姑不在其位故不云贊注云酒不酬酢曰醴者亦如庶子醴然知亦有脯醢者以饗婦醴子皆有脯醢也云其儀則同者適婦用醴於客位東面拜受醴贊者北面拜送今庶婦雖於房外之西者亦東面拜受醴者亦北面拜送也

### 右記庶婦禮之不同於適婦者

昏辭曰吾子有惠貺室某也

昏辭擯者請事告之辭吾子謂女父也稱有惠明下達貺

賜也室猶妻也子謂公

**疏**

正義曰賈疏云壻家舊已有辭女家見許故今得言貺室若然

則納采之前固有行媒以合二姓之好矣經不具者以不在六禮之內也某有先人之禮使某

也請納采

某壻父名也

**疏**

正義曰使下敖氏有此字○案某也使名也

為主也

對曰某之子蠢愚又弗能教吾子命之某不敢辭

對

者擯出納賓之辭某女父名也吾子謂使者今文弗為不無能字

**疏**

正義曰徐本集釋通解俱作今文○弗為

不者胡氏承琪云下文納吉對曰某之子不教蓋至納吉則事已定而情彌親故其辭徑遂此納采則禮初行而情

未愜故其

致命曰敢納采

**疏**

正義曰賈疏云此使者升堂辭微婉耳

對辭如納徵不言之者文不具也敖氏云此不言對則是主人惟拜而已

### 右納采之辭

問名曰某既受命將加諸卜敢請女為誰氏

某使者名也誰氏者謙也

不必其主

**疏**

正義曰某壻父名言壻父既受主人之命將加之於卜敢請女為誰氏也注以某為使者

名加卜豈使者事乎盛氏世佐云古人有姓有氏姓如姬姜之類氏如叔孫季孫之類男子惟稱氏婦人恆稱姓記

云幼名冠字五十以伯仲男子之禮也婦人既笄之後卽以伯仲爲字而稱之皆與男子異故以姓配伯仲婦人之通稱閒有以姓配氏者如欒歷之妻曰欒祁郭偃之妻曰東郭姜之類蓋傳者以此相別耳非常稱也婦人之氏有二種而姓氏之氏不與男一則以姓爲氏如曰姬氏姜氏是也一則以字爲氏如詩所稱戴嬀大任皆曰仲氏是也上云某氏來婦某姓也此云女爲誰氏誰字也禮本問名辭乃問字者使者不敢斥言主人則直告以女名矣若女之姓氏於媒氏傳言時已知之何必問邪注誤以問名爲問姓嫌於知而復問故以謙不必其主人之女解之非也疏家主於護注遂創爲名有二種之說此皆泥於婦人不以名行之故耳夫不以名行者特以婦人無外事故名不聞於人非謂有名而不稱也昭二十七年左傳云請以重見是婦人稱名之例矣周禮媒氏云凡男女自成名以上皆書歲月日名男記云男女非有行媒不相知名然則女子未字以前其名不出於姻惟媒氏知之而男家則猶待也姜氏亦知注疏之誤而其說以問名爲問字亦未爲得又不駁注不必其主人之女云卽收養爲己女亦當姓主人之姓豈有養女仍以本姓姓之而待請其姓此尤非也男女辨姓收養之女不必不以本姓姓之不知其姓當以

實告男家而使卜之如買妾不知其姓則卜之之例豈得  
冒己之姓而或犯同姓爲昏之屬禁哉然其告之也亦當  
於媒氏傳言之時不待納采後尙煩男家之問此注說所  
以難通也昏義孔疏云問名者問其女之所生母之姓名  
云爲誰氏言女之母何姓氏也亦非問女名將以卜之也  
問女母之姓名何爲哉又案此辭及下文吾子有命以下  
至某不敢辭皆賓在廟門外與擯者對答之辭卽經所謂  
擯者出請賓執鴈請問名主人許者也賓致命於堂當曰  
敢問名主人則直以女名對之卽上記所謂主人受鴈還  
面面對者也疏以此爲致命之辭張氏謂告擯者之辭當  
亦不異今皆不取敖說近是而謂致命亦當云敢請女爲  
誰氏恐非也不敢斥言而云誰氏者使者之辭直云問名  
者婿父之命自納采以至請期致命之辭俱  
相似故記於納采納徵見其例而餘則略之對曰吾子有  
命且以備數而擇之某不敢辭卒曰某氏不記之  
謂問女名也備數而擇之若曰不專采己女然謙也褚氏  
寅亮云賓之辭若不必爲主人之女主人之辭若猶有他  
姓與男氏議昏者無其事而設其辭皆謙退不敢質言也  
注云不記之者明爲主人之女者言主人雖對以己女  
疏正義曰命

之氏而記者以其  
可知而不記耳

### 右問名之辭

醴曰子爲事故至于某之室某有先人之禮請醴從者

者謙不敢席也疏正義曰胡氏承琪云注云今文於爲于

於者古文烏也於下云孔子曰烏弓呼也取其助氣故以

爲烏呼然則以於釋于亦取其助氣釋詁毛傳亦云于於

也凡詩書川于字凡論語用於字蓋于於二字在周時爲

古今字故釋詁毛傳以今字釋古字也此字蓋古文之後

出者此字旣出則又于於爲古今字凡經多用于凡傳多

用于鄭於昏禮大射儀從古文作於旣夕記又從古文作

于者正欲見古文對曰某旣得將事矣敢辭將疏正義曰

二字已通用耳先人之禮敢固以請主人辭固如故疏正義曰此及下主人又請

固請之某辭不得命敢不從也賓辭也不得命者疏正義

堅也疏正義曰徐

陳集釋通解楊敖辭己之命辭俱作許○此及下使者又  
答也敖氏云此皆損者傳賓主之辭卽經所謂請醴賓賓  
禮辭許者也

### 右醴賓之辭

納吉曰吾子有貺命某加諸卜占曰吉使某也敢告

貺賜也賜

命謂許以女名也某壻父名 **疏**正義曰盛氏世佐云賈疏於貺字絕句非 **對曰某之子不教**

惟恐弗堪子有吉我與在某不敢辭與猶兼也古 **疏**正義曰賈

疏云我與在以其夫婦一體夫既得吉婦吉可知故云我兼在占吉中也注云古文與爲豫者胡氏承琪云與正

字豫古文  
段俗字

### 右納吉之辭

納徵曰吾子有嘉命貺室某也某有先人之禮儷皮束帛

使某也請納徵致命曰某敢納徵對曰吾子順先典貺某重禮某不敢辭敢不承命典常也疏正義曰儼皮束帛所法也謂先人之禮也納采之屬不言行禮物者鴈特執以將命非幣帛之可比也盛氏世佐云致命之辭宜在敢不承命之後對曰吾子順先典云云當在致命曰某敢納徵之上

### 右納徵之辭

請期曰吾子有賜命某既申受命矣惟是三族之不虞使

某也請吉日

三族謂父昆弟已昆弟子昆弟虞度也不僂度謂卒有外喪此三族者已及子皆謂服期

期服則踰年欲及今之吉也疏正義曰申受命者自納記曰大功之末可以冠子嫁子采以來每度受命也王氏引之云卒有外喪不測之患則不得嫁娶矣何以請吉日若豫料將來則又與惟是之文不合案不無也虞憂也無憂謂無外喪也三族無外喪則可行嘉禮故惟用此三族無虞之時請吉日也此與萃象傳之戒虞左傳之備其



不虞異議彼謂不億度此謂無憂患也對曰某既前受命矣惟命是聽前受命者

申前疏正義曰張氏爾岐云主人事也以期當自壻家來故辭之曰某命某聽命于吾子

日某壻父名也對曰某固惟命是聽使者曰某使某受命吾子不

許某敢不告期曰某日某吉日疏正義曰使者來時本受

請之此乃因其固辭而告之也對曰某敢不敬須須待疏正義曰盛氏世

謂皆賓與主人面相往復之詞敖氏則以下方屬堂上往復

下至某敢告期為損者所傳曰某日以下方屬堂上往復

之辭二說俱未安謂皆堂上致命之辭則失卻損者傳言

一段如敖氏說又未免割裂之病蓋此辭皆使者在門外

與損者所往復者也其致命於堂當日敢請期而主人亦

惟拜命而已不於堂告期者在門外已告也仍日請期

者以壻父之命本欲使者請女氏示期所謂某命某聽命

於吾子也若於堂上直告之曰某日豈得為致命乎故以

吉日私告損者而致命仍日敢請期斯於情文兩得矣不

記之者如上文納吉辭之例也又案昏辭凡使者稱吾子

皆謂女父也。擯者稱吾子皆謂壻父也。注以擯辭之。吾子爲指使者其餘尙可強通。納徵對曰吾子順先典則不可通矣。使者明云某有先人之禮而對辭乃謂使者順先典是以重禮之。貺爲出於使者矣。其可乎或疑向使者不合稱壻父爲吾子然使者之稱吾子亦非面女父之辭也。況壻父是使命所自出女家顧無一辭及之豈禮也哉。惟醴辭曰子爲事故之子指使者言納吉對曰子有吉亦指使者而意則不專指使者猶下言我與在雖爲擯者自我而意亦不專擯者也。何以知擯者自我也。凡擯者稱女父皆稱其名此不云某而云我則非指女父矣。何以不稱吾子有吉某與在也。吉不專在壻女之父也。二姓之人皆在吉中而使與擯周旋其間樂其事之有成者亦與有榮焉。曰子曰我舉情之疏者而戚者可知也。問名曰某旣受命將加諸卜注以某爲使者名亦非也。此與某加諸卜某旣申受命矣兩處語意相似某字皆當指壻父名時雖未反命而使已受命卽如壻父親受命矣將加諸卜不可謂使者卜也。一使兼行二禮皆出自壻父之命故辭必稟之某敢納徵之某亦當指壻父名以此是致壻父之命也。

## 右請期之辭

凡使者歸反命曰某既得將事矣敢以禮告主人曰聞命

矣

告禮所執脯

疏

正義曰通典無告字玩賈疏意似亦無告字○張氏爾岐云凡者五禮使者皆然注云

告禮所執脯者盛氏世佐云上記云賓右取脯左奉之乃歸執以反命則知此禮是謂所執脯矣蓋以己之得禮明不辱命也至其在女家交際之儀酬答之辭自當一一述於主人而記者則不及詳敖氏謂禮即女家所受納采問名之類不若注說之安也

### 右使者反命之辭

父醮子

子壻也

疏

正義曰男言醮女言醴互文也取婦以承祭故重其禮亦應在廟與醴女同賈疏以

不言神位故知其不在寢未免穿鑿

命之辭曰往迎爾相承我宗事

相助也宗事宗

庶之

疏

正義曰爾相謂婦也祭統記國君取夫人之辭而曰此求助之本故謂婦為相承我宗事即昏義所

云上以事宗廟而下以繼後世也

助帥以敬先妣之嗣若則有常

助勉也若猶女

也勉帥婦道以敬其爲先妣之嗣女之疏正義曰張淳云行則當有常淡戒之詩云大如嗣徽音疏釋文作帥道當云勉帥道婦張氏之說是也帥之訓道上文已具故此不復言但疊帥道二字以見義。張氏爾岐云當四字爲句事嗣叶相常首尾叶敖氏讀助帥以敬爲句先妣之嗣爲句言女當勉帥之以敬彼能敬則盡婦道而可以嗣續我先妣之事矣王氏引之曰敖說是矣而未盡也之是也言當勉帥以敬惟先妣是嗣也大雅河漢篇召公是似文義與此同傳曰似嗣也經文以事嗣爲韻若則有常句不入韻士冠禮醴辭禮儀既備令月吉日昭告爾字爰字孔嘉髦士攸宜之于假永受保之備字爲韻嘉宜爲韻末子二句不入韻是其例也顧氏詩本音謂相常爲韻非是子曰諾惟恐弗堪不敢忘命疏正義曰敖氏云堪任也惟恐不任帥以敬之事蓋謙恭之辭子既對乃拜受解

### 右父醮子辭

賓至擯者請對曰吾子命某以茲初昏使某將請承命賓

也命某某墳父名茲此也疏正義曰吾子謂女父某墳父將行也使某行昏禮來迎  
疏也命上敢不敬須之命也親迎而曰承命  
**對曰某固敬具以須**  
疏正義曰承上請立言之法也  
**期荅辭故曰固**

### 右親迎至門告擯者辭

**父送女命之曰戒之敬之夙夜毋違命**

夙早也早起夜臥命舅姑之教命古

文毋疏正義曰毋陳闕監本俱誤作母凡他篇毋字此本爲無疏亦有誤作母者可以義求之○張氏爾岐云卽記

云父面面戒之必有正焉之辭盛氏世佐云賈疏云父戒之使無違舅命母戒之使無違姑命故父云命母云戒此

注有姑字者傳寫誤也下文宮事謂姑命婦之事此說似泥命謂舅姑之命注中姑字非衍也宮事謂凡宮中之事

不可違夫命也孟子載母戒女辭曰無違夫子與此記互相發矣注云古文母爲無者賈疏謂說文母爲禁辭故

從今文毋爲正也  
**母施衿結帨曰勉之敬之夙夜無違宮事**  
帨佩巾

**疏**正義曰張氏爾岐云卽前記云母戒諸而階上之辭衿衣小帶一云衣領盛氏世佐云衿注疏無明文內則注

衿猶結也又與此義不合張說蓋用說文注及詩傳漢書注應劭曰衿帶也竊疑此說於此義稍近而施帶於身而結巾於帶以爲識也庶母及門內施鞶申之以父母之命命之曰敬

恭聽宗爾父母之言夙夜無愆視諸衿鞶庶母父之妾也

革女鞶絲所以盛悅巾之屬爲謹敬申重也宗尊也愆過也諸之也示之以衿鞶者皆託戒使識之也不示之以衣笄者尊者之戒不嫌忘之視疏正義曰門內廟門之內也乃正字今文作示俗誤行之庶母位在下故送之及門內張氏爾岐云鞶大帶其訓鞶者从糸不从革視諸衿鞶者教以見衿鞶卽憶父母之言也盛氏世佐云以鞶爲囊者鄭義也杜注左傳以爲紳帶一名大帶賈服皆與杜同說文亦云大帶也孔疏每曲鄭而直杜以易訟之上九或錫之鞶帶知鞶卽帶也左傳疏又以內則繫表之鞶亦當爲帶然繫字从糸鞶字从革則一爲囊一爲帶自屬兩義張說近得其實上文母施衿愚眊以帶解之矣此鞶又爲帶者丈夫之帶有二一爲大帶以束衣一爲革帶以佩韍王之等婦帶應如之鞶爲大帶則衿猶丈夫之革帶歟知衿非衣小帶者小帶散在衣非總束其身且非所用以

疑焉者玉藻論大帶之制自天子以至於士皆以絲爲之而內則云男鞶革女鞶絲是杜意爲不可通矣意者內則之鞶當作繫所謂小囊盛帨巾者也易與春秋傳之鞶則如字而爲大帶之別名與內則所論男女幼小時飾易春秋傳所陳命服之飾其指不同也或曰此記之鞶鄭義亦可通蓋母爲之結帨而庶母施囊以盛之也鞶與繫古通用注云視乃正字今文作示俗誤行之者胡氏承琪云賈疏云曲禮云幼子常視毋誑注云視今之示字彼注破从示此注以視爲正字以示爲俗誤不同者但古文字少故眼目視瞻與以物示人者皆作視字故此注云視乃正字今人作示是俗人以今示解古視故云誤也彼注云視今之示字者以今曉古故舉今文示而言兩注相兼乃具也承琪案小雅視民不佻箋云視今示字曲禮注云視今之示字謂此視字卽今人所用之示字古人正作視不作示耳孔疏云鄭注經中視字者是今之以物示人之示也是舉今以辨古此說得之賈疏謂曲禮注破視從示非也

## 右父母送女戒命之辭

壻授綏姆辭曰未教不足與禮也

姆教人者  
**疏**正義曰經文十

本集釋通解皆有注四字徐本集釋通解楊氏皆有今本經注俱脫

### 右姆辭壻授綏之辭

宗子無父母命之親皆沒已躬命之

宗子者適長子也命之命使者母命之在

春秋紀裂繻來逆女是也躬猶親也親命之則宋公使公孫壽來納幣是也言宗子無父是有有父者禮七十老而傳八十齊嚳之事弗及若是者子  
**疏**正義曰張氏爾岐云代其父為宗子其取也父命之此請期以上五禮皆

命使者行故言使命所出必自其父若無父者則母命之母命之者亦但命子之父兄師友使之命使不得稱母命

以通使也親皆沒不得已乃親命之所以著廉遠恥也盛氏世佐云母命之者母使子之諸父兄命五禮之使者親

迎則使命其子昏辭皆稱母所使出命者之名也雖有諸父諸兄不敢擅為昏主必待母命而後為之尊大宗也母

沒則族人無敢主其昏矣故已躬命之躬命之者親迎五禮之使者親迎則告之於禰而其辭皆稱壻名也說苑載



諸侯親迎之辭直稱某國寡小君使寡人云云而嫁女之  
國亦女母夫人對是婦人得與外事矣又言諸侯以至士  
庶人親迎皆用屨或三兩二兩而以所加琮與束脩爲異  
無用鴈者亦與此經不合益襍取諸書所成未可盡信也  
昏禮當使同姓主之公羊傳云稱諸父母師友說苑載大  
夫士昏辭亦曰某之父某之師友異姓而與父兄竝  
稱恐未安注云母命之在春秋紀裂繻來逆女者隱二  
年經書秋九月紀裂繻來逆女公羊傳裂繻者何紀大夫  
也何以不稱使昏禮不稱主人何休云爲蒼廉遠恥也又  
云然則曷稱稱諸父兄師友宋公使公孫專來納幣則其  
稱主人何辭窮也辭窮者無母也何注云禮有母母當命  
諸父兄師友稱諸父兄師友以行宋公無母莫使命之辭  
窮故自命之自命之則不得不稱使又云然則紀有母乎  
曰有有則何以不稱母母不通也何注云禮婦人無外事  
但得命諸父兄師友稱諸父兄師友以行耳母命不得達  
故不得稱母通使又所以遠別也服注亦云不稱主人母  
命不通故稱使褚氏寅亮云命與親迎各不相蒙集說言  
父沒則無醮而命之之人故不可親迎固哉哀公問諸侯  
當冕而親迎旣繼世而爲諸侯無父可知而必親迎則親  
迎豈以父存沒而異下記云不親迎謂或有事故及疾不

得親迎之等非必支子則稱其宗支子庶昆弟也稱**疏**正義

指父沒者而言也

曰敖氏云支子謂宗子之族人也此指其無父母與親兄

者言宗亦大宗子也稱其宗子命使者宗子尊也言稱其

宗則非宗子自命之矣下文弟稱其兄亦然此支子與庶

服傳所云者不同盛氏世佐云此亦謂無父者支子與庶

子異庶者對適而言支者對宗而言有庶子而為宗者如

庶子為父後者是也有宗子而為支者如身是繼祖之宗

而父非適長則於祖為支矣身是繼祖之宗而祖非適長

則於曾祖為支矣推而上之即至為繼高祖之宗而於大

宗仍為支子也曲禮云支子不祭祭必告於宗子以支子

對宗子言與此同菴服傳所云者非宗子之正解也宗五

宗也大宗一小宗四稱謂昏辭所稱之名如曰某有先人

之禮之類是也父在則某是父名無父則是繼祖之宗子

名身繼祖則稱繼祖之宗身繼祖弟則稱其兄弟宗子**疏**

則稱繼曾祖之宗其他可類推矣

正義曰此亦謂無父者褚氏寅亮云注所以必指宗子母

弟者見所稱之兄非大宗子則必小宗子也假如宗子沒

母弟之次者存季弟行昏禮亦不得稱次兄何也雖其兄

而非宗子也則仍從支子之例而稱其繼祖之宗子敖氏

義禮正義

卷三

三

謂有兄則不稱宗子尙  
親也似失記者之意

### 右記使命所自出

若不親迎則婦入三月然後婿見曰某以得爲外昏姻請

覲

女氏稱昏婿氏稱姻覲見也

〔疏〕

正義曰敖氏云親迎之時主人迎婿以入母立於房外婿奠鴈而降是亦

見婿之父母矣若不親迎則婿須別見故於此時爲之必俟三月者婦無舅姑者三月而廟見故此婿行禮於婦家亦以之爲節也下文云某之子未得濯澣于祭祀然則此在廟見之後祭行之前乎盛氏世佐云敖氏創爲無父者不親迎之說據昭元年左傳楚公子圍娶婦事曰圍布几筵告于莊共之廟而來則無父者告於廟而後迎禮也豈以無所承命而廢鬼神陰陽之大典乎隱二年經書紀裂繻來逆女公羊傳曰譏始不親迎也莊二十四年公如齊逆女杜注云禮也詩曰韓侯迎止于蹶之里冕而親迎孔子以告哀公是諸侯之迎且不以無父廢也況大夫以下乎故氏之云其爲臆說無疑矣

注云女氏稱昏婿氏稱姻者雅釋親文所以別男女則男稱昏女稱姻者義取

婿昏時往娶女則因之而來及其親則女氏稱昏婿  
氏稱姻義取送女者昏時往男家因得見之故也 主人

對曰某以得爲外昏姻之數某之子未得濯澣于祭祀是

以未敢見今吾子辱請吾子之就宮某將走見主人女父

繼曰疏正義曰澣敖氏作撝張氏云釋文云撝古代反少

辱字皆作撝今本釋文作澣戴氏震曰說文撝澣也澣灌注

也二字各別此當爲撝○敖氏曰濯洗也澣拭也濯澣於

祭祀謂祭祀則濯澣祭器此非主婦之事乃言某之子亦

謙辭也王氏引之云注疏不釋數字釋文亦無音案數當

音所角切爾雅曰數疾也數之言速也驟也會子問不知

其已之遲數鄭注數讀爲速是也言前此驟爲昏姻其時

未久某之子尙未濯澣于祭對曰某以非他故不足以辱

命請終賜見非他故彌親之辭命謂將疏正義曰通解他

氏爾岐云非他故謂以非他人之故而未見案非他卽詩

兄弟匪他之義親親之辭也言某以至親故不敢辱主人

走見之命請終賜見之賈疏以非他二字連讀非也注云今文無終賜者此從古文有終賜者蓋以辭謙為得禮

耳對曰某得以為昏姻之故不敢固辭敢不從不言外亦

古文曰疏正義曰此所謂禮辭也得為昏姻則異于賓客

外昏姻所以不敢固辭也先辭其見而後不辭其摯亦

異於賓客注云古文曰外昏姻者校勘記曰以得唐石

經徐本通解楊氏敖氏俱作得以集釋校云上言某以得

為外昏姻之數以者自以也此乃云某得以為昏姻之故

以者指婿以之也正與故字語氣相貫今注疏本從敖氏

說改經耳胡氏承琪云上言自以得為昏姻之驟故謙而

言外下言得其婿以我為昏姻之故故親而不復言外邵

晉通謂上言外昏主人出門左面面婿入門東面奠摯再

拜此不立異非也主人出門左面面婿入門東面奠摯再

拜出賓客也婿見於寢奠摯者婿有子道不敢授也摯雖

也疏正義曰敖氏云主人出門左面面則近於門矣此異

脫一左字此賓主服玄端郝氏曰主人出門左也記似

也主人以迎賓之禮出婿不敢當先入門東面奠摯再拜

如父子禮不敢親授也主人不荅拜示不敢受也盛氏世  
佐云見壻之異於見賓者主人出門而左不拜不揖入是  
已不必以不出大門為異也凡出門則以東為左入則以  
西為左記於壻入門下云東面則壻亦入門左矣不言左  
省文也疏云案聘禮賓執摯入門右從君臣禮也辭之乃  
出由門左西向北面從賓客禮此亦然似以壻入門為右  
者然入門右者其摯當北面此云東面明與聘禮有開當  
以敖說為正案注言雉也以別於鴈壻親迎執鴈此當執  
雉賈疏未  
**摯者以摯出請受**  
欲使以賓客禮相見  
**疏**  
正義曰敖氏云壻欲出摯者東面取摯以出西面于門東其辭蓋曰某也使某請受  
注云欲使以賓客禮相見者案聘禮賓執摯入門右從臣禮辭之乃出由門左西向北面從賓客禮此亦壻禮辭許受然故知所請受者請退從賓客相見受之  
**壻入主人再拜受壻再拜送出**  
出已見女父  
**疏**  
正義曰受摯入者亦如聘禮受摯乃更西入也敖氏云壻東面辭既許則進訝受其摯入立于寢門外之右東面向主人也褚氏寅亮駁之曰經明著入與出之文敖氏以為訝受於門中臆說也授受之節宜亦如士相見禮在中庭盛氏世佐云此禮蓋與聘禮上

介觀主國君相似壻受摯入門左主人再拜于中庭壻進  
 北面授摯還復位乃再拜送也張氏爾岐云壻出更以請  
 見主婦告摯見主婦主婦閤扉立于其內也主婦主人之婦  
 者乃入見也見主婦主婦閤扉立于其內也見主婦主人之婦  
 弟之道宜相親也閤扉正義曰敖氏云摯出請入告主  
 者婦人無外事扉左扉疏婦乃位於此然後壻入必出乃  
 入者禮更端不敢由便也主婦此時亦纓笄宵衣注云  
 屏左扉者盛氏世佐云左扉是也門以向堂為正左扉面  
 屏也閤而扉立于其內主婦之正位也蓋取夫東婦面之  
 義士喪禮閤東扉主婦立于其內凶禮變於吉也敖氏據  
 之而以此扉為東扉誤矣賈疏謂東扉即左扉尤誤云兄  
 弟之道宜相親也者爾雅母與妻之黨為兄弟故知主婦  
 於壻者兄壻立于門外東面主婦一拜壻荅再拜主婦又  
 弟之道也壻立於門外東面主婦一拜壻荅再拜主婦又  
 拜壻出必先一拜者婦人疏正義曰于丈夫之于要義作  
 於丈夫必俠拜與○主婦與壻行禮乃俠拜  
 者重始見也壻東面則主婦南面不相對禮經釋例曰婦  
 見舅姑如臣之見君女父見壻如主人之見賓陽尊陰卑  
 之義主人請醴及揖讓入醴以一獻之禮主婦薦奠酬無  
 也

幣及與也無幣疏正義曰敖氏云此略如舅姑饗婦之禮  
外因請醴之遂及壻揖讓而入也及之云者嫌使賓者請  
之且以見壻見主婦而出亦主人送也敖氏云及當作乃非  
也入入寢門也此時壻尚未出大門士冠禮云賓出主人  
送于廟門外請醴賓禮辭許此空如之但壻見於寢則  
為寢門而非廟門耳注云無幣異於賓客者案士冠禮  
醴賓酬之以幣昏禮饗賓酬以束錦燕禮大射酬賓客皆  
有幣此無幣故壻出主人送再拜疏正義曰敖氏云送  
知異於賓客也壻出主人送再拜疏謂送于外門外

右記不親迎者見婦父母之禮